

Арецензентквa:
Шхай Катйа, ХIасарокъва Бильаль

ХIачвыкъва А.

X 29 «Абаза ажва» арыпхъащала цхърагIага. –
4 акласс. *1-хауа агIацIуцтра.* – Майкоп: ООО
«Полиграф-ЮГ», 2016. – 176 с.
ISBN 978-5-9909343-6-8

ББК 74.261.4 (2 Рос=Аба)

ISBN 978-5-9909343-6-8

© РГБУ ДПО «КЧРИПКРО», 2016
© ООО «Полиграф-ЮГ», 2016

АПХЪАЖВА

Азаман йшгIанарбауала уыжвгIанчIви апхъарта-
ква псахра щарда рхъшатI. Азаман уацымгIвайсра ахъаз-
ла атехнология шIыцквa гIаурысабапра ата-
хъыпI. Ауи ахIатырла апхъагаква, апрограмаква, ацхъ-
рагIагаква псахра атахъыпI. Апхъартаква йанакIвызлакI-
гьи ахачIв хъадаква рхъвдаквыпI.

АпычIв апхъарта хачIв хъадата апахъ йгIагылитI аса-
биква тамамта, акъыльла, ласылас йалыргата йзапхъар-
ныс, дырра цIола рытра, рщцалраква рыбагъяра, асаби
йхъатачIв хIалъ щаквыргылра, ауи йгIзара-бжъара йа-
лархIара. Арат ахачIвквa уырхъйара ахъазла апхъагIвчва
рыбызшвала цкъата, тамамта йчважвауа йаурыщцара
атахъыпI.

Апхъартаква рпны магIан ду азыбара атахъыпI апхъагIв-
чва рыбызшвала йарыпхъара, ауат рхъвыщца тамамта аб-
зазара апны йырзгIарысабапуа йбжъара.

Асабиква рцри бызшва арыпхъарала акъралъыгIва
стандарт араса йаныпI: «АпычIв апхъара анадзара
дууызлуштI, асаби йхъатачIв щаквыларагьи гъмыгIвхъга-
хушым апхъагIвчва рсквшпхъадзара, рпсихология йакв-
швауата рцри бызшвала нхара акIвыршазтын. Рысквш-
пхъадзара йаквымшвауата апхъара, «агвжважвара»
закIылагьи файда гъалам. Нхарипхъадза йара йаназаману
йакIвыршачIвыпI. Асабиквагьи йддырдыруа зымгIва
апычIв дырраква щатата йанырзалра акIвпI апхъара
дахIвра анамазлуш, асабиквагьи мацI-мацIымца адырра
шIыцквa анрауаш, рылшараква анбагъяхуш, ауатгьи
щцалрата йанцуш, йара апхъара процесгьи йырчвым-
гъымкIва йанаъазлуш».

АпычIв апхъарта апхъагIв зымгIвалагьи – йбжъаща-
лагьи, йдырралагьи – надзара бзи йымата даъазлара
атахъыпI. Ауи гIазлыцIуа ачIвыйа? Апхъара тагIаджвы-

квырцлауа апны аклвпл ужвыгы йхвыцырклву аглвычлв-
глвыс хлаль-шанта, бзирата, гвыбзыгъарата йылазлара
атахъу айхлара гъаглатлхуа, ауат йылайхлвара ахъазла
мглва тамам дъаквырцлауа. Апычлв апхъара апны апхъаглв-
чва рчважваща йаздырхъвыцитл, рыбызшва тшауацлнад-
рыхитл.

Апхъара ари азаман хачлвыта йгланарбитл:

– апхъаглвчва зымглваллагы йшрылахлуш йазрыхла-
зырра;

– йашланамклуата йзапхъауа, йызпхъаз рзыгла-
хлвахуа, хальатлдъа йзыглвуа, йзыпхъадзауа, ргвы йту ры-
бызшвала йырзыхлвауа йазыбжъара;

– йглаквлзыршауа апсабара йахарглвазара, рхъатала
рлахлара ацхъраглара; асабиква йглатлтырхыз ахлаль-шан
бзиква, агвыбзыгъараква, анхара азглашыкъра, р-Псад-
гьыл азцлабыргра, ауи бзи йырбара агыиква агъчлвра;

Апычлв апхъарта йглалгауа апхъаглвчва йрылшара
атахъыпл:

– литература чважваща норма йаквшвауата дакъи-
къакл апны ажва 45-60-ла йалу атекст йызглатпхъарныс,
йзпхъаз гвынглвырата йырзаглатвахырныс, дара рхъатала
ауи йшазагъу глаугвындырглвра рылшарныс.

Асабиква рарыпхъаща ахъыхацлхызара атахъыпл.
Апхъара йшгланарбауала апхъаглвчва хгвыпклта йша
ауаштл: абызшва бзита йыздырквауа, абызшва хыщмыщта
йалачважвауа, абызшва зымдырдзаквауа. Арыпхъаглв ари
ауыс тшазидыруа йапшым гламалъла апхъаглвчва дры-
дынхалра атахъыпл. Абызшва бзита йзымдыруа гватра
кльыда рызйымата, сахлатипхъадза дырцлглауа, йглайыр-
чважвауа, йайрыпхъауа дрыдынхалра атахъыпл. Зылша-
раква бзийу асабиква абаза бызшвала апхъара рымаджъа-
щахъвата, йазглашыкътта йбжъара атахъыпл.

Й-4-хауа акласс апны апхъара, абызшва тшауацлнарыхра йатахъу

Тамамта, йгвынглвырата, ацтлхыраква тамамта
йрызглатлглауа апхъара йазыбжъара атахъыпл.

Аглвыраква йрылу афырква рчважваща тамамта
йызглатпхъауа йбжъара атахъыпл.

Асуратква йрыквырглатста глатлвахра аларцлитл,
план рглвуа тшырбжъитл.

Йглазпхъаз апны амаглын хъада рызглатлхуата йб-
жъара, ауи апны йглазквчважвауа ауагла дара йшыр-
загъу рзыщаквыргылра атахъыпл.

Атекст злаглву ажвакв рпсахуа, ауаса йара атекст
амаглыны рымпсахуата йглархлвахуа йазырбжъитл.
Арыпхъаглв атекст йглатлхуа ашлчлвара алыхща дйыр-
дыритл.

Йапшым ахачлвква рытра, ауатла дара-дара
атекст йзадынхалра, аглатлвахраква рмаглыла хъвы-
хъвы йырзышара, хъвипхъадза хъа рзыргылра ата-
хъыпл.

Йызпхъаз йаквырглатста азцлглараква джъауап
рзатра атахъыпл.

Сурат къомкл йгладырбауа рзашлырпшуа, ауатла
глатлвахра рзалацлара атахъыпл.

Арыпхъаглв йглатцырхърагларала йалырхыз агла-
хлвахра азцлглараква рджъауапква рыртхуамца йыр-
глитл.

Йапшым атемаквала диалог чважвара рзаклвыр-
шара атахъыпл (апхъаглвчва глаквлзыршауа абзара
йаквырглатста тема, экскурсия, дара асабиква рын-
хара йазынарху атемаквала). Айчважварипхъадза аб-
жъага элементква алазлара атахъыпл. Ауи ауысла
йбзитл атемаквала абаза уагла рцласква, рхабзаква,
ркультура, ртурых, гъадаб-намыс агыиква.

Асаби йажвар йалархлара ахъазла йчпара атахъу

Арыпхъаглв апхъарасахлат тшаназирыхлазыруа
рыцла маглын ду зму ажвакв йаргвышхвауа йчпара
ахъазла ауат ажвакв глатллитл, дазхъвыцитл ауат
асабиква йшгладрысабапуаш.

Асабиква ражвар йгаладырхлауа йалкглтата
аглатлвахра апны аклвпл. Аглатлвахра тшаназдрыхла-

зыруа асабиква йырхІвуш ажваква гІалыркІгІитІ. Ауи йгІалыркІгІауа ажваква гІаргвныргІвра ахъазла арыпхъагІв азцІгІарала дырцхърагІитІ. Йа ажва шІыц алата агъвы апны йнардзам ажванахъа гІакІыдицІитІ, асабиква йнадырдзахитІ. ЙгІалкІгІу ажваква синоним рызгІау ауаштІ. Ажва баргвква аналырхуа арыпхъагІв (ауат ажваква абазара йапщылапІ) амагІын гІваца райхІвта дгъашІасхуам, йара апкъыгІва, йа асурат дйырбитІ. Ажва баргвы магІын къомкІ амазтын, зымгІва райхІвырквын рыцІа йагъыпІ, ауаса ажва амагІны рыцІа бзита йгІаргвынгІвитІ.

АпхъарасахІат апны ажвар нхара йазалху гыларта гъамам. Ауи ахІатырла ажва баргвы амагІны йара атекст ушашхъумцарагы йрахІв ауаштІ.

Апхъарала щцалрата йрымазлара атахъу

Йапхъахауа асквшбжа апны тамамта, гвынгІвырата, гвацпата, ажваква шІрымчІвауата йапхъитІ. АгІашІасраква, алогика щтІыхраква агъиква рдырра атахъыпІ. Йрымдыруа атекст 35 – 40 ажва дакъикъакІла йзапхъара атахъыпІ.

ЙгІвбахауа асквшбжа апны йашІанамкІуата багъята, йызпхъауа гІаргвынгІвуата, тшазырдыруа, литература норма йахъымсуа йапхъара атахъыпІ. Йрымдыруа атекст 45 – 60 ажва дакъикъакІла йгІапхъара атахъыпІ.

Бжбыла, ргвыла, дара-дара йзачІвтекстызлакІгы йызгІапхъара атахъыпІ. Атекст, акнига дара-дара йзадынхалра атахъыпІ.

Атекст азцІгІараква аздыргыла, йхъаду азхъвыцра рызгІалкІгІара йгы ауи рзыхІвахра, агІвыра план азлырхта ауи апланла агІвыра йгІанахІвауа рызгІахІвахра атахъыпІ. Атекст злалу ажваква, ажваква рмагІынцІакІыра рзыбауа йбжъачІвыпІ.

Дара-дара йырбаз, йзынйаз агъила гІахІвахра рзалацІауа, ауаъа апсабара аквпшыраквагы рызгІарысабапуа йбжъара атахъыпІ.

Жанрта гІахІвахра, уыса, локІ, хІвар йрыхаргІвазара атахъыпІ.

Збарла рахІа ймачІу 10 – 15 уыса рдырра атахъыпІ.

АпхъарасахІат ащтацаца (аэтап хъадаква)

I. АпхъарасахІат тшазадгалра.

– Араъа асахІат ауацІа йзланхуш гІадрыхІазыритІ: апхъага, ажвар, къальам, мшгІвыра (дневник) ауасамца.

II. ПынхачІвы рхъвыхра.

– Рпны йапхъарныс йрымаз гІахІвахразтын йапхъахауата ауи гІазквчважвауа азцІгІарала йщаквйыргылитІ арыпхъагІв. Ауи мцтахъ йгІапхъитІ, йызпхъаз гІархІвахитІ.

Уысазтын, йа хІварызтын йрымаз, ауат збарла йгІархІвитІ.

III. АпхъарасахІат атема шІыц адынхалра.

1. Араъа джвыквцІара айчважвара акІвйыршитІ, агІвгІвы йсурат дйырбитІ, ауи йыршІыйара дгІаквчважвитІ. ЙауаштІ атема йаквнагауа суратла нхара акІвыршара.

2. Къытча йа ажважв гІарысабап ауаштІ, ауыла атема апхъагІвчва азырца ауаштІ.

3. Амаль амакІва йамгІан гІвыразлакІгы йапхъахауата арыпхъагІв дгІапхъара атахъыпІ.

4. Ажвар нхара акІвыршара.

– Араъа сурат гІарысабап ауаштІ, йара апкъыгІва дуырбара атахъыпІ, ажваква синоним, антоним, къытча рызгІаг ауаштІ.

5. АпхъагІвчва дара-дара гІапхъитІ.

6. АгІвыра гІазквчважвауа шрылархІваз рхъвыхра. (Араъа азцІгІарала арыпхъагІв йщаквйыргылитІ).

IV. Тшпсцара дакъикъа.

– Ауыса хвыцкв, йа аласхІвараква тшачырчпумца йгІархІвитІ, йа макъымкІла йгІахІвитІ.

V. АпхъарасахІат атема шІыц рыбагъяхра.

Араѣа йапшым нхара акІвдыршитІ: алкІГІара апхъара, афырква ртурасы йтагылата апхъара, атекст хъвы-хъвы йшара, хъвипхъадза хъа атра, план азыргылра, планла агІвыра гІазквчважвауа гІахІвахра.

Ауи амцтахъ акврыбагъяхра апхъара акІвдыршитІ. Атекст йаквнагауа ажважв йадынхалитІ, суратла нхара акІвдыршитІ, кытча йаситІ, йапшым ахъвмарщаква акІвдыршитІ.

VI. ЦІхъважва.

– Араѣа асабиква рапхъарасахІат шакІвшаз йаквчважвитІ. ЙГІаргвнымГІвыз кІара гІанхазтын йалдыргахитІ, асахІат ауацІала джъащахъварата йзынйаз, рыцІа йыргвапхаз гІархІвитІ, рынхара нхаша аквырцІитІ, рхъа ахъазла сабапрата йГІалырхыз йаквчважвитІ.

VII. ПынхачІвы.

АгІвыра апхъаща ушадынхалуаш

АгІвыра йапхъахауата апхъара асахІат апны йхъаду хъвыпІ йгъи магІын ду амапІ. АгІвыра йанапхъауа атурасква йалыргата апхъагІв йыла йангІацІалуа, ауи агІвыра гІазквчважвауа дшархъвыцуа ракІвпІ агІвыра аналухуа апхъагІв йхъвыцща щтІызхуа.

ЙГІанатуа атурасква шабгу йылайхІвара ахъазла агІвыра зымГІва апхъарасахІат апны уапхъара атахъыпІ. АгІвыра дууызтын, апхъарасахІатла уазлымгузтын йалгахъу магІныкІ гІазныцІуа хъвыкІ апны йГІашІаситІ. Араѣа апхъагІв йГІайгвынгІвитІ агІвГІвы йГІвыра апны йГІайырбара йтахъыз, афыр хъадаква рхІальква, ауат разазъаца. Ауи йГІалцІла йапхъахауата арыпхъагІв дГІапхъара атахъыпІ. Атурыхква атекст йаргванта, йалыргата йрахІвра атахъыпІ, рыцІа майрата атурых шырзагІахІвахуаш апшта.

4 акласс апны апроза гІвыраква апхъагІвчва дара-дара ргвыла, йа рбжы хъыта йапхъитІ. Йапхъахауа апхъара ргвыла йанапхъауа йбаргвным хачІвыкІ рпахъ йдыргылитІ, апхъагІв агІвыра гІазквчважвауа шГІайгвынгІвыз рхъыхра ахІатырла. Апхъара амцтахъ рыцІа йбаргву азцІГІараквакІ рызйыргылитІ, ауат джъауап рыртызтын агІвыра йГІаныцІуа шГІаргвынгІвыз удыритІ. Ауи амцтахъ дара асабиква йГІаргвнымГІвызла азцІГІараква акІвдыршитІ. Ажва баргвыта йзынйаз алырхитІ, ауасамцара. ЙГІванхауа йанапхъауа асабиква рапхъара ащцалра арыбагъытІ. Ауи агІан агІвыра рбжы хътІыта йГІарыпхъара атахъыпІ. Йдучвам ахъвквала йшІырчІвитІ. Ауаѣа амагІны хъада гІалыркІГІитІ. АпхъагІв ауи йзахъвдаквыцІызтын агІвыра тамамта, йнардзата йшйылайхІваз гІаугвынгІвитІ. АрыпхъагІв йыргылуа азцІГІараква цІолата уаздырхъвыцуата йаѣазлара атахъыпІ. ЙГІауахвырквын: ачІвыйа ауаса йызцаз, ачІвыйа ауи гІазлыцІыз? йшпагІанша? йауа? агъиква. Ауи акІвымкІвагъи датша хачІвгъи рыртитІ: алкІГІара апхъара, ауи ахъвы гІазквчважвауа гІахІвахра, афыр йхІальшан узырбауа аквчважвара, ауасамцара.

Арат анхара квпшыраква зымГІва апхъагІв йакъыль дрыцІаритІ, йхъвыцща ацІолара йаладырхитІ. Йаргъи агІвыра шГІайгвынгІвыз, йара дшазаѣу шизыщаквыргылыз алаудыритІ.

Йызпхъаз гІархІвахрагъи швабыжта файда алапІ. Ауи асаби дазнабжытІ йацтацауата агІаншараква йзыщаквыргылныс, ауыла йыла йыцІсырныс, йгвы йнадзарныс. Йаргъи ауи агІан асаби йажваквала агІвыра шйылайхІваз гІайхІвитІ. Атекст бзита данапхъара йубитІ асаби йангІайхІвахуа йатахъу ажваквала майрата йшизгІауа, ажванохъаква тамамта йаныргІалта йшизыщаквыргылуа. Планла йГІайхІвахуа атекст ахъвква закІгъи гъбжырышвтуам. Абызшва алархІара, ауи тшауацІнарыхра апны ари апш нхара квпшыра файда ду алапІ.

АлокIкви ахIваркви ушрыдынхалуаш

АпычIв апхьарта апны арат ажанрква асабиква швабыжта бзи йырбитI. Ауат щарда гIахьыртIитI, щарда уазырбжыитI. Йауа ухIварыквын, алокIква, атурыкква, ахIварква рпны асабиква ргIзара-бжьара йацхърагIауа гIаншара щарда гIахътIхитI: цныхчылра, азцIабыргра, хъацIара датшагьи щарда. Атурых абызшва швабыжта йбайапI, йалыргапI йгьи майрапI. Ауди ахIатырла джъащакъвара азрымата ласыта йгвныркIылитI. Араъа йхъадапI афырква ртурасы йтагылата апхьара акIвыршара. Йауа ухIварыквын, ауат азыгIальаматра рымапI, даргьи ауди алокI йалазшва йырбитI. Атурых гIазквчважвауа йауацIыхта йгIадырхIвах ауаштI. Суратла ахъвыкI гIадырхIвара, йа дара ражваквала йгIадырхIва ауаштI. Ауди анырзахъвдаквыцIра, атурасква дара-дара магIныла йырзалыхуа йанцара арыпхьагIв атурых шгIаргвынгIвыз щаквйыргылитI.

Ауаса арыпхьагIв ахIварква данрыдынхалуа баргвыра дашIашвитI. Ашвырква, апсгIачIвква ртурасыла агIвгIвы йгIайырбауа агIвычIвгIвыс йакIвпI: агIщагIвква, анымхахъаква, ацныхчылгIвчва, ауасамцара. Ауди ацIолара гIахътIра ахIатырла йгIахвара атахъыпI апроблема азцIгIараква: ачIвыйа ауди йызшIйырпшуа? йауа? Йаъума абазара апны ауди апш?

АхIварква йалыргата, тамамта интонацияла йгIапхьара атахъыпI. Збарла йддырдырырквын рыбыз хънартшитI, рапхьаща агъьчIвхитI, ргвынкIылраква рыцIа йбзихитI.

Ауыса ушадынхалуаш

АпычIв апхьарта апрограма йгIанатитI уыса щарда. Ауат райхIара збарла йддырдырра атахъыпI. Ауат ргвынкIылра швабыжта арыпхьагIв дацхъра-

гIара атахъыпI. Йапхъахауата, пшдзата, быжъщтIыхла, тамамта арыпхьагIв дгIапхьитI. Ауаса атема йаквнагауа сурат аъазтын рахIагьи йагъьхпI айчважвара акIвыршара: апсабара апшдзара, йа агIамтаква рагIан апсабара псахрата йахъшауа. Йа ауыса апны турасыта йгIахътIхауа аъаща, йа ауагIа разазъаща, ауасамца. Амаль амамкIва арыпхьагIв йымщтахъ асабиква дара-дара ргвыла йгIарыпхьара атахъыпI. Ауди амщтахъ йгIаныцIуа шгвныркIылыз азцIгIараламца йщаквыргылра атахъыпI.

АпхьарасахIат йахъвхъадата йалапI быжъхътIыла, логика щтIыхраква гIалыркIгIауа асабиква рапхьара. Араъа асабиква йгIаргвныргIвра атахъыпI рифма ззырхIвауа, ауат аквшвара шатахъу. Ауыса къазу-къазу йгIапхьитI. Ауди амщтахъ хъвы-хъвы арыпхьагIви асабикви ацгIапхьитI, збарла йддырдыритI.

АпхьарасахIатква рпны йхъаду асабиква дара-дара йнырхара. Ауат апхъага йшадынхалуаш, йапшым анхараква шакIвдыршуш рахIвра атахъыпI. АзцIгIараква дара-дара джъауап рыртра, хачIвыта йгIанатуа арыпхьагIв йцхърагIарадъа йзынардзара. ЙгIауахвырквын: атекст апны азцIгIараква рджъауап къарандашла йгIалкIгIара, атекст хъвы-хъвы йшара, турасыкI рыхIазырра, йа шIчIваракI збарла йддырдырныс. Асабиква дара-дара йанынхауа рынхара магIын ду азырбитI.

4 АКЛАСС АПХЪАРАСАХІАТКВА РТЕМАКВАЛА ЙАУАЦІЫХУ АПЛАНКВА

1 апхъарсахІат

АпхъарасахІат атема: Апхын асуратква. *Къвапсыргъан Валентина.*

АпхъарасахІат амурадква: агІахІвахра йахъаргІвазара; апхынла апсабара апны псахрата йгІаншауа гІаргвныргІвра; асабиква ртшпсцара мызква шыр-газ аквчважвара, агІахІвахра бзита апхъара, агІахІвахра адынхалра; рчважвара тшауацІнарыхра, абызшва бзи йдырбара.

АпхъарасахІат адгалчІвква: апхъага, атема йаквна-гауа асуратква, ажва шІыцква зну карточка, ажважв-ква, аласхІвараква.

АпхъарасахІат акІвшаца

I. АпхъарасахІат тшазадгалра.

II. Айчважвара акІвыршара.

1. АзцІгІараква джъауап рытра.

– Шва апхын тшпсцара швабаца?

– Джъащахъварата швзынйайа?

– ТшкІвабара швабацуз?

– Абна ларпшра швцама?

– Абни адзи апны сакърата йакІвыжвгашара атахъыйа?

2. Асабиква ргІахІвахраква акІвдыршитІ.

III. АпхъарасахІат атема шІыц адынхалра.

1. Апхъага шІыц йахаргІвазара (аквпшыра, апхъа-ра темаква, архъйага знакква, йа алкІгІараква).

2. Суратла нхара.

«Пхны»

– Асурат апны йыжвбауа ачІвыйа?

– Апхынла абна аквпшыра шпаъу?

Абна апны пшдзарата йыжвбауайа?

Асабиква йырчпауа ачІвыйа?

Абна апны уцІры, йа умаджъан ауашма? Йауа?

3. АпхъарасахІат атема рахІвра.

4. АгІвгІвы лыхъазла ажва.

(Асурат дырбара)

Къвапсыргъан Валентина Къарча-Черкес къра-лыгІва пединститут (ужвы йуниверситетхаз) ды-цІалтІ, арыпхъагІв тачІвагІа гІацІылган йапшым апхъартаква рпны дынхатІ: арыпхъагІвта, завучта, Черкесск гороно даметодистта, ауасамца.

Асквш 1984 арыпхъагІвчва ръачІвагІа йъаладыр-хІауа аинститут нхара далаган сквшы 31 дынхатІ. Ауаъа дъадзанхуз асквшква зымгІва абаза бызшвали литературали апхъагаква ргІацІштра унашва ахъыл-цІун. Валентина дпрозагІвгІвыпІ. АпхъагІвчва ауи дшырдыруа саби литература гІвгІвыта акІвпІ. Ауаса ахІбачва рыхъазлагъи щарда гІацІылцтгІ. XI-Респуб-лика ауагІахъаква рпны йапхъахауата асаби журнал «Марамыз» гІацІылцтуа далагатІ. Ажурнал асаби литература атшауацІыхра йацхърагІитІ.

Къвапсыргъан Валентина лкъальам йгІахъыцІтІ арат агІвыраквагъи: «Хъвымгара», «Мышва щапІ-хъвахъва», «Мышвчыр», «Абазашта ашваква», «Шу-меры», «Серебряные нити» агъиква.

Къвапсыргъан Валентина РФ агІвгІвчва р-АдкІы-лара далапІ.

5. АгІахІвахра арыпхъагІв дгІапхъитІ.

6. Ажвар нхара.

Мшын – тенгъыз.

Уардабыгъь – хІврапІ, урышвла «лопух».

IV. Тшпсцара дакъикъа.

КІвычІ, кІвычІ, кІвычІ! КІвычІ, кІвычІ, кІвычІ!

Щаца лквчІараква швгІайзза!

КІвычІ, кІвычІ, кІвычІ! КІвычІ, кІвычІ, кІвычІ!

Щаца лшырдза хвыцква швхъвшва!

КІвычІ, кІвычІ, кІвычІ! КІвычІ, кІвычІ, кІвычІ!

Щаца аквчІараква дырхъпшитІ.

КІвычІ, кІвычІ, кІвычІ! КІвычІ, кІвычІ, кІвычІ!

Щаца швабыж дсаби бзипІ.

V. АпхъарасахІат атема шІыц адынхалра нар- дзахра.

1. АгІвыра асабиква дара-дара йапхъитІ.

2. АгІахІвахра шрылархІваз рхъвыхра.

– Апхынла акІадыгв асабиква жвумпхъвшвара
йзырцузда?

– Ауат апхъапхъа йзынйуз ачІвыйа?

– Асабиква агвадз зшІдырпшуаз ачІвыйа?

– Закъарыйа йалкІгІу мгІвала асабиква зйырцуз
ачІвыйа?

3. БыжъхътІыла къазу-къазу апхъара.

– АгІвгІвы «УахІбара ауырахатІ, уара уакІвпІ
апсабара бзи йхІзырбаз» – хІва гъсызйахІвхуам
зылхІвауа ачІвыйа?

– Ажважв «АхІба пшдза дызму насып йымапІ»
– ззырхІвауа шпагІашвгвынгІвуа?

4. БыжъхътІыла тамамта логика щтІыхраква гІа-
дырбумца йгІапхъитІ.

VI. АпхъарасахІат атема шІыц рыбагъяхра.

1. Рчважвара тшауацІнарыхрала тшарыщцара.

Ададжына, ададжына,

Уара улокІ гІасалхІватІ нана.

Уцумца, уцумца уа хъара

Тенгъыз дукІ уанйатІ зджъара.

2. АлкІгІара апхъара.

– АкІвар апны асабиква джъащахъварата йзын-
йуз йащтацауата швгІапхъа.

– АщхархІарта апны асабиква рсасыща йъагІакв-
чважвауа йгІапхъитІ.

3. Акврыбагъяхра апхъара.

4. АгІвыра гІазквчважвауа ражваквала йгІархІва-
хитІ.

– АгІвыра амагІны хъада швызгІалкІгІама? АчІвы-
йа?

VII. ЦІхъважва.

– АпхъарасахІат апны шІыцта йыжвдырйа?

– Швара апсабара апшдзара, абайара ахчара швшпа-
цхърагІауа?

– АгІвыра лахІварата йгІашвыланацІауайа?

– АпхъарасахІат апны швынхаща хвы аквшвцІа.

VIII. ПынхачІвы.

3 ан. Бзита йзапхъауа, йырзагІахІвахуа тшырб-
жъитІ, сурат азырчпитІ.

2 апхъарасахІат

АпхъарасахІат атема: ХІкыт апхынла. *КІъачв
Адыльгъари.*

АпхъарасахІат амурадкъа: агІахІвахра йахаргІва-
зара; апхынла ахъвлапынхъа псахраква гІаргвныр-
гІвра; рапхъаща агъъчІвра, йызпхъаз рзагІахІвахра
амальква рыдынхалхра, рчважвара тшауацІнарыхра,
абызшва бзи йдырбара.

АпхъарасахІат адгалчІвква: апхъага, ажвар, ате-
ма йаквыргІапсу сурат, акытчаква, аласхІвараква.

АпхъарасахІат акІвшца

I. АпхъарасахІат тшазадгалра

II. ПынхачІвы рхъвыхра.

1. АзцІгІараква джъауап рытра.

- АгІахІвахра «Апхын асуратква» згІвыда?
- АгІвыра апны агІвгІвы йгІалырбаз ачІвыйа?
- Асабиква жвумпхъвшвара йзырцалужда?
- Ауат апхъапхъа йзынйуз ачІвыйа?
- АхІвар апны джъащахъварата йзынйузйа?
- Закъарыйа асабиква йалкІгІу мгІвала жвумпхъвшвара йзйырцузйа?

2. АгІвыра асабиква гІапхъитІ, йгІархІвахитІ.

III. АпхъарасахІат атема шІыц адынхалра.

1. Суратла нхара.

- Асурат апны йгІарбу ачІвыйа?
- Акыт абзасари акъала абзасари злапшымйа?
- Арахвхча арахквва абайхчауа?
- Швара швкыт рахвферма аъума?

АсуратчпагІв апхынла апсабара гІайырбарныс ахъазла швыгата йгІайрысабапйа?

- Ауи йтахъыз йзагІарбама?

2. Къытча йаситІ.

- АцІлаквва удзышвапІ, амара гІапхитІ.

Агвадз йазаманыгІвапІ. ЙанбакІву ари аныншауа?

- АчІвыйа йларымцІауата йгІайуа? (*ХІвра*)

3. Атема рахІвра.

4. АгІвгІвы йыхъазла ажва. (КІъачв Адыльгъари йсурат дырбара).

КІъачв Адыльгъари асквш 1837 агІан Зеленчук округ йаланакІуаз КІъачв кыт дгІадритІ (акыт ужвы йгъаъахым). Ауи асквш 1850 агІан Ставрополь йтагылаз агимназия дыцІалтІ. Агимназия апны литературала конкурс акІвшалун. Ауат рпны Адыльгъари дырра хІагІа гІайырбалун. АчкІвын йара-йара дхъвыцитІ, алитература цІолата йгІайгвынгІвитІ, йыбызшва цкъапІ. Агимназия хъапщ медальла дгІалгатІ. Асквш 1859 агІан агІахІвахра «ГІвымызкІ акыт йш-тазгаз», ауи амцтахъ агІахІвахраквва «Пыпха», «Аджынквва рбжъамта», «Атоба апны», ахабаргІвра

«АхІаджъратквва» гІацІцІтІ. Ауат рпны агІвгІвы ащхъа уагІаквва рбзасара шаъаз гІайырбитІ.

АгІвгІвы апхъагІв йгвы йгІатахауа, йыла йгІацІахауа атурасквва гІаликІгІитІ.

5. АгІвыра арыпхъагІв дгІапхъитІ.

6. Ажвар нхара.

КІыжкІыж – музыка ъамапсымапІ. Урышвла «зурна».

Тало, талау – згІвапІ. Урышвла «холера».

Уарджъакъ – лгІвакІылсырта, ахІакв мца антарцІауа алгІва злакІылсуа труба. Урышвла «дымоходная труба».

IV. Тшпсцара дакъикъа.

Зны, гІван, хын, пщын,
ХІаситІ къахвта хІа напІы.

Зны тшхъхІыркІытІ, гІван тшхъхІыркІытІ
ХІдамаквала мачІкІ хІынхитІ.

ХІхъапал-шІапалпІ хын, пщын, хвын
Тынчта хІчІвахпІта хІдерс хІыркхъйапІ.

V. АпхъарасахІат тема шІыц адынхалра нар-дзахра.

1. Асабиква дара-дара агІахІвахра йгІапхъитІ.

2. АзцІгІараква джъауап рыртитІ.

- АгІахІвахра гІазквчважвауа ачІвыйа?
- Амара анташвауа агІан апсабара апны псахрата йгІаншауайа?

– Ахъвлапынхъа псахраквва ауагІа йшпанардасуа?

3. БыжъхътІыла къазу-къазу йгІапхъитІ.

– АгІвгІвы апхынла ацІх дшгІаквчважвауа гІара-уитІта йгІапхъитІ.

4. «РыцІа йгврыхвуда?»

Ауыса апны ажванахъаквва ззынардзахуашда?

Апхъарта сгІайхырквын... (сара)

ТшызджвджвитІ, считІта... (тшыспщитІ).

Сдерсквва зымгІва ... (ансчпара)

ХІан ... (сылцхърагІитІ)

Уыста йаъу ... (зымгІвагъи)

Узычпанда, бзидздзапІ ... (ауи)

VI. АпхъарасахІат атема шІыц рыбагъяхра.

1. АгІахІвахра хъвы-хъвы йыршитІ, хъа аздыргылитІ.

2. ШІчІвара-шІчІвара йгІапхъитІ.

3. АгІвыра шабгу йгІапхъитІ, йзпхъаз гІархІвахитІ.

4. Рыбызшва тшауацІнарыхрала тшарыщцара.

АрыпхъагІв йыцырхІвумцара збарла йддырдыритІ.

– АцІис чкІвын, ацІис чкІвын, –

Агвара йхъачІву!

АцІис чкІвын, ацІис чкІвын, –

Акъахвраквa зчІву!

АцІис чкІвын, ацІис чкІвын, –

Уабаъаз ура?..

АцІис чкІвын, ацІис чкІвын, –

Йабаучпа гІвара?

VII. ЦІхъважва.

– АпхъарасахІат апны шІыцрата йыжвдырйа?

– РыцІа йшвгвапхайа?

– Швхъа ахъазла фaйда кІара гІалшвхма?

– Швынхаща хвы аквшвцІа.

VIII. ПынхачІвы.

6 ан. Бзита йапхъауа, йырзагІахІвахуа тшырбжъитІ. АгІвыра сурат азырчпитІ.

3 апхъарасахІат

АпхъарасахІат атема: Квашуа. *Дагвжвей МухІадин.*

АпхъарасахІат амурадквa: агІахІвахра йахаргІвазара, аква дута йангІаквауа апсабара апны псахрата йгІаншауа йахаргІвазара; рапхъаща агъьчІвра; тамамта апхъарала рщцалраквa рыбагъьара; рчважвара тшауацІнарыхра; абызшва бзи йдырбара.

АпхъарасахІат адгалчІвквa: апхъага, ажва баргвквa зну карточка, акытчаквa, викторина материал; рчважвара тшауацІнарыхрала цхърагІага материал.

АпхъарасахІат акІвшаща

I. АпхъарасахІат тшазадгалра.

II. ПынхачІвы рхъыхра.

1. АзцІгІараквa джъауап рыртитІ.

– АгІахІвахра гІазквчважвауа ачІвыйа?

– Амара анташвауа агІан апсабара апны псахрата йгІаншауайа?

– Ахъвлапынхъа псахраквa ауагІа йшпанардасуа?

– АгІвгІвы апхынла ацІх дшпагІаквчважвауа?

– АгІахІвахра амагІны хъада гІашвхІва.

2. АгІахІвахра асабиквa гІапхъитІ.

3. Йзпхъаз гІархІвахитІ.

4. АгІахІвахра йазырчпаз асуратквa арыпхъагІв йырхъыхитІ.

III. АпхъарасахІат атема шІыц адынхалра.

1. Кытча йаситІ.

– Амца йгІалху сагІындакъ (*стрела*)

АжвгІванд гІанашыхвитІ. (*гІамачвысра*)

– Сара щардала йсызпшитІ, йгІасыхІвитІ,

Ауаса сшгІаншауа тшсчвыкъарчІвахитІ зымгІва. (*квa*).

2. Викторина акІвыршара.

«АгІвгІвчва ртдзахъызква швгІарыпхъа»

– ТІчукв, Дгвежвай, хІТйаыцІхв, Къвпысарагън.

3. АпхъарасахІат атема шІыц рахІвра.

4. АгІвгІвы йыхъазла ажва.

– Дагвжвей МухІадин йхынгІважвахауа асквшква рхъаква рагІан алитература йгІалалыз агІвгІвчва дрыуапІ. Ауи йъачІвагІала дарыпхъагІвпІ. Къарча-Черкес къралыгІва пединститут дгІалгатІ.

Алитература дшгІалылыз уысагІвта акІвпІ. Ауи йуысаква йапхъахауа разкІкІра йахъызпІ «АшІара амгІва». Ауи йащтагІайитІ «Щахахра». Ауат рымщтахъ МухІадин апроза рыцІа тшайттІ. Ауи йаквшахІатхитІ агІвгІвы йгІацІищтыз апроза гІвыраква разкІкІракви агІвыра кІыдакви: «Агъарпагъаджъ ащтала», «НартыргІа рахІва», «ХІатыр». АгІвгІвы йгІанйыршатІ адраматургия гІвыраква «НартыргІа рахІва», «Джъынарыпхъара», ароманква «Ббзаза Рина...», «Азаман ащта мадзаква» агъиква.

Дагвжвей МухІадин Россия Федерация агІвгІвчва р-АдкІылара далапІ.

5. АгІахІвахра «Квашуа» арыпхъагІв дгІапхъитІ.

6. Ажвар нхара.

Пкъаш – квацыра тІашв.

КвырпІа – анартыхв шыла йгІалху цца, араъа адзыгІв аъаца аквырпІа йашІйырпшитІ.

ЧырпІи – урышвла «шарик».

7. АгІахІвахра асабиква дара-дара гІапхъитІ.

8. ЙгІазквчважвауа шрылархІваз рхъвыхра.

– Апсабара апны зынла псахрата йгІаншайа?

– АгІвгІвы аква зшІйырпшуа ачІвыйа?

– Ауи йгІанагыз ачІвыйа?

9. АгІахІвахра быжъхътІыла йгІапхъитІ.

– Аквашуа шгІалагаз йащтацауата йгІашвхІва.

– Ари йапшу амшква рагІан швнашх тшапсахума?

IV. Тшпсцара дакъикъа.

Доп! – ахІван атоп гІвапатІ!

Йагвапхан йатагІвапахтІ!

Аныла йыгІвтІ, арыла йыгІвтІ,

Мыщи Гващи гІанарыгІвтІ,

Мади ФатІи гІанардзатІ,

Хъвмарра къахвгъи гІаларгатІ!

АгІвзачва ауи гІаркІитІ,

Ауи гІаркІитІ, йамаркІитІ.

Атоп гІвапитІ, атоп хъынхІвитІ,

АгІвзачва рыгкв арчІвитІ.

V. АпхъарасахІат атема шІыц адынхалра надыр-дзахра.

1. АлкІгІара апхъара.

– АгІвгІвы адзыгІв дшгІаквчважвауа гІалыркІ-гІитІта йгІапхъитІ.

– Аквашуа ангІаджвыквылуашыз ажвгІванд аъаща йгІапхъитІ.

2. Рчважвара тшауацІнарыхрала тшарыщцара.

– ГваракІылпа, наквпа-гІаквпа,

Наквпа-гІаквпа – цІыхъваршвшва,

АчІвыйа угІайта хІуымбадзашва,

ХІыцІла ахъыкв уызгІахъачІва?

VI. АпхъарасахІат атема шІыц рыбагъахра.

1. Акврыбагъахра апхъара.

– АгІахІвахра лахІварата йгІашвыланацІайа?

2. АгІвыра атекст йазаргванта йгІархІвахитІ.

– АгІахІвахра амагІны хъада гІалшвкІгІа.

VII. ЦІхъважва.

– АпхъарасахІат апны йгІашвгвнымгІвыз кІара гІанхама?

– АпхъарасахІат апны рыцІа йшвгвапхайа?

– Швынхаща хвы аквшвцІа.

VIII. ПынхачІвы.

8 ан. Бзита йзапхъауа, йрзагІахІвахуа тшырб-жъитІ.

4 апхъарасахIат

АпхъарасахIат атема: ЙгIахъагылитI амыз хIкыт. *Мыхц Къарим.*

АпхъарасахIат амурадквa: ауыса йахаргIвазара, уахъынла акыт абзазара шгIарбула айчважвара акIвыршара; азцIгIараква йчвыта, йнархъата джъауап рзатра адынхалра; рапхъаща агъьчIвра; тамамта, быжьхътIыла логика щтIыхраква гIадырбумца бзита апхъара ацхърагIара, рчважвара тшауацIнарыхра, апсабара бзи йдырбара, ауи хчара шатахъу гIаргвныргIвра.

АпхъарасахIат адгалчIвквa: апхъага, ажвар, акыт-чаква, атема йазаргвану сурат, алакъырдыраква, рчважвара тшауацIнарыхрала цхърагIага материал.

АпхъарасахIат акIвшаца

I. АпхъарасахIат тшазадгалра.

ХIапхъарасахIат надзатI,

ЙджвыквхIцIапI апхъара, дзыргIвра

ХIаспI кытча, хIынхапI ажварла,

АзцIгIараква йрыхIтпI джъауап.

II. ПынхачIвы рхъвыхра.

1. АзцIгIараква джъауап рыртитI.

– АгIахIвахра «Квашуа» згIвыда?

– АгIвгIвы агIвыра апны дгIазквчважвауа ачIвыйа?

– Апсабара апны зынла псахрата йгIаншауайа?

– АгIвгIвы аква зшIйырпшуа ачIвыйа?

– Аква йгIанагыз ачIвыйа?

– АгIахIвахра амагIын хъада швызгIалкIгIама?

АчIвыйа ауи?

2. АгIвыра йгIапхъитI, йгIархIвахитI.

III. АпхъарасахIат атема шIыц адынхалра.

1. Кытча йаситI.

– Тшынла йычвитI, уахъынла ацIх шабгу йгIахI-пшитI. (*Мзы*)

– Аччора мгьал бжакI тапI. (*Мзы*)

– Абна ацкIыс йхIагIапI,

АжвгIванд ацкIысгьи йпшдзапI,

Мцадъа йблитI.

ХIдунай гIанарпхитI. (*Мара*)

– ЙабабитI, ауаса йгъзадгылуам. (*Амари амзи*)

– Йанхъвлара йчвагърахитI, йаншара йцкъахитI. (*АжвгIванди айачIвакви*)

2. Атема шIыц рахIвра.

3. АгIвгIвы йыхъазла ажва. (Йсурат дйырбитI)

– Мыхц Къарим ХъвыжвчкIвын кыт дйытI. Аобласть уагIахъа интернат дапхъаркIвауата йуысаква «Коммунизм алашара» газет йгIаншвалуа йалагатI. Апхъарта амцтахъ А.М. Горький йыхъыз зхъу а-Литература институт дыцIалын бзидздзата дгIалгатI. Ауи йазкIкIраква щарда йнадзитI: «СцIыхI чкIвын», «АмгIви айачIви», «Йара дунайкI апны», «Ашахв ахIврапшдзаква», ауасамца.

Къарим урышвлагьи дгIвуан йгьи йатайкIуан агIвыраква.

«Абазашта» газет данхагIвын. РФ агIвгIвчвара-АдкIылара далан. «Апхъапхъа йаъан абзибара», «БжапхныркIвата, бжадзынхахъата», «Сара сзачIвдзас гъшвыздырхуашым зынгьи» – араса йрыхъызпI ауысагIв йцIыхъвахуа асквшква йгIацIищтыз йуысакви йпоэмакви разкIкIра.

Ауи амцтахъгьи хтомкI йнадзауа йгIвыраква гIацIцIтI.

4. Ауыса «ЙгIахъагылитI амыз хIкыт» арыпхъагIв дгIапхъитI.

5. Ажвар нхара.

Батыр – йдуу, къару ду злу. Урышвла «богатырь».

Ачкъывылтырквa – шварах ткъвымпI. Урышвла «тур».

6. Ауыса асабиква дара-дара йгIапхьитI.

7. АзцIгIараква джъауап рыртитI.

– Запш заманйа ауысагIв дызквчважвауа?

– Уахъынла акыт абзазара ауыса апны йшпагIарбу?

– «Абатыр хвыц» – хIва ауысагIв дызпхъауада?

– АуысагIв ауи дызлайайгвгъауа ачIвыйа?

8. Суратла нхара. (АрыпхъагIв атема йаквыргIапсу суратла дынхитI).

IV. Тшпсцара дакъикъа.

ЙгIаситI пша, йгIаквитI аква,

Хъшвашвадза хIарбгIитI хIара.

Адгбыл йгIаквлитI йхъынхIвуа,

Абыгъьква тшамцIырпсауа.

**V. АпхъарасахIат атема шIыц адынхалра нар-
дзахра.**

1. Ауыса асабиква быжъхътIыла къазу-къазу йгIап-
хьитI.

– Ауыса апны псы зхъугъи йызхъамгъи йычвхтI
йхIвитI ауысагIв. Ауат гIашIышвпхъадза.

2. Ауыса хъвы-хъвы йгIапхьитI, збарла йа-
цырхIвумца йддырдыритI. (1, 2 ахъвы).

3. Абаза бызшва апны алакъырдыраква ргIар-
гвынгIвра адынхалра.

– ЙпынцIа ацкIыс хъарата кIара гъибум.

– ХIваджъа йбашмакъта тшгIагIвнайыжътI.

– ХъакIвычв йтшанта йацицIитI.

– РлымхIаква лапша кIнихIитI.

Арат ажваква гвбзыгъарата йрылайа?

(Араса зырхIвауа шгIаргвынгIвуа алдыргитI).

4. Йхпахауи йпцбахауи ахъква быжъхътIыла
пшдзата йгIапхьитI, збарла йддырдыритI.

VI. АпхъарасахIат атема шIыц рыбагъахра.

1. Ахъвмарща «Ажва бжъаргылх».

– ХъвлапынхатI. ... йачIвала

ЦIисбыжъквкI ... хъарала

ЙычвхитI, йычвхитI ...

Ащхъа ... гIамыздаз

Пхата ... акъаз.

Уычв уаргъи ... уычв

Уара ... йалзыргуш

... йхIчвалапIатIаз.

2. Акврыбагъахра апхъара

– Ауыса амагIны хъада гIалшвкIгIа.

3. «Адгбыл хIара йхI-ПсадгъылпI» арыпхъагIв
дгIапхьитI шIчIваракI. (Къвапсыргъан В.)

VII. ЦIхъважва.

– Ауыса згIвыда? Ауи швгвапхама?

– РыцIа джъащахъвата апхъарасахIат апны
швзынйайа?

Швынхара хвы аквшвцIа.

VIII. ПынхачIвы.

9 ан. Збарла йддырдыритI.

АхIбачва йырцIгIитIта лакъырдыраквкI азыркI-
кIитI.

5 апхъарасахIат

АпхъарасахIат атема: БжъандахIв. Квашуа.
ХIврапшдза. *Шхай Катйа.*

АпхъарасахIат амурадква: ауысаква йрыхаргIва-
зара, ауат злапшу гIаргвныргIвра; быжъхътIыла
пшдзата, тамамта апхъара ацхърагIара, ауысакI збар-
ла йддырдырра; апсабара зарар шадымрайдзуш
гIаргвныргIвра; рчважвара тшауацIнарыхра; абыз-
шва бзи йдырбара.

АпхъарасахIат адгалща: апхъага, ауысагIв лсу-
рат, архъа хIврапшдзаква, апсгIацIвквкIа зну сурат,
акытчаква, ажважквкIа.

АпхъарасахIат акIвашаца

I. АпхъарасахIат тшазадгалра.

II. ПынхачIвы рхъвыхра.

1. Ауыса «ЙгIахъагылитI амыз хIкыт» згIвыда?

– АуысагIв Мыхц Къарим йыршIыйара ахъазла швара йыжвдыруайа?

2. Ауыса збарла йгIархIвитI.

III. АпхъарасахIат атема шIыц адынхалра.

1. Суратла нхара.

– Асурат йану апсгIачIвква рыхъызква гIашвхIва.

– АбжъандахIвква йыгъныцIсуа псгIачIвума?

– Швара датшагъи апхартала йцахуа апсгIачIвква рыуа йыжвдыруайа?

– Ауати агIвна псгIачIвкви злапшымIа?

– Швара агъныла апсгIачIвква швшпарцхърагIауа?

2. АуысагIв лыхъазла ажва.

Шхай КатIа Хъвыжвду кыт апны аквтанай апхъарта дангIалга Къарча-Черкес къралыгIва пединститут (ужвы йуниверситетхаз) дыцIалын урышв бызшви урышв литератури, абаза бызшви абаза литератури рарыпхъагIв гъачIвагIа лымата дгIалгатI. Зеленчук район апны акыт Маруха апхъарта урышв бызшвали урышв литературали мачIкI йалрыпхъатI. Асквш 1966 угIалагата уыжвгIандзара Къарча-Черкес къралыгIва университет апны дынхитI, агвхъауа-абаза филология акафедра дадоцентпI.

Шхай КатIа апхъарта данапхъуз йгIашIарышвта уыса лгIвитI. Ауи луысара гIвыраква рыншвалтI арат азкIкIраква: «Ан лылаква», «Адунай съадзакву», «Швымш бзита, суагIа!», «Абзазара амгIваква». Ауи акIвымкIвагъи 11 акласс абаза литератури, апхъага хрестоматии апрофессор ТIыгв Владимири лари йацдрыхIазыртI.

Алитература ршIыйара йацлырцауата йцIыхъвахауа азаман абаза бызшва алексика лырхъвыхитI,

ауи йазынарху ажварква гIацIылщттI. Шхай КатIа РФ агIвгIвчва р-АдкIылара далапI.

3. Ауыса арыпхъагIв дгIапхъитI.

Асабиква къазу-къазу йгIапхъитI.

АзцIгIараква джъауап рыртитI.

– АцIай маджъан зарарта йчпаз ачIвыйа?

– Йшпажвбауа, ауи йхъа дазарархама?

– АжвгIванд знашхыйахаз ачIвыйа?

4. АлкIгIара апхъара.

– Ачырква ррыцхIагIа узырбауа ажваква гIалыркI-гIитIта йгIапхъитI.

– АбжъандахIв апсыща узырбауа гъану ахъвы йгIапхъитI.

– Ари ауыса лахIварата йгIашвыланацIайа?

IV. Тшпсцара дакъикъа.

– Швалга, схвыцква, швгIалагыл,

Райша чкIвынта швгIадзхъагыл.

Шва бзи-бзи швгIасыздзыргIвы

Швца шласхуш гIашвгвыншвыргIвы.

ХIайда, хIалагитI «ЗакIы!» –

Швпахъла гъвгъвата швнапIква швкIы.

«ГIвба!» – хъахъыла. «Хпа!» – дзхъала.

«Пщба!» – цIахъыла йгIажвг зынла.

Зны, гIван, хын, пщын!

Арса къомракIла йшвчпа.

Зны, гIван, хын, пщын!

Псайспа швуысква нашвырдзах!

V. АпхъарасахIат атема шIыц адынхалра нар-дзахра.

1. Кытча йаситI.

– ШвдзыргIвы, швдзыргIвы, кытча хIасуаштI,

ШвдзыргIвы, швдзыргIвы, кытча швасхIвуаштI.

Заджв дчважвитI, гIвыджъ пшитI,

ГIвыджъгъи йсакъдзауа йдзыргIвитI. (АшIа, алаква, алымхIаква)

2. Суратла нхара.

– Шваргъи, асабиква, бзита швгІапшы, швгІасыз-
дзыргІвы, сазгІгІараква джъауап гІарышвт.

– Асурат апны йыжвбауайа?

– Запш гІамтайа йгІарбу? ЙшпагІажвдыр?

– Архъа апны йгІайуа ачІвыйа?

– Арат ахІврапщдзаква рыхъызква жвдырума?

(Араъа арыпхъагІв хачІвыта йрититІ апрокет
«АхІврахъызква» дрыхІазырныс). Ауи йшадынхал-
уаш райхІвитІ.

3. Ауыса «ХІврапщдза» арыпхъагІв дгІапхъитІ.

4. Асабиква дара-дара йгІапхъитІ.

5. АзгІгІараква джъауап рыртитІ.

– АхІврапщдза рыцхІагІара азрайдзас дзачІвыйа?

– АчІвыйа ахІврапщдза згІахъырчІваз?

– Ауи йазнийыз ачІвыйа? – АуысагІв йгІакІапІ-
лахыз абыгъьква зшІлырпшуа ачІвыйа?

6. АлкІгІара апхъара.

– АхІврапщдза гвъаджъымгІвата йакву ъагІарбу
ахъвы йгІапхъитІ.

7. Ауыса асабиква къазу-къазу йгІапхъитІ.

– АхІврапщдза йазырхаз шпажвбауа?

– Швара апсабара ахчара швшпацхърагІауа?

8. Акврыбагъбахра апхъара.

Кытча йаситІ.

– ЙгІайитІ кыб удзышва хвыцкІ,

Уахъысырквын йгІауыцхІитІ. (*Хъваца*)

– Йгыцхам, ауаса йцхІитІ. (*Хъваца*)

9. Ауыса «Квашуа» йахаргІвазара. (АрыпхъагІв
дрызгІапхъитІ).

– Ари ауыса хІызпхъаз ауысаква «ХІврапщдза»,
«БжъандахІв» кІарала йрапшума?

– Йызлапшымйа?

– «Квашуа» гІазквчважвауа ачІвыйа?

VI. ЦІхъажва.

– УахъчІва шІыцрата йыжвдырйа?

– ХІыздынхалыз ауысаква згІвыда?

– Ауат рыуа швара рыцІа йшвгвапхайа?

– Ажважв «Ачвгъа йычвгъара гІапхъирыситІ»
хІтема йаквнагума?

– Арат агІвыраква швхъа ахъазла файдата йгІа-
рылшвхъа?

– Ауат лахІварата йгІашвыларцІайа?

– Швынхара хвы аквшвцІа.

VII. ПынхачІвы.

12 – 14 ан. Ауысаква рыуа закІы збарла йддыр-
дыритІ. Апрокет «АхІврахъызква» дрыхІазыритІ.

6 апхъарасахІат

АпхъарасахІат атема: АшварахчІвгІваква. *Апса
ФатІумат.* Акъырльуква. *Къвапсыргъан Валентина.*

АпхъарасахІат амурадква: ауысаква йрыхъар-
гІвазара; апсабара апны чІыдакІгъи шаъам, зымгІва
шацрахІву, йшабатахъу гІаргвныргІвра; ауысаква
логика щгІыхра рымата, тамамта апхъара адын-
халра; рчважвара тшауацІнарыхра; ашвырквы
апсгІачІвкви цхърагІара ддрайдзара шатахъу ужвы-
гъи зны йгІадыргвалашвахра.

АпхъарасахІат адгалца: апхъага, акытчаква,
ашварах, акъырльуква зну сурат, ажважквва, ахъв-
марщаква, рчважвара тшауацІнарыхрала цхърагІага.

АпхъарасахІат акІвшашца

I. АпхъарасахІат тшазадгалра.

Ауадгъына йгІастІ абар

Пщдзата хІчІварта тшанхІыргІалхтІ:

Апхъага, къальам, ажвар,

Йатахъу зымгІва абар.

II. ПынхачІвы рхъвыхра.

1. ПынхачІвыта йшвымаз ачІвыйа?
2. Шхай Катйа луысаква рпны дгІазквчважвауа ачІвыйа?
3. АбжъандахІвгьи ахІврапшдзагьи йрызнийыз ачІвыйа?
4. АчкІвын йнапІыцІшаз швшпазагъу?
5. Апсабара рыцхІагІара азрайдзауада?
6. Ауыса збарла йгІархІвитІ.

III. АпхъарасахІат атема шІыц адынхалра.

1. Суратла нхара.
 - Асурат апны йжвбауайа?
 - Ашварахква абабзазауа?
 - Йшпажвбауа, ашварах гІашІаста йызгылу ачІвыйа?
 - Асурат апны хъарата йнаубауа ачІвыйа?
2. АсахІат атема рахІвра.
3. Къытча йаситІ.
 - Ахъвы анкІанапсауа, ачІвгІвакввагьи арыдзитІ.

(Шварах)

- ЙпшдзапІ, йласыпІ, цІла къвадама нкъвнагитІ.

(Шварах)

4. АуысагІв лыхъазла ажва.

АрыпхъагІв Апса ФатІимат лсурат дйырбитІ.

– Апса ФатІимат Къвбина кът аквтанап апхъарта дангІалга Москва йтагылу А.М. Горький йыхъыз зхъу а-Литература институт дыцІалтІ йгьи бзидздзата дгІалгатІ. Асквш 1990 йгІашІарышвта агазет «Абазашта» апны дынхатІ. АуысагІв йшгІалгвалашвахуала, йапхъахауа луыса йцбахауа акласс данапхъуз йылгІвытІ, йара ауи азаман йгІашІарышвта луысаква агазет йгІаквылуа йалагатІ.

ФатІимат йгІацІылщтІ быжъазкІракІ. Ауат йрыуата «СкІыжкІыж хвыц» йгьи «Адзара маджъанхвыцквва» лыршІыйара айхІара асабиква йшырзыналырхауа йаквшахІатхитІ. Ауи асабиква ракъыль шщаквгылуа, рхІаль штшапсахуа, гІвычІвгІвыста

йшщаквгылуа лзыбитІ. Ауатква луысакви лгІахІвахракви рпны йылзыгІарбитІ.

Апса ФатІимат лыхъыз йапщылапІ абаза саби литература шІыцта йгІалалыз жанр – саби локІ. Ауи лгІвыраква асабиква бзи йырбитІ, апхъагІвчва гвапхара рызрымапІ. АуысагІв йгьи апрозагІвгІв Апса ФатІимат Россия агІвгІвчва р-АдкІылара далапІ. ЙцІыхъвахуата йгІацІцІтІ азкІкІра «Арагъа уара йгъухъазым».

5. Ауыса «АшварахчІвгІваквва» арыпхъагІв дгІапхъитІ.

6. Ажвар нхара.

ЛахъвгІахъасракІла – швабыж ласыта, зынла уыла хъугІвата йангІахъутІыхра йагауа азаман.

7. Ауыса асабиква дара-дара йапхъитІ.

8. Ауыса гІазквчважвауа шгІаргвынгІвыз рхъвыхра.

– Ауыса гІазквчважвауа ачІвыйа?

– Ашварах аквпшыра апны рыцІа пшдзата ауысагІв йгІалылкІгІаз ачІвыйа?

– Ауи абна апны абзазаца шпагъаз?

– АуысагІв ашварах ахабар нашхыйарата йзылпхъадзауа ачІвыйа?

9. Ауыса быжъхътІыла къазу-къазу асабиква гІапхъитІ.

– Йшпажвбауа, бни бнашвыри ыдзырквын адунай гІащаквхушма? Йауа?

IV. Тшпсцара дакъыкгъа.

– Агъба цІритІ: чыхв, чыхв, чыхв!

Агъба джвыквлитІ гІамдара.

ЙцІритІ: «ШвгІайгва тІу-тІу-тІу-тІу

ГІамдара згвы йту, згвы йту».

V. АпхъарасахІат атема шІыц адынхалра нар-дзахра.

1. Акъырльуква зну асурат алырхитІ.

2. Къытча йаситІ.

– АжвгІванд йалапІ къыккъ цІаракІ

«КІвыр-кІвыр-кІвыр» – йгІахъыцІитІ бжыкІ.
(Къырлыу)

3. Атема рахІвра.

Акъырлыуа агъныла ашыпІа пхартаквала йпсегІахитІ. Дугъи хвыцгъи гвыргъауа ауат нарда-ситІ хъакв хъаракІ, агІапын бзила хІабабахпІ, гвыр-гъарала хІашІашвахпІ рхІвауа. Бжыта йгІархъыцІ-уа зымгІвагъи рлымхІаква йгІартаситІ уарадта.

СквшигІадзапхъадза агъны гІаталуа йаналагауа акъырлыуа йпсегІитІ йашІамсуа апхартаквала. Йъану ага йбзийызтынгъи, йырзымчІауата агъын тыцІ-ра йазпшитІ ршыпІаква йгІайхра ахъазла.

Ауат йгІапсата йгвыргъауа, рхабар дыргауазшва йангІапсегІахуа, сатыр-сатыр райшата йахъыпсегІитІ ажвгІванд йгІахІвуазшва. Рцри псадгъыл йгІайхитІ гъыкІ йджвыквыз, йазгІайхитІ рбазарта.

УахъчІва хІызпхъуш ауыса «Акъырлыуа чІвы-уитІ» Къвапсыргъан Валентина лкъальам йгІахъыцІитІ.

4. Ауыса «Акъырлыуа рчІвыуара» арыпхъагІв дгІапхъитІ.

Къырлыу-у-у-у!

Къырлыу-у-у-у!

Къырлыу-у-у-у!

Сара сынбжъагІв, скъырлыу гвакІва,

ДзачІвийа угІазшвхІакІва?

Удама гъра чкІвын гІашІызжваз,

Ахы апынцІа назырдаз.

Уара ухъыгІа саргъи йсхъыгІапІ,

АшыпІа пхала хІпсегІахныс йагІапІ.

5. Ажвар нхара.

ГвакІва – пщдза, агвы йагауа. Урышвла «прият-ный, симпатичный».

Акъабльала – шыпІа нархарта. Урышвла «Юг».

6. Ауыса асабиква дара-дара йапхъитІ.

7. АзцІгІараква джъауап рыртитІ.

– Акъырлыу рыцхІагІата йзынйайа?

– АхІвыча акъабльала йзымпсегІахуазйа?

– Акъырлыу анбжъагІв йшазауу узырбауа запш ажваквайа? Ауи зрыбагъауа узырбауа асатырква гІалшвкІгІа.

8. БыжъхътІыла ауыса йгІапхъитІ.

– Апсабара хІара хІгъачвдрыдзрым» ззырхІвауа шпагІашвгвынгІвуа?

– Ажважв «АрыцхІагІара гъгІазшІыртуам – йа-ра-йара гІайитІ» ззырхІвауа шпагІашвгвынгІвуа?

– Ауи ауыса «Акъырлыуа рчІвыуара» йаквна-гума?

VI. АпхъарасахІат атема шыцъ рыбагъахра.

1. Акврыбагъахра апхъара.

2. Йыргвапхаз ауыса ахъвыкІ збарла йддырды-ритІ.

VII. Рчважвара тшауацІнарыхра адынхалра.

АласхІвара збарла йддырдыритІ.

– Муса, Муса, хІара хІ-Муса!

Бзита уапхъа ари ауыса!

VIII. ЦІхъважва.

– АпхъарасахІат апны шыцрата йыжвдырйа?

– Йшпажвбауа, чвгъара зхаз бзира данйума?

– Арат ауысаква лахІварата йгІашвыларцІайа?

– Швара рыцхІагІа йанйаз псауышвхІа, йа псегІачІвы швырцхърагІахъама?

IX. ПынхачІвы.

15–16 ан., ауысаква рыуа закІы збарла йддырды-ритІ, сурат азырчпитІ.

7 апхъарасахІат

АпхъарасахІат атема: Уыса ззырхІвауа ачІвийа? Адзын. Псахъва. Аква гІакІачІвитІ. *Мыхц Къарим.*

АпхъарасахІат амурадква: уыса ззырхІвауа рахІв-ра; Мыхц Къарим йуысаква йрыхаргІвазара; рапхъа-

ща агъчІвра, збарла йдырдырра; адзынла апсабара апны псахрата йГаншауа аквчважвара; абызшва, апхъара бзи йдырбара. Апроект «АхІврахъызква» рхъвыхра.

АпхъарасахІат адгалща: апхъага, ауысагІв йсурат, асурат «Дзны»; ацІла «Псахъва» асурат, ажважвква, ахъвмарщаква, презентация.

АпхъарасахІат акІвшаща

I. АпхъарасахІат тшазадгалра.

II. ПынхачІвы рхъвыхра.

1. Швызпхъарныс хачІвыта йшвымазйа?

2. Датша хачІвыта йшвырхъйара атахъызйа?

(АрыпхъагІв ауыса йазырчпаз асуратква шыр-гІвыз дапшитІ, халъатІта йбауа райхІвитІ, йгвапхаз йхІвитІ).

3. Апроектква рпрезентация йапшитІ (компьютер гІадрьсабапитІ).

4. Ауыса збарла йГархІвитІ.

III. АпхъарасахІат атема шІыц адынхалра.

1. Атдзахъызи ахъызи швгІапхъа.

– Мыхц Къарим.

2. Атема рахІвра.

3. Суратла нхара «Дзны».

– Асурат апны йыжвбауа ачІвыйа?

– Ауи шдзныз шпагІажвдыр?

– АсуратчпагІв адзын асуратква злагІайырбайа?

– Хъарата ажвгІванд апны йнаубауа ачІвыйа?

– Датша псахрата йГаншауата йгІайырбауайа?

4. Къытча йаситІ.

– АтшыгІвра ацІазгитІ, ацІлаква сыртІлитІ,

АпссгІачІвква апхарта йаусцтхитІ,

Аква сса запытла йгІазгитІ.

ШвхъвыцстІ зны, сзачІвыйа сара? (Дзны)

5. АуысагІв йыхъазла ажва.

АуысагІв йсурат дйырбитІ.

6. Ауыса «Адзын» арыпхъагІв дгІапхъитІ.

7. Ажвар нхара.

Джъугъальа – хІвра ткъвымпІ. Урышвла «Пере-кати-поле».

8. Ауыса асабиква гІапхъитІ.

9. АзцІгІараква джъауап рыртитІ.

– АуысагІв адзынла псахрата йГаншауата йгІа-йырбауайа?

– АуысагІв дъагІатадрийыз ашта бзибарата йаз-йыму дшпаквчважвауа?

10. Айчважвара.

– Ари хІызпхъауа агІвыра уысапІ.

Уыса ззырхІвауа ачІвыйа? Макъымла йаквыр-шву, йапшу цІыхъваквшвара зму художества гІвы-рапІ. Ауысаква темала йахъцапІ. Ауат быжхътІыла тамамта, пшдзата, логика щтІыхраква гІалкІгІумца бзита уапхъара атахъыпІ.

IV. Тшпсцара дакъыкъа.

Хындырлаз лаз, лаз!

ЧІапІапІина дубама?

ДыгъзымбатІ.

Хындырлаз лаз, лаз!

ЧІапІапІина дубама?

ДыгъзымбатІ.

Ма дуымбазтын – угІакІынсцІапІ,

Ныни дади рпны усырцапІ,

УшцІлагъычугъи дсырбапІ!

V. АпхъарасахІат атема шІыц адынхалра нар-дзахра.

1. Ауыса «Адзын» къазула йгІапхъитІ.

– АцІис чкІвын агІвзачваква гІалшвкІгІата швгІап-хъа.

2. Ауыса «Псахъва» йахаргІвазара.

– Къытча.

ЩапІыкІла йгылапІ, напІ щарда амапІ. (ЩІла).

– Адзы атшпы йгІайитІ.

Ахъабра чхвхвырка адзы йтаситІ.

ЙанакІвызлакІгы алахъ аквыпІ,

ЙчІвыуырныс йхІазырпІ. (*Псахъва*).

(Апсахъва асурат арыпхъагІв асабиква йдйыр-битІ)

3. Ауыса арыпхъагІв дгІапхъитІ.

4. Ажвар нхара.

ХІатыкъ – рызкъыпІ, анартыхв шыла йгІалхпІ, ачІахъва атара йгІадрывабапуан.

5. Ауыса асабиква къазула йгІапхъитІ.

6. АзцІгІараква джъауап рыртитІ.

– Ауыса гІазквчважвауа ачІвыйа?

– АуысагІв ауи анашх зшІйырпшуа ачІвыйа?

– Апсахъва шпатшазынайырхауа?

7. Ахъвмарща «АхІарыфква ырдатІ».

Пса...а, ...ны, хІа...ыкъ.

8. Акврыбагъбахра апхъара.

– Ауыса шванапхъауа суратта швыла йгІацІал-уайа?

– Ауи лахІварата йгІашвыланацІауайа?

VI. Тшпсцара дакъыкъа.

Швылаква багъбата йхъыжвгІвата ласыта йгІахъ-швтІых.

Ахъахъыла швхъапшыл, ацІахъыла швпшы.

Армала швпшы, агъъмала швпшы.

Швылаква ласылас йахъашвырпсапса.

VII. АпхъарасахІат атема шІыц адынхалра нар-дзахра.

Ауыса «Аква гІакІачІвитІ» йахаргІвазара.

– Запш гІамтайа аква сса хъшвашваква ангІаква-уа?

– Ауи швнашх шпачпауа?

1. Ауыса арыпхъагІв дгІапхъитІ.

2. Ажвар нхара.

Мурад – гвтара, урышвла «цель, мечта».

3. Ауыса асабиква гІапхъитІ.

4. Ауыса гІазквчважвауа шгІаргвынгІвыз рхъвых-ра.

– Запш гІамтайа ауысагІв йгІайырбауа?

– Ауи дычвырныс зйылымшауа ачІвыйа?

– АуысагІв йылахъ закву йашвхІаусыгІву ачІвы-йа?

5. Ауыса быжхътІыла йгІапхъитІ.

6. Ауыса хъвы-хъвы збарла йацырхІвумца йддыр-дыритІ.

VIII. ЦІхъважва.

– ШІыцрата йыжвдырйа?

– Швызпхъаз ауысаква рпны агІамта алкІгІара-ква шпагІарбу?

– АпхъарасахІат апны рыцІа йшвгвапхайа?

IX. ПынхачІвы.

Ауыса «Аква гІакІачІвитІ» збарла йддырдыритІ.

8 апхъарасахІат

АпхъарасахІат атема: Тыдзталхъа. *ЧезыкІа ШахІымби.*

АпхъарасахІат амурадква: агІахІвахра йахаргІва-зара, ауи амагІны хъада гІаргвныргІвра; афырка ртурасква тамамта йырзагІахътІуа, бзита, тамамта йзапхъауа йбжъара, рчважвара тшауацІнарыхра, апхъара шцалраква рыдынхалра; апсабара, анхара бзи йдырбара.

АпхъарасахІат адгалща: апхъага, атема йаквыр-гІапсу асуратква, ахъатаршыгаква, ажвар, агІвгІвы йсурат.

АпхъарасахIат акIвшаца

I. АпхъарасахIат тшазадгалра.

II. ПынхачIвы рхъвыхра.

1. АзцIгIараква джъауап рыртитI.

– Швызпхъарныс йшвымазйа?

– Мыхц Къарим йуысаква рпны йалкIгIата йгIа-йырбауа ачIвыйа?

– Уыса ззырхIвауа ачIвыйа?

– «АцкIыс пхарта гъаъам

Сара сышта хъшвашва» ззихIвауа шпагIашв-гвынгIвуа?


2. Ауыса «Ква гIакIачIвитI» збарла йгIархIвитI.


III. АпхъарасахIат атема шIыц адынхалра.

1. Ахъатаршыгаква рыдынхалра

Аребусква:



уарба  лахIваквайчIва



дзадзыц ададжъына

дзычва

– Арат рпны апсгIачIвхъызква гIалшвкIгIа. (Уарба, лахIваквайчIва, ададжъына, дзычва)

– Ажва чIыдата йалайа? (Дзадзыц)

– Апхартала йпсгIахуа псгIачIвыта йыжвдыр-уайа?

– ЙгъныцIсуа апсгIачIвква цхърагIарата йдшврай-дзауайа?

2. Атема рахIвра.

3. АгIвгIвы йыхъазла ажва.

(АрыпхъагIв агIвгIвы йсурат дйырбитI)

– Йбергъльу ауысагIв йгъи апрозагIв ЧвзыкIа ШахIымби Гвымлокт кыт дйытI. Акыт быжъкласкI дангIалга Черкесск арыпхъагIвчва гъадрхIазыруаз аучилища дыцIалтI. Ауагъа йапхъахауата йатипыз йлитература чIвырхъаква агазет нхара даналага щапI-багъала апхъала нарыскIара раутI.

ШахIымби йлитература тынха гъмачIым, ауагIа бзи йырбауа тынхапI. Ауи йгIвыраква йрылапI аса-биква йырзынарху ауысаква, апоэма хвыцквa, агIахIвахраква. Ауат агIвыраква уыста йгIащтIырхуа-ла уанрызхъвыцуа йуылаухIвауа арат ракIвпI: йап-хъахауата ауи ахвыцквa р-Псадгъыл бзи йырбауата, йгIакIвзыршауа апсабара хвы рзаквцIауата, руагIи рыбызшви йрызцIабыргта йгIадзынгылра йтахъыпI. Абаза ажва пшдзала, ажванахъа майрала, абаза хъвыццала йпсыпнкъвгауа йгIвыраква апхъагIвчва майрата йрылархIвитI, ауат этагылра атахъу акъыж йтагылитI.

ЧвзыкIа ШахIымби йгIацIщтраквa рпхъадзара жваба йнадзитI. Йтынха пшдза йауапI ауи йажва-квала Шармат МухIарби, Гваджъа Галина, Йуан Мус-са йгIандыршаз ауарадквa.

4. АгIвыра «Тыдзталхъа» арыпхъагIв дгIапхытI.

5. Ажвар нхара.

– Тыдзталхъа ззырхIвауа ачIвыйа?

(Тыдз шIыц руыхвата йанталхуа йазынарху ача-ражвра)

– Ажва «Тыдзталхъа» зъара ажвала йалайа?

Гырраса – раса ду-ду.

6. АгIахIвахра асабиква къазула йгIапхытI.

IV. Тшпсцара дакъыкъа.

ЙгIайитI агIапын, йгIамгIвайситI,

АцIла абынджъаква гIапIанкIытI.

ЙгIахъынхIвыхитI апсгIачIвква

Рашва къахквa ахъдырцуа.

V. АпхъарасахIат атема шIыц адынхалра нар- дзахра.

1. Суратла нхара.

– Асурат апны йыжвбауайа?

– АчкIвын хвыц цIисгIвара йчпара ахъазла ъа-
мапсымата йгIайрысабапуайа?

– Аблын йкIнахIу аъамапсымаквa рыхъызквa
гIашвхIва.

– АчкIвын хвыц дшпагIвычу?

– Йшпажвбауа, ауи дазгIашыкъта дынхума?

2. АгIахIвахра гIазквчважвауа шрылархIвaз
рхъвыхра.

– Мурат ацIисгIвара йчпарныс мурадта йзыкIыз
ачIвыйа?

– Ммаду дашIамсуата ауи азцIгIараквa зйылт-
уазйа?

– Йара Мурат дыззхъвыцуаз ачIвыйа?

– «АцIисгIвара уабаду йуизичпарыни» – хIва мма-
ду йылцIабыргта йалхIвма Мурат?

3. Афырквa ртурасы йтагылата йгIапхъитI.

– Мурат йынхара зымгIвагъи шайгвыргъбауа узыр-
бауа асатырквa гIалшвкIгIата швгIапхъа.

4. АласхIвараквa рыдынхалра.

– Къанджъа, къанджъа, къанджъагъра,

Къакъ-къакъ-къакъ! ЙгъакIуам ушIа!

– Уара квa, уара квa, ащцакIва – хIва угIаквa.

VI. АпхъарасахIат атема шIыц рыбагъахра.

1. АгIахIвахра хъвы-хъвы йыршитI, хъа артитI.

– АгIахIвахра апны бжъагажвa кIара алума?

– АгIвгIвы агIахIвахра апны ажважвта йгIайры-
сабапйа? Ауи шпагIашвгвынгIвуа?

– Ажважв «ЦIкъъа ацIкъъата дчважвитI»
агIахIвахра йаквнагума? Ауи ъагIарбу запш сатыру
гIашваута швгIапхъа.

– Мурат йхIаль бзирата йгIалшвкIгIайа?

2. Акврыбагъахра апхъара.

3. Йызпхъаз ражваквала йгIархIвахитI.

4. Рыбызшва тшауацIнарыхрала тшарыщцара.

– ЙуызкIашвайа хIара хIцIис чкIвын,

ЙуызкIашвайа, хIара хIчыр?

ЙгIасда хIыпшка, уара угвы чкIвын

ЙзаквуцIауайа уылахъ хIчыр?

VII. ЦIхъважва.

– АпхъарасахIат апны шIыцта йыжвдырйа?

– РыцIа йшвгвапхайа?

– Швхъа ахъазла файда кIара гIалшвхма?

– Швара йшвзычпума цIисгIвара?

VIII. ПынхачIвы.

19–22 ан. бзита йзапхъауа, йгIархIвахуа тшырб-
жъитI. АхIбачва гIарцдырхърагIумца цIисгIвара
рчпауа тшырбжъитI.

9 апхъарасахIат

АпхъарасахIат атема: Апвырквa рпхыз. *Чъзы-
кIа ШахIымби.*

АпхъарасахIат амурадквa: ауыса йахаргIвазара,
ауи амагIын хъада гIалдыркIгIара; рапхъаща агъьчIв-
ра, рчважвара, рхъвыщца тшауацIнарыхра; апсабара
апны абна швырквa разазаъаща гIаргвныргIвара,
апсабара, апхъара бзи йдырбара.

АпхъарасахIат адгалца: апхъага, ажва баргвквa
зну карточка, асуратквa, рчважвара тшауацIна-
рыхрала цхърагIага, ахъатаршыгаквa, ажважвквa,
акытчаквa.

АпхъарасахIат акIвшаца

I. АпхъарасахIат тшазадгалра.

– Ауадгъына абжъы гIагатI,

XIгIазнаддахтI ауи нхара.

ЙыхІтахъу зымГІва хІазырПІ,
ХІазГІашыкъПІ хІа анхара.

II. ПынхачІвы рхъвыхра.


1. ЧвзыкІа ШаХІымби йГІахІвахра «Тыдзталхъа»
ГІазквчважвау ачІвыйа?

- Швара Мурат дызлашвгвапхайа?
- Ауи анхара дшпазаъу?
- Ауи ГІазырбауа ахъвы шваквчважва.

2. АГІахІвахра йГІапхъитІ, йГІархІвахитІ.

III. АпхъарасахІат атема шІыц адынхалра.

1. Ахъатаршыгаква (кроссворд) йрыдынхалитІ.
Абна швыркава рыхъызква тажвГІвых.



(Пыжвбана, бнаджъма, аслъан, ажъа, квыджъма,
къапльан, бага)

АрыпхъаГІв ашвыркава рсуратква дйырбитІ.

– Арат зымГІва бнашвыр – хІва хІрыпхъитІ.

2. АпхъарасахІат атема шІыц рахІвра.

3. Ауыса арыпхъаГІв дГІапхъитІ.

4. Ажвар нхара.

Дзадзыц – бнашвырПІ, урышвла «ласка».

Тамада – айшва йнадзхъачІву ахІбата йдырчІвауа.

5. Ауыса ГІазквчважвауа шрылархІвас рхъвыхра.

- АуысаГІв йуыса апны йГІайырбаз ачІвыйа?
- Ашвыркава разазъаща апхыз апны йшпаГІарбу?

– Ауат апсабара апны разазъаща шпаъу?

– Ажважв «Ацгви ахІвынапи йрапшПІ» ззырхІва-
уа ачІвыйа?

– Ари ажважв зквнагу запшыйа, апхыз йалу аза-
зъаща акІвма, момкІва апсабара апны ашвыркава
разазъаща акІвма?

IV. Тшпещара дакъыкъа.

– Ажъа срыхвчкІвын, лымхІа кІъакІа,

УыГІвитІ уылпауа асы.

Ашваргвыда, ахъадада,

УГІанарахІахТІ уыцта бжъы.

V. АпхъарасахІат атема шІыц адынхалра нар- дзахра.

1. Кытча йаситІ.

Зызыкв гврыГІвацу харчыкІ,

ХІвынапкІ йащталТІ йгъажъуа.

Угъзахъысуашымйа гврыкІ,

ЙацІударныс рахъва тшыткІ. (Пыжвбана)

2. Ауыса «Ашвыркава рпхыз» быжъхъТІыла къа-
зу-къазу асабиква ГІапхъитІ.

– АуысаГІв ауыса йалу ашвыркава дшпарзаъу?

3. Акврыбагъахра нхара.

(Тамамта, логика щТІыхраква ГІалыркІГІауа йап-
хъитІ).

VI. АпхъарасахІат атема шІыц рыбагъахра.

1. АлкІГІара апхъара.

– АуысаГІв адзадзыц дъагІаквчважвауа ГІара-
уитІта йГІапхъитІ.

– Атамада ашвыркава шапылыз ГІалыркІГІитІта
йГІапхъитІ.

2. Ауыса апны ххъвыкІ ГІалыркІГІитІта бзита,
тамамта, пщдзата йапхъауа тшырбжъитІ.

3. Ахъвмарца «Ажваква ГІашваух».

ЙалапІатІаз ахІарыфква ргылартаква шврыта-
разх.

Дзадзы, пархачІкъ, хац, квджъамы, пжваныба.

(Дзадзыц, пхарчІакъ, цха, квыджъма, пыжвбана).

VII. ЦІхъважва.

- АпхъарасахІат апны шІыцрата йыжвдырІа?
- Ауыса гвыбзыгъарата йгІалшвкІгІайа?
- Швара джъащахъвата швзынІайа?
- Ауыса лахІварата йгІашвыланацІайа?
- Швынхара хвы аквшвцІа.

VIII. ПынхачІвы.

26 ан., ахшІчІваракІ збарла йддырдыритІ, ауыса сурат азырчпитІ.

10 апхъарасахІат

АпхъарасахІат атема: АуагІа ршІалахІвара. АчкІвын рыцхІи амза джъащахъви. *ТІыгв Владимир* йанІыргІалхтІ.

АпхъарасахІат амурадквa: алокІ йахаргІвазара, ауи амагІын хъада гІалдыркІгІара; афырквa ртурасквa тамамта йырзагІахътІуа, ауат ртарала апхъара щцалраквa рыбагъахра; рчважвара, ракъыль, рхъвыщраквa тшауацІнарыхра, амцхІвара хъара йшазгыл-уаш йазыбжъара.

АпхъарасахІат адгалща: апхъага, ажвар, агІв-гІвы йсурат, ажважквa, кытча, ахъатаршыгаквa.

АпхъарасахІат акІвшаца

I. АпхъарасахІат тшазадгалра.

- УцІарагъвычвызтІ абазажва, УбайазтІ хІыбызшва пшдзадза. ХІабачва йгІахІыртыз ажва АцІолараквa гІахъхІтІуаштІ.

II. ПынхачІвы рхъвыхра.

1. АзцІгІараквa джъауап рыртитІ.
 - ЧвзыкІа ШахІымби йуыса апны йгІайырбаз ачІвыйа?

- Ашвырквa разазаъаща апхыз апны йшпагІарбу?
 - Ауат апсабара апны разазаъаща швгІаквчважва.
2. Ауыса збарла йгІархІвитІ.

3. Ауыса суратта йазырчпаз арыпхъагІв йырхъвы-хитІ.

III. АпхъарасахІат атема шІыц адынхалра.

1. Айчважвара акІвыршара.

– ЛокІ ззырхІвауа ачІвыйа? АлокІгъи ауагІа ршІалахІвара йгІаннаршаз ауысаквa йрыуапІ. АлокІквa хІуыжвгІанчІви базара апны магІын ду рымапІ. Ауат абазара апны йгІанымшаз ауысквала йалапІ. Ажва ахъазла: ашвырквИ апсауышвхІаквИ чважвитІ, адзы йту апсауышвхІаквa агІвычІвгІвыс йгІайцхърагІитІ, ацІлаквa хъапщ швыр гІаршІалитІ, ауасамцара.

АлокІквa рыбызшва пшдзапІ, цкъапІ, байапІ, ажважвла йырчвыпІ.

АгІвычІвгІвыс дгІазлыцІыз йуагІа ршІалахІвара цІолата йдырра, йыбызшва цкъата далачважвара атахъыпІ. АшІалахІвара зымдыруа йтурыхъи, хІуыжвгІанчІви литературагъи гъидыруашым.

2. Атема рахІвара.

(АгІвгІвы йсурат дйырбитІ)

3. АгІвгІвы йыхъазла ажва.

– ТІыгв Владимир Къвайдан кыт дйытІ. Апхъарта дангІалга Къабард-Балкъар къральыгІва университет дыцІалын диплом къапщыла дгІалгатІ. Йара дшгІалгуз зынла нхара Къарча-Черкес наука рхъвыхырта институт апны литературы афольклори сектор днарахвтІ. Щарда йнамиуата кандидат диссертация «Абаза литература ащаквыргылра йгъи атшауацІнарыхра» йхчатІ. Ауи амцтахъ зынла йгІайквнадыргатІ анаукала йахІбу нхагІвы ахъыз. Йара аинститут апны 14 сквша ученый секретарьта дынхатІ. Асквш 1987 угІалагата Къарча-Черкес къральыгІва пединститут дынхатІ. Алитература кафедра даунашвачпагІвын,

аспирантура хъитІытІ. Профессор хъзы гІайквнадыргатІ, йымкъвауата «РФ апны культурала гІатгара зму» чІахІра хъыз ду гІайырттІ. ЙыршІыйара швабыжта йбайапІ. Нхарата 70 йымапІ. Ауат йрылапІ анаука статьяква, 4 монографиякІ, 5 фольклор азкІ-кІракІ, абаза литературала апхъагаква, ажварква.

4. АлокІ арыпхъагІв дгІапхъитІ.

5. Ажвар нхара.

Алмасты – гІвычІвгІвыс ткъвымта ауагІа ршІа-лахІвараква дрылапІ, дпхІвыспІ, ддупІ, дхІагІапІ, лчважъ хъвду аквпІ. ТлапІккъкІ, йа тгІачвакІ гІалылкІ-гІун гвымхара зылрайдзуш. Ауаса къарула улайгІа-йырквын дузцІабыргхун, агвымхараква уырчвылх-чун. Араса ажважвта йырхІвалитІ: «Алмаст лунашва ухІвапхъадзагъи быжъчІвырхъакІла дгІаскІытІ» – хІва.

6. АлокІ асабиква къазула йгІапхъитІ.

7. АзцІгІараква джъауап рыртитІ.

– АчкІвын рыцхІа афақъра дызйыцджвыквлыз ачІвыйа?

– Йшпажвбауа, ауи йаба йакІвызма?

– АчкІвын дызжъахаз ачІвыйа?

– Ауи йгІайдахІвыз ачІвыйа?

IV. Тшпсцара дакъыкъа.

Къахвта швацІагыл!

Швпахъла йшврау швнапІква,

Бзита тшшврычІвай зны,

Швас гІван-хын напІы.

Агъъмала тшхъшвыркІы,

Армала тшхъшвыркІы!

Швхъапал швабаркІы,

Псайсна швчІварта швкІы!

V. АпхъарасахІат атема шІыц адынхалра нар-дзахра.

1. АлокІ быжъхътІыла тамамта ужвыгъи зны йа-тагІапхъахитІ.

– АчкІвын баргвырата дзынйаз шваквчважва.

– Йшпажвбауа, ауи абаргвыраква драйгІайма?

2. Рчважвара тшауацІнарыхрала ацхърагІага тшарыщцара.

– АсахІатква аналгара,

Хъвмарра хІджвылырдитІ хІара.

КІвыльа лымцтахъ сгылапІ са,

Сымцтахъ дгІайитІ ГІальиса.

Апхъадза дгвыргъачІвауа,

ДгылапІ сыгІвза Нафиса.

3. Афырква ртурасы йтагылата йгІапхъитІ.

– АлокІ йалу афақъра йтурасы шпагІарбу?

– АлокІ йалу алмасты лтурасы шпагІарбу?

– АхІ йпхІа ачкІвын зынла дызйыымтыз йашвхІаусыгІвазйа?

4. Ажважкква рыдынхалра.

– АгІвычІвгІвыс чвгъарала йцІыхъва утамгылын.

– Гвымхара угвы йтата бзира гъгІауыдахІвуашым.

– Арат ажважкква алокІ апны йыззынарха ауаш-да?

VI. Атема шІыц рыбагъахра.

1. Акврыбагъахра апхъара.

– АлокІ йалу амза лшарата йамазйа?

– Абзазара апны ауи апш гІаншара аъума?

2. АлокІ гІазквчважвауа ражваквала йгІархІва-хитІ.

VII. ЦІхъважва.

– ХІызпхъаз алокІ швгвапхама?

– Афырква рыуа рыцІа йшвгвапхада?

– АлокІ лахІварата йгІашвыланацІауайа?

– Швынхаца хвы аквшвцІа.

VIII. ПынхачІвы.

29 ан. Бзита йзапхъауа, йырзагІахІвахуа тшырб-жъитІ. АлокІ йаквнагауа ажважкквалІ дара-дара йгІарауитІ.

11 апхъарасахлат

Апхъарасахлат атема: АхгIвайщчва ахI дшыр-
жъаз. *ТГыз Владимир йанйыргIалхтI.*

Апхъарасахлат амурадква: алокI йахаргIвазара,
ауи амагIны хъада гIаргвныргIвара; йызпхъаз гIар-
гвынгIвуа, йырзагIахIвахуа йазыбжъара; ражва йаз-
цIабыргта, гIвыра ду рылата йаъазара шатахъу йа-
зыбжъара; рчважвара, рхъвыцца тшауацIнарыхра,
ракъыль ацIарара йалархIарала ацхърагIара; абыз-
шва бзи йдырбара.

Апхъарасахлат адгалща: апхъага, ажва баргвква
зну карточка, ажважвква, ахъатаршыгаква.

Апхъарасахлат акIвшаца

I. Апхъарасахлат тшазадгалра.

XIa йхIызпшитI ахъвыцра шIыцква
XIапхъарасахлат апны.

Дырра зму йшйыму лшара
ЙгIдыритI зымгIвагыи хIара.

II. ПынхачIвы рхъвыхра.

1. АзцIгIараква джъауап рытра.

– АлокI гIазквчважвауа ачIвыйа?

– АчкIвын рыцхIа афакъра дызйыцджвыквлыз
ачIвыйа?

– Йшпажвбауа, ачкIвын дызжъахайа?

– АлокI йалу афырква рыцIа йшвгвапхада? Дыз-
лашвгвапхайа?

– Абзазара апны ауи апш гIаншара шванйахъама?

2. АлокI йазырчпаз асурат арыпхъагIв йырхъвы-
хитI.

3. АлокI йгIапхытI, йгIархIвахитI.

III. Апхъарасахлат атема шIыц адынхалра.

1. Ажважвква рыдынхалра.

– «АхъацIара тшайыргатI» ззырхIвауа шпагIашв-
гвынгIвуа?

– «Абайа йгвыргъъара млыквпIта, арыцхIа йба-
йара тгIачвапI» – хIва йзырхIвауайа?

2. АлокI арыпхъагIв дгIапхытI.

3. Ажвар нхара.

Чварна – йацIыху ащамакъчва, йа аджъмачва.
Ауи цIагIвта йагIвдырссунта йаладзахуан. Ауат
ацIагIвква «чварна» – хIва йрыпхытI.

4. АлокI асабиква гIапхытI.

5. Ауи гIазквчважвауа шгвныркIылыз рхъвыхра.

– Айщчваква ахI йызйызцаз ачIвыйа?

– АхI ауат рахIвара зйырхъйаз ачIвыйа?

– Айщчваква ахI йшпайайгIай?

– Йшпажвбауа, ауат хIарам рчама?

6. БыжъхътIыла алокI йгIапхытI.

– АхI ащчваква адгъыл згIарыквйымххйа?

Ажважв «АхъацIара тшайыргатI» ахI йыквыр-
гIапспI ухIва ауашма?

IV. Тшпсцара дакъыкъа.

Уа ажвцIы, ажвцIы пшдзадза!

УпссагIумца амара унадза!

УгIабгъапшыта хIагIадза,

Мара нуркI хIызгIауцт пхадза!

**V. Апхъарасахлат атема шIыц адынхалра нар-
дзахра.**

1. Афырква ртурасы шпагIарбу?

– АлокIла агIвгIвы йгIайырбара йтахъызйа?

2. АлкIгIара апхъара.

– АхI йгвгIанаграква ъану асатырква йгIарып-
хытI.

– Айщчва ачва йшадынхалуаз ъану ахъвы гIара-
уитIта йгIапхытI.

VI. Апхъарасахлат атема шIыц рыбагъахра.

1. Ахъвмарца ажванахъа нардзах:

– МшкIы ауат ацылын адгъыл зщардаз... –

– ХIара уапIакI йхънагIвушгыи ... –

– ЧвыкI ачва йгIацIанакIуа гIахIутырквын... –

- Айщчваквa ахI йчва нарахвын ...
 2. Ахъатаршыгаква «Ажваквa швгIарыпхъа». Аребусква



– рна, квы–



–н

чварна

квыджьма

чIван



– лья

къабля

3. Акврыбагъяхра апхъара.

- АлокI апны ажважвта йалу гIашвау, йгIа-
 ныцIуа гIашвхIва.

VII. ЦIхъважва.

- АпхъарасахIат апны шIыцрата йыжвдырйа?
 – АлокI амагIны хъада швазхъвыцма? АчIвыйа?
 – Ари алокI уыззнабжъауа ачIвыйа?
 – Швара рыцIа йшвгвапхада?
 – АпхъарасахIат апны рыцIа нхара квпшырата
 йшвгвапхайа?

Швынхащa хвы аквшвцIа.

VIII. ПынхачIвы.

32 ан., бзита йапхъауа, йырзагIахIвахуа тшырб-
 жьитI.

12 апхъарасахIат

АпхъарасахIат атема: Марйан ацтанчIв акъви
 йшгIатылцаз. *ТIыгв Владимир* йанйыргIалхтI.

АпхъарасахIат амурадква: алокI йахаргIвазара,
 амагIын хъада гIалдыркIгIара, афырква ртурасыла
 апхъара агъьчIвра; азцIгIараква йчвыта, йнардзата
 джъауап шырзатуаш адынхалра; рчважвара, рхъвыц-
 ща тшауацIнарыхра; рыбызшва бзи йдырбара.

АпхъарасахIат адгалща: апхъага, акытчаква,
 аласхIвараква, ажва баргвква зну карточка, ажважв-
 ква.

АпхъарасахIат акIвшаша

I. АпхъарасахIат тшазадгалра.

II. ПынхачIвы рхъвыхра.

1. АзцIгIараква джъауап рыртитI.
 – Швпны швызпхъаз алокI гIазквчважвауа
 ачIвыйа?

– АхI айщчваквa рахIвара зйырхъйаз ачIвыйа?

– Айщчваквa ауи йшпайайгIай?

– АхI ауат адгъыл згIарыквйымххйа?

2. АлокI асабиква гIапхъитI.

3. Йызпхъаз гIархIвахитI.

III. АпхъарасахIат атема шIыц адынхалра.

1. Къытча йаситI, айчважвара акIвдыршитI.

– АхI йкъамчы ахIвра йылапI. (*ацтанчIвы*)

– УахъчIва хIызпхъуш алокI гIазквчважвуш
 ахъызлагъи йгIаугвынгIвитI. Сара алокI саншвызгIап-
 хъара швдзыргIвыта бзита йгIасашвхIвх Марйан лту-
 расы шгIарбу.

2. АлокI арыпхъагIв дгIапхъитI.

3. Ажвар нхара.

Зальым – айрыш, йхIваз акIвымкIва йгъауам.
 Урышвла «упрямый».

Къви – дзы гъагIатырхуа (къви дзы), цIолата йгъа-
 гIацIцIуа. Урышвла «колодец».

4. АлокI асабиква къазула йгIапхъитI.

5. АзцIгIараква джъауап рыртитI.

– АгIвгIвы Батырбии Марйани рбзазаща шпагIа-
 йырбауа?

– Батырби йпхIвыс акъви дтайрышвырныс му-
 радта йзыкIыйа?

– Батырби ацтанчIв шпагIайцхърагIа?

– АщтанчІв ахІ йпхІа дгІаунащтхра ахъазла Батырби хІайльарата йгІайхъвыщя?

IV. Тшпщара дакъикъа.

ХІылаквa ахъахІырпсапситІ –

Зны, гІван, хын! Зны, гІван, хын!

ХІылаквa хъыгІгІвитІ багъьата

Зны, гІван, хын! Зны, гІван, хын!

ХІпшитІ хъахъыла, хІпшитІ цІахъыла

ТшапщитІ хІыхъвда, тшапщитІ хІхъа

ХІдамаквалагыи хІынхитІ,

Зны, гІван, хын! Зны, гІван, хын!

**V. АпхъарасахІат атема шІыц адынхалра нар-
дзахра.**

1. АлокІ быжъхътІыла, тамамта, пщдзата йгІап-
хъитІ.

– Марйан швабыжта дшзальымыз гІазырбауа
ачІвыйа?

– Батырби ахІра шпагІайдахІв?

2. АласхІвара ддырдыритІ.

АщцакІва – хІва ащтанчІв ащаца йыла йкІвритІ.

3. Афырквa ртурсы йтагылата йгІапхъитІ.

– АлокІ амагІны хъада гІалшвкІгІа.

VI. АпхъарасахІат атема шІыц рыбагъьахра.

1. Акврыбагъьахра апхъара.

2. Йызпхъаз гІархІвахитІ.

– Ари агІвсатыркІ:

«АнцІрагыи абынджъквa

ЙкІыдырпІлапІ рджъынджъквa» – алокІ апны
йзквнагауада?

VII. ЦІхъважва.

1. АпхъарасахІат апны рыцІа йшвгвапхайа?

2. ШІыщрата йыжвдырйа?

3. АлокІ швызнабжъаз ачІвыйа?

4. Швынхаща хвы аквшвцІа.

VIII. ПынхачІвы.

34 ан. Бзита йзапхъауа, йырзагІахІвахуа тшырб-
жъитІ.

13 апхъарасахІат

АпхъарасахІат атема: «ЙгІахв!» *Меремжъль Вла-
димир* йанйыргІалхтІ.

АпхъарасахІат амурадквa: алокІ йахаргІвазара;
алокІ фыр ХІваджъа йкъвыщра, йакъыль ацІарара
шгІайыхъвауа асабиквa йгІаргвныргІвара; афырквa
ртурасыла апхъаща рыбагъьара, ажважквa йгІар-
ныцІуа цІолата йазырхъвыщра; рчважвара, ракъыль,
рхъвыщраквa тшауацІнарыхра; рыбызшва бзи йдыр-
бара.

АпхъарасахІат адгалща: апхъага, агІвгІви ХІва-
джъи рсуратквa, ажважквa, ахъвмарщаквa.

АпхъарасахІат акІвшаца

I. АпхъарасахІат тшазадгалра.

(Йддырдырхъаз тшазрыхІазырга уысакІ рхІвитІ,
асабиквa йыртахъу дара йгІалыркхитІ).

II. ПынхачІвы рхъвыхра.

1. АлокІ «Марйан ащтанчІв акъви йшгІатылцаз»
йгІапхъитІ.

– АлокІ апны Марйан швабыжта дшзальымыз
гІазырбауа ачІвыйа?

– Батырби ахІра шпагІайдахІв?

2. АлокІ гІазквчважвауа гІархІвахитІ.

III. АпхъарасахІат атема шІыц адынхалра.

1. Суратла айчважвара акІвыршара.

– Асурат апны йыжвбауада?

– Ауи дшпагІвычу, йымайа?

– ХІваджъа шйакІвыз швара йшпажвдыр?

– Абаза уагІа рлокІквa рпны фыр хъадата далапІ
ХІваджъа.

АлокІкви атурыккви гІвыра анаъамыз йгІаншатІ.
Ауат ауагІа йшаларцІаз апшта, шІакІ йтыцІырквын
шІашвкІ йталуа йгІамгІвайситІ. АлокІквa рпны ауа-

гІа абазара йшапшуа гІарбапІ, ачвгъи абзии апшІа-
гылапІ, ацІабырг йазабакІтІ, ракъыль ацІарара
гІалкІгІапІ. ЙзачІв уагІахъазлакІгъи дара рфыр
локІква рымапІ. ХІваджъа швабыжта дкъвышын,
йакъыль цІаран. Ауи йамуаш гІващагІаракІ данан-
йара швабыжта йгІайыхъвун. Ужвы йъагІадзасгъи
дугъи хвыцгъи ХІваджъа йлокІква бзидздза йырбауа
йрыпхъитІ.

2. Атема рахІвра.

3. АгІвгІвы йсурат дырбара, айчважвара акІвыр-
шара.

– Меремкъвыль Владимир АлбыргІан кыт дйытІ.
Апхъара йара йкыт апны далагатІ, ауаса атгІачва
Черкесск къала йанцах аобласть уагІахъа интернат
дгІалгахтІ. Ауи амцтахъ Тифлис къралъыгІва уни-
верситет филология ахъвшара дыцІалтІ. Ауи урышв
бызшвала, литературала йгъи кавказ бызшвала
дъачІвагІагІвхатІ. Асквш 1960 уалагата 1984 – дза
Къарча-Черкес наукала архъвыхра институт дын-
хатІ. Абаза фольклор текстква йцардапІ, ауат
азикІкІтІ, йанйыргІалитІ, йатайкІтІ. Ауи йкъа-
лъам йгІацІцІтІ абаза уагІахъа рэпос «НартыргІа»,
«Абазинские народные сказки» урышвла. Ужвы аза-
ман абаза бызшва апроблемаква дрыдынхалитІ.

4. АлокІ арыпхъагІв дгІапхъитІ.

5. Асабиква дара-дара гвыла йапхъитІ.

6. АлокІ шгІаргвынгІвыз азцІгІараламца йыр-
хъвыхра.

– ХІваджъа дъацаз акыт апны дзынйаз ачІвыйа?

– АхІ йызнайыз ачІвыйа?

– ХІваджъа ахІ адзыхъ дгІатигахра шпайзахъв-
даквыцІ?

IV. Тшпсцара дакъикъа.

Мышва, Мышва, уаквс щапІыла,

Мышва, Мышва, уас напІы!

УчІва, угІагылх, унапІква гІащтІых,

ХІацхъынхІвуамца хІчІварта хІкІыхпІ.

**V. АпхъарасахІат атема шІыц адынхалра нар-
дзахра.**

1. АлокІ быжъхътІыла асабиква гІапхъитІ.

– Йшпажвбауа, ХІваджъа ахІ дызйайгІайыз ачІвы-
йа?

2. Афырква ртурасы йтагылата гІван-хын йгІап-
хъитІ.

– Ажважв «ЙгІахв!» акІвмызтын – «Йнахв гъа-
ъадзам» ари алокІ йаквнагума?

– «Апсынамхъа хъвыцрата йыму млыквпІ» –
ажважв шпагІашвгвынгІвуа?

– Швара млыквта йшвпхъадзауайа?

3. Ахъвмарцаква. Аребусква швгІарыпхъа.

а)



– уатра тш–



тшада



– са

цІлауатра

хІаса

б) Ажва чІыдаква алшвх.

ХІваса, чІва, чадыгІва, наша, хІа

(Наша – уатралыцІпІ, анахъанат швырцІлапІ.)

VI. АпхъарасахІат атема шІыц рыбагъахра.

1. Акврыбагъахра апхъара.

2. Йызпхъаз гІархІвахитІ.

– АлокІ уыззнабжъауа ачІвыйа?

VII. ЦІхъважва.

– АпхъарасахІат апны рыцІа джъащахъварата
швзынйайа?

– АлокІ швнашх шпачпа?

– Швынхаща хвы аквшвцІа.

VIII. ПынхачІвы.

36 ан. АлокІ бзита тшырзацпауата, пшдзата
йырзагІахІвахуата тшырбжъитІ.

14 апхъарасахIат

АпхъарасахIат атема: Ауарби апслачвакIгIви. *Меремкъвыль Владимир* йанйыргIалхтI.

АпхъарасахIат амурадквa: апхъагIвчва алокI йа-харгIвазара, ауи амагIны хъада гIаргвныргIвра; рапхъаща агъьчIвра, бзира узызхауа йбзира ухъаш-тылра шатахъым, агвымхара хъара йшазгылуаш йа-зыбжъара; рчважвара, рхъвыцпраквa тшауацIна-рыхра.

АпхъарасахIат адгалща: апхъага, атема йаквыр-гIапсу сурат, аласхIвараквa, ажважквa, акытчаквa.

АпхъарасахIат акIвшаща

I. АпхъарасахIат тшазадгалра.

Ауадгъына хIгIазнаддахтI,

Бзита хIчIвахтI, хIадзхъачIвахтI.

Бзита хIапхъуштI, бзита хIгIвуаштI,

ЙхIархIвуа бзита хIаздыргIвуаштI.

II. ПынхачIвы рхъвыхра.

1. АзцIгIараквa джъауап рытра.

– Швызпхъаз алокI гIазквчважвауа ачIвыйа?

– ХIваджъа дъатанагаз акыт рахI рыцхIагIарата дзынйайа?

– Ауи акъви йгIатыцIхра йашвхIаусыгIвайа?

2. АлокI йгIапхъитI, йгIархIвахитI.

III. АпхъарасахIат атема шIыц адынхалра.

1. Ахъвмарща акIвыршара «Ажваквa гIащакв-швыргылх».

Аубра, пласачв, лапсакIчвыгIв

– УахъчIва хIыздынхалуаш атема апны арат ажва-квa шврынйуштI.

(Ауарба асурат арыпхъагIв йдйырбитI).

– Ауарба зараррата йачпауа здыруада?

– Шва ауи апш кIара шванйама?

2. АлокI арыпхъагIв дгIапхъитI.

3. Ажвар нхара.

Ачваба дгIахътI – тшгIайгайтI.

Зкърар йайжъаз – зажва ззымкIыз, мцы зхIвахыз.

4. АлокI къазула асабиквa гIапхъитI.

5. АлокI гIазквчважвауа шрылархIваз рхъвыхра.

– АпслачвакIгIвы йбзазаща шпаъаз?

– Ауи ауарба злагIайыргвыгъаз ачIвыйа?

– Ауарба ауи йшпагIайцхърагIуз?

– АпслачвакIгIвы мыгIвхъгарата йчпайа?

IV. Тшпещара дакъикъа.

ЗакIы, гIвба, хпа, пщба!

Сыламчвуа сгIагылтI уахъчIва!

Ашви ахъышви стIын щажъдза

ЙгIагIвнасыртI ахIауа цкъа.

ЗакIы, гIвба, хпа, пщба!

СнаквпагIаквпатI, схъапалшIапалтI.

ЗакIы, гIвба, хпа, пщба!

АнагIвгIагIвра сща нкъвнацатI.

V. АпхъарасахIат атема шIыц адынхалра нар-дзахра.

1. Къытча йаситI.

АпхъынцIыгIва дуквa акъауа,

ЙгIабгъапсегIитI аквчIарагъыч. (*Уарба*)

2. АлокI афырквa ртурасы йтагылата йгIапхъитI.

– АпслачвакIгIвы дхъызхыз ачIвыйа?

– Йшпажвбауа, ауи йчпаз бзирума?

3. АлкIгIара апхъара.

– Ауарби апслачвакIгIви райчважвара гIалыркI-гIитIта йгIапхъитI.

– Абзира зхъаштылыз апслачвакIгIвы йылахъ-хайа?

VI. АпхъарасахIат атема шIыц рыбагъахра.

1. Акврыбагъахра апхъара.

– Ажважв «Абзи дуыпчагIвызтын, бзира гIату-гапI» алокI йаквнагуама?

- Ауи ззынарху алокI аджвырагIв алума?
- Швара алокI йаквнагауа ажважвкI гIашвхIва.
- 2. Йызпхъаз ражваквала йгIархIвахитI.
- 3. Рчважвара тшауацIнарыхрала цхърагIага тша-
рыщцара. АласхIвараква.
- КвайчIва лквтIуква квтIагъыла йбзипI,
КвчIара гIалдара йхъырцIитI.
- Пвыра злу дыгIвцIабыргыпI,
ГIвзадъа убзазарныс баргвыпI.

VII. ЦIхъважва.

- АлокI амагIны хъада ззгIалкIгIада?
- АлокI уыззнабжъауа ачIвыйа?
- Швара сабапрата йгIалшвхIа?
- АпхъарасахIат апны рыцIа йшвгвапхайа?
- АлокI лахIварата йгIашвыланацIайа?
- Швынхаща хвы аквшвцIа.

VIII. ПынхачIвы.

37 ан. АлокI бзита йзапхъауа, йырзагIахIвахуа
тшырбжъитI, сурат азырчпитI.

15 апхъарасахIат

АпхъарасахIат атема: Акъвыши ашитани. *Ме-
ремкъвыль Владимир* йанйыргIалхтI.

АпхъарасахIат амурадква: алокI йахаргIвазара;
ауи амагIны хъада гIаргвныргIвра; айрышра бзира
шгIалымцIуа гIаргвныргIвра; тамамта быжъхътIыла
рапхъаща агъьчIвра; рчважвара, ракъыль, рхъвыц-
раква тшауацIнарыхра; абызшва бзи йдырбара.

АпхъарасахIат адгалща: апхъага, ажва баргвква
зну карточка, аласхIвараква, ажважвква.

АпхъарасахIат акIвшаща

I. АпхъарасахIат тшазадгалра.

(Йддырдырхъаз тшырхIазырга уысакI рхIвитI).

II. ПынхачIвы рхъвыхра.

1. Швпны швызпхъаз алокI гIазквчважвауа ачIвы-
йа?

- АпслачвакIгIвы йбзазаща шпаъаз?
- Ауи йбзазара агъьчIвра йацхърагIагIвхада?
- АпслачвакIгIвы ауарба злагIайыргвыгъайа?
- Ауи йажва йзыкIхма?
- РыцхIагIата дзынйайа?

2. АлокI йгIапхъитI, йгIархIвахитI.

III. АпхъарасахIат атема шIыц адынхалра.

1. АпхъарасахIат атема рахIвра.

– УахъчIвагыи Меремкъвыль Владимир йанйыр-
гIалхыз локIкI хIапхъуштI. Ауи гIазквчважвауа
агIвычIвгIвыс къвыши ашитан айрыши ракIвпI. Сара
саншвызгIапхъара швазхъвыцта йшвхIва айрышра
бзира гIалцIуазтын.

2. АрыпхъагIв алокI дгIапхъитI.

3. Ажвар нхара.

Домбей – швырпI, чвы ткъвымпI, урышвла
«зубр».

ТахIвана – тдзыжв хвыц, урышвла «хижина»,
«лачуга».

4. АлокI асабиква гвыла йапхъитI.

5. АзцIгIараква джъауап рыртитI.

- Ашитан йгвыгъу ачIвыйа?
- Ауи йтахъыз зизаквымшвайа?
- Ари анкъвакъвра апны йайгIайада?
- Ауи йайгIайра йацхърагIаз ачIвыйа?

6. Ажважв «Ашитан дагIвызкъаз дигIвызапI»
ззырхIвауа алокI йалу фыркI йзынарха ауашма?
ДзачIвыйа?

IV. Тшпсцара дакъыкъа.

Са сгIагылтI зымгIва рапхъа,

Сылаква сырхъвчIытI зынла.

СгIакIапан ачвартагъвы

ТшсрычIвайтI зны, тшсрычIвайтI гIван.

СыгІвын тшызджджватІ, спыцквa срыцкьатІ,
СазГашыкЪтагы снагІвГІагІвтІ.

**V. АпхъарасахІат атема шыц адынхалра нар-
дзахра.**

1. АлокІ быжьхътІыла асабиква гІапхьитІ.

– Йшпажвбауа, акъвыш йджъауапква шпаъаз?

2. Афырквa ртурасы йтагылата йгІапхьитІ.

3. Рчважвара тшауацІнарыхрала ацхъраГІага
тшарыщцара.

– КІари КІвыри –

Нахвраница!

ЧамхІа тІашвла,

КвтІагъчва хъылпа!

ЧвынцІы бачу – Куф-чуф.

– Апхъала адуквагы ахвыцквaгы ашитанквa
йырчвшун. Ахвыцквa ашитанквa «ГІарыдызмыр-
сылуаш» ршвага рыман. Аршвагагы ашитанквa
йрыквыргІапста гІвычІвГІвыс бызшвазшва йгъаъ-
мызтІ – шайтан бызшвазшва йаъан. Ажваквa райхІа-
ра закІгы гыГІарныцІуам. «Куф-Чуф» анухІвара
ашитанквa уаргван йГІамиуата йызхуадзырщун.

4. Ахъвмарга чкІвын збарла йддырдыритІ.

VI. АпхъарасахІат атема шыц рыбагъахра.

1. Акврыбагъахра апхъара.

– АлокІ агІвыра апны джъащахъвара кІара алыжв-
баГІама?

2. АласхІвара ддырдыритІ.

– Гъврадъа уаквымчІван атшы

Гъвыдъа уаламган атдзы.

3. АлокІ ражваквала йгІархІвахитІ.

4. Ажва шыцквa шгвныркІылыз арыпхъагІв йыр-
хъвыхитІ.

VII. ЦІхъважва.

– АпхъарасахІат апны гвыбзыгъарата йгІалшвкІ-
гІайа?

– АлокІ уыззнабжъауа ачІвыйа?

– АлокІ швнашх шпачпа?

– Швынхаща хвы аквшвцІа.

VIII. ПынхачІвы.

40 ан. АлокІ бзита, гвацпата йызГІапхъауа тшыр-
бжьитІ.

16 апхъарасахІат

АпхъарасахІат атема: Хан Джъамбакъ йтшы. Аз-
кІкІра «Абазашта адзыхъквa» йгІалхпІ.

АпхъарасахІат амурадквa: алокІ йахаргІвазара;
рапхъаща щцалраквa агъьчІвра; агвыбзыгъара,
акъыль млыквта агІвычІвГІвыс йшизынахъауа гІаргв-
ныргІвра; рчважвара, рхъвыщцаквa тшауацІна-
рыхра; апхъара, абызшва бзи йдырбара.

АпхъарасахІат адгалца: апхъага, атема йаквна-
гауа сурат, рчважвара тшауацІнарыхрала ацхъраГІа-
ра тшарыщцараквa.

АпхъарасахІат акІвшаша

I. АпхъарасахІат тшазадгалра.

(ЙагІвсыз асахІат йырхІваз атшазадгалра уыса
гІархІвитІ)

II. ПынхачІвы рхъвыхра.

1. АзцІГІараквa джъауап рытра.

– Швызпхъаз алокІ гІазквчважвауа дзачІвыйа?

– Ашитан йгвыгъаз ачІвыйа?

– Ауи йтахъыз йзаквыршвама?

– Ашитан йгІайдамыхІвыз йгвтара йашвхІаусы-
гІвазйа?

– Акъвыш йайгІайра йацхърыгІаз ачІвыйа?

2. АлокІ йгІапхьитІ, йгІархІвахитІ.

III. АпхъарасахІат атема шыц адынхалра.

1. Кътча йаситІ.

ГІвна псауышвхІапІ, чхІара алапІ.

Анхара хIатлаквa архъйтI. (Тшы)

– Эхакв тшы тшкIаруда?

– Ауи фaйдaтa йшвызгIанaгуaйa?

– Атшы афачIвхъaдa ачIвыйa?

– Ауи анкъвгaрa швaцхърaгIумa?

2. Атема рaхIврa.

3. АрыпхъaгIв aлoкI дгIапхъитI.

4. Асабиквa ргвылa йгIапхъитI.

5. AлoкI гIазквчвaжвaуa шрылархIвaз рхъвыхра.

– АхI йхъa злaйырдууаз ачIвыйa?

– Ауи йтшы йазнийыз ачIвыйa?

– Акыт ауaгIa ахI йзичвымшвуз ачIвыйa?

IV. Тшпещарa дакъикъa.

Тшазырчпумцa йырхIвитI.

– «Пыхв-пыхв» – хIвa.

Амажвaдзa питI.

Йпумцa, йпумцa, йщардахитI.

Ахъарпa гIахънарцитI,

ЙгIахъымтIтIаскIвa йгIаскIитI,

Сазсакъуa йгIаскIвхIитI,

Лъакъвым пхa-пхaтa йгIасчпитI.

V. АпхъарасахIат атема шIыц адынхалрa нар- дзахрa.

1. AлoкI къазула быжъхътIыла йгIапхъитI.

– АхъацIа ахI дшпайайгIай?

2. Афырквa ртурасы йтагылата йгIапхъитI.

– АхъацIа гвыбзыгъa ауaгIa бзирата йырзихайa?

3. Апхъага асуратла нхара акIвдыршитI.

– Асурат апны йану ззынарху запш хъвыйa?

– АхI йнашх шпaъу? Атшы рыцхIагIара шакву
узырбауa ачIвыйa?

– Асурат йану атыдзкви хIуыжвгIанчIви тыдзкви
йзлапшымйa?

VI. АпхъарасахIат атема шIыц рыбагъахра.

1. Акврыбагъахра апхъара.

– Йшпaжвбауa, алокI апны гвыбзыгъарата йа-
лайa?

2. Ажважквa рыдынхалрa.

– «Йуымазтын акъыль – дгъутахъым уакъыль»
(адвокат, защитник)

– Ари ажважв йгIаныцIуa шпaгIашвгвынгIвуa?

«Згвы йахвиту дгвыбзыгъапI» ззырхIвaуa ачIвы-
йa?

3. АлкIгIара апхъара.

– АхъацIа гвыбзыгъи ахIи райчважвара гIалшвкI-
гIата швгIапхъa.

4. Рчважвара тшауацIнарыхрала цхърагIага уыса.

– Сара стшы бзидздза йызбитI.

Сара стшы апрычвгъи схIвитI.

Дзыжвра саквчIвитIта йсырцитI

Йхъапалуa сасра сагитI.

5. AлoкI ражваквала йгIархIвахитI.

VII. ЦIхъважвa.

– AлoкI гвыбзыгъарата йгIалшвкIгIайa?

– Ауи швнашх шпачпa.

– АпхъарасахIат апны шIыцрата, джъащaхъвара-
та швзынйайa?

– Швынхара хвы аквшвцIа.

VIII. ПынхачIвы.

42. ан. Бзита йзапхъауa, йырзыгIахIвахуa тшырб-
жъитI. AлoкI сурат азырчпитI.

17 апхъарасахIат

АпхъарасахIат атема: Хъапщ гIвара. *Быда Рубин*
йанйыргIалхтI.

АпхъарасахIат амурадквa: агIахIвахра йахаргIва-
зара, ауи амгIын хъада гIаргвныргIврa; рапхъаща
агъчIврa; азцIгIараквa йчвыта, тамамта джъауап
гIартра адынхалрa; рчважвара, рхъвыцщаквa тшауацI-
нарыхрa; ртдзы, р-Псадгъыл, руагIа бзи йшырбуш
адынхалрa.

АпхьарасахІат адгалща: апхьага, Быда Рубин йсурат, атема йаквнагауа сурат, акытчаква, ахъв-марщаква, рчважвара тшауацІнарыхрала цхърагІага материал.

АпхьарасахІат аківшаца

I. АпхьарасахІат тшазадгалра.

II. ПынхачІвы рхъвыхра.

1. Швызпхъаз алокІ гІазквчважвауа ачІвыйа?

- Ахан йтшы йазнийыз ачІвыйа?
- Акыт ауагІа ауи йзичвшвуз ачІвыйа?
- АхъацІа гвыбзыгъа ахан дшпайайгІай?
- Ауи айгІайра йашвхІаусыгІвахайа?

2. АлокІ йгІапхъитІ, йгІархІвахитІ.

III. АпхьарасахІат атема шІыц адынхалра.

1. Къытча йаситІ.

– НапІыдъа, гврыхІадъа йчпапІ атдзы чкІвын.
(ГІвара)

– Архъа йыквпІ уахъгъи тшынгъи,
АквайчІвакъара хвахъвшвагІвы. (ЛакІваквей-чІва)

2. Айчважвара акІвыршара.

– Швара апхартала йпсегІахуа псегІачІвыта йыжв-дыруайа?

– ЙгъныцІсуа апсегІачІвкв швызларцхърагІа-уайа?

– Абна гвыпта шванцара йшвылашвкІра атахъу ачІвыйа?

– Атема рахІвра. Быда Рубин йсурат дырбара.

3. АгІахІвахра арыпхъагІв дгІапхъитІ.

4. Ажвар нхара.

Дари – асхъапІ, урышвла «шелк».

Чрын – ахІ йыпщІа апны йынхауа, урышвла «батрак», «слуга».

5. АгІахІвахра къазула асабиква гІапхъитІ.

– АхІ ацІис дшпазаъаз?

– Ауи алахъаквцІара йашвхІаусыгІваз ачІвыйа?

– Йшпажвбауа, ахІ ацІис зауицтхйа?

IV. Тшпсцара дакъыкъа.

Уа ажвцІы, ажвцІы пшдзадза!

УпссагІумца амара унадза.

УгІабгъапшыта хІагІадза

Мара нуркІ хІызгІауцт пхадза!

V. АпхьарасахІат атема шІыц адынхалра нар-дзахра.

1. АцІис ауарад ужвыгъи зны йгІапхъитІ.

- АцІис ауарад ахІ дызнархъвыщйа?
- Ауи лахІварата йгІашвыланацІауайа?
- АцІис гъацахыз абзартта шпаъаз?

2. Ажважквара рыдынхалра.

– АцІыхъадза йгІанатуа ажванахъа ужвыгъи зны швгватшныта швгІапхъата йаквнагауа ажважв-квкІ гІашвхІа.

– «АцІис щІцІисугъи гІвара ачпитІ» ззырхІвауа йгІаныцІуа ачІвыйа?

VI. АпхьарасахІат атема шІыц рыбагъахра.

1. Акврыбагъахра апхъара.

– Йшпажвбауа, ауи ацІис ахъапщ гІвара ацкІыс къваца-къыцала йчпаз агІвара згІалнахйа?

– Шваргъи швъагІатадрийыз шв-Псадгъыл, швуа-гІахъа, швыбызшва, швтдзы, швцриквара зымгІа бзи йыжвбара атахъыпІ. Йгъаъам арат рацкІыс аргваны. Ауат хвы рыквшвцІа.

2. Йызпхъаз агІахІвахра ражваквала йгІархІва-хитІ.

3. Рчважвара тшауацІнарыхра.

– АчІвыйа уызцІыруа акъанджъа?



АчІвыйа уызразым уа, марджъа?

Къакъ! Къакъ! – йгъашІасуам ушІа,

Анахъ зджъара хъарата уца!

(ГІван-хын йацырхІвумца йддырдыритІ).

4. Сканворд рчпитІ.

	къару зму гІвычІвГІвыс		йбагъям йырхъям	музыка ъамапсыма	
йшвахра атахъу					
				ныбыжь	
					гІари
		б			
				ч	

5. АпкъыгІваквa рыхъыз жвдырума?



дзадзы



тшбыг



хщрып

(Ажваквa рхІващa йадынхалитІ)

VII. ЦІхъважва.

– АпхъарасахІат апны джъащaхъварата швзынІа-йа?

– ЗымгІва рацкІыс йшвгвапхайа?

– АцІис ауарад лахІварата йгІашвыланацІайа?

– Швынхащa хвы аквшвцІа.

VIII. ПынхачІвы.

44 ан. АгІахІвахра бзита йзапхъауа тшырбжъитІ. Ауарад збарла йддырдыритІ.

18 апхъарасахІат

АпхъарасахІат атема: Ажъаквa рпыкквa ауаса йзаъайа? *Быда Рубин* йанйыргІалхтІ.

АпхъарасахІат амурадквa: агІахІвахра йахаргІва-зара; ауи амагІын хъада гІаргвныргІвра; рапхъара

щцалраквa рыбагъъара; афырквa ртурасыла апхъара агъьчІвра, рчважвара, рхъвыщраквa тшауацІна-рыхра; абызшва бзи йдырбара.

АпхъарасахІат адгалщa: апхъага, акытчаквa, ате-ма йаквнагауа сурат, ажважквa, аласхІвараквa.

АпхъарасахІат акІвшащa

I. АпхъарасахІат тшазадгалра.

Уа йуызпшитІ хІазырта

Йалыргу акласс.

Уапхъузтын ртшхъварала,

ЙуауаштІ уа насып.

II. ПынхачІвы рхъвыхра.

1. АгІахІвахра «Хъапщ гІвара» гІазквчважвауа ачІвыйа?

– АгІвГІвы агІахІвахра апны йгІайырбаз ачІвыйа?

– АхІ ацІис ауаса дшазаъазгъи алахъ заквзыйа?

– Ауи ацІис зауищтхъыз йашвхІаусыгІвайа?

– Йшпажвбауа, ахъапщ гІвара ацкІысгъи къва-ца-кыщала йчпаз агІвара згІалнахІа ацІис чкІвын?

2. АгІахІвахра ражваквала йгІархІвахитІ.

3. АцІис ауарад чкІвын збарла йгІархІвитІ.

III. АпхъарасахІат атема шІыц адынхалра.

1. Къытча йаситІ.

– Абыхъв гІврала йхъаххылитІ,

ХъакІвырблыгъала йгІабгъалхитІ. (*Ажъа*)

– Агъныла йшкІвокІвапІ, апхынла йсрыхвпІ. (*Ажъа*)

2. Атема рахІвра.

– УахъчІва хІызпхъуш агІахІвахра джъащaхъва-гъи гІазквчважвауа ажъаквa ракІвпІ.

3. АгІахІвахра арыпхъагІв дгІапхъитІ.

4. Асабиквa дара-дара ргвыла йапхъитІ.

5. АгІахІвахра гІазквчважвауа шрылархІваз азцІ-гІараламца йырхъвыхра.

– Ажъаква адзы тшартхырныс йызщаквдыргылыз ачІвыйа?

– Ауат йырхІваз йзайжъахйа?

IV. Тшпсщара дакъикъа.

1. БыжъхътІыла тамамта йгІапхъитІ.

– Ажъаква ахъыгччара щарда йрызнахаз ачІвыйа?

2. Ажважв «АцІыртыш акъвырагъи дачвшвитІ» йгІаныцІуа шпагІашвгвынгІвуа?

– Ари ажважв агІахІвахра йаквнагума?

3. Афырка ртурасы йтагылата йгІапхъитІ.

– Швара ашвара йазынарху ажваквкІ гІашвхІва. (Йшвауа апхъа дкшитІ. Йшвауа йылакв духитІ. Йшвауа йбжъы йырдууитІ).

V. АпхъарасахІат атема шІыц адынхалра нар-дзахра.

1. АлкІгІара апхъара.

Ажъаква адзы тшартырныс тшшдрыхІазыруаз щану асатырка гІарауитІта йгІапхъитІ.

2. Акврыбагъбахра апхъара.

– Адзатшпы апны йакІвшаз айчважвара гІашвау. Афырка ртурасы швтагылата швгІапхъа.

– АгІахІвахра амагІын хъада гІалшвкІгІа.

3. АласхІвара ддырдыритІ, ласыта йырхІвауа тшырбжъитІ.

– Ажъа гвы, ажъа гвы

УцІыхъва йалапІ уара упсы.

4. АгІахІвахра ражваквала йгІархІвахитІ.

VI. АпхъарасахІат атема шІыц рыбагъбахра.

1. Акврыбагъбахра апхъара.

– АгІахІвахра амагІын хъада гІалшвкІгІата, афырка ртураскв рыцІа йшвгвапхази йшвымгвапхази гІашвхІва. (Гвакъвпра кІара йгІашвыланацІама?)

VII. ЦІхъважва.

– АпхъарасахІат апны шІыцрата йыжвдырйа?

– АгІахІвахра ахъыз «Ажъаква рпыкквва ауаса йзаъайа?» аджъауап швзатма?

– РыцІа джъащакъварата швзынйайа, йшвгвап-хайа?

– АшвагІвы йызлайыпхъауайа? (*Шваргвыда*)

– Швара агІахІвахра кІара швзнабжъама?

– Швынхаща хвы аквшвцІа.

VIII. ПынхачІвы.

46 ан. Бзита йзапхъауа, йырзагІахІвахуа тшырб-жъитІ.

«Ажъа» – хІва хъа амата алацІара хвыцкІ ргІвитІ.

19 апхъарасахІат

АпхъарасахІат атема: КІатІащ. *Тобыль Тольыс-тан.*

АпхъарасахІат амурадквва: алокІ йахаргІвазара; ауи амагІны гІаргвныргІвра; азхъацІара, хъацІара, ражва йамайжъахра, ахІаль-шан бзиква йырзыбжъа-ра; рапхъаща агъгчІвра; абышва абайара йахаргІва-зара, бзи йдырбара.

АпхъарасахІат адгалща: апхъага, ажва баргвквва зну карточка, Тобыль Тольыстан йсурат, ажважквва, аласхІвараквва.

АпхъарасахІат акІвшаща

I. АпхъарасахІат тшазадгалра.

АпхъарасахІат апны

ХІчважвара тшауацІнахІрыхпІ

ХІаспІ кытча, йхІхІвапІ ажважв

Дырра шхІауаш амаль гІбапІ.

II. ПынхачІвы рхъвыхра.

1. АзцІгІараквва джъауап рытра.

– Швпны швызпхъаз агІахІвахра гІазквчважвауа ачІвыйа?

– Ажъаква мурадта йыркІыз ачІвыйа?

- Ауи йашвхІаусыгІвазйа?
- Ажъаква йырхІваз йзайжъахйа?
- Ажъаква рпыквчпаца гІазлыцІыз ачІвыйа?

2. АгІахІвахра йгІапхьитІ, йгІархІвахитІ.

3. «Ажъа» – хІва хъа змата йдрыхІазырыз ала-цІара рхъвыхра.

III. АпхъарасахІат атема шІыц адынхалра.

1. Айчважвара акІвыршара.

– Швара «хъацІара» йгІацІанакІуа шпагІашв-гвынгІвуа?

– ХъацІара злу йажва зынги дгъайжъахуам, ауи дгІвычІвгІвыс цІабыргышІ, гвымхара гыхум, йкърар багъапІ. ХІуагІахъа ажважвта йрымапІ:

– «ХъацІара злу йзачІвуысызлакІгъи ацІыхъва йнайырдитІ» – хІва. РыцхІагІа дананйарагъи йхъа-цІара гъирыдзуам.

2. Атема рахІвара.

– УахъчІва хІызпхъуш алокІ апны йалкІгІата йгІарбу ахъацІара акІвпІ. Ауи згІвыз Тобыль Толыс-тан йакІвпІ. (Йсурат дйырбитІ).

3. АгІвгІвы йыхъазла ажва.

– Тобыль Толыстан абаза кыт АлбыргІан дйытІ. (1879 асквш). Йапхъахауата абаза алфавит гІанйыр-шатІ, абаза литература дащатащІацІагІвпІ.

Асквш 1933 (абаза гІвыра анГІанша) йгІашІа-рышвта Тобыль Толыстан абаза культура атша-уацІнарыхра ауыс ахъа дгылтІ: апхъагаква йгІвитІ, ауагІа ршІалахІвараква азикІкІитІ, апъесаква, апоэма-ква, агІахІвахраква, ауысаква, анаука нхараква гІанйыршитІ. Ауат йрыуапІ «Абаза турыкква», апъе-саква «Зули», «Зарыльа», агІахІвахра «Джъалдуз», ауысаква.

Асквш 1979 агІан Къарча-Черкес автоном область ауагІахъаква Тобыль Толыстан дгІадрийызщтара йцІуаз асквшышв дыртлапІатІ.

4. АлокІ «КІатІащ» арыпхъагІв дгІапхьитІ.

5. Ажвар нхара.

Къала – апхъала абацкъа йгІалырхуанта гъагъа-та тыдз хвыцызшва йырчпунта йыцІабазун.

Гъата – абджъар, урышвла «меч».

Айныжв – урышвла «великан».

ДзыгІвбжъа – урышвла «остров».

6. АлокІ къазула асабиква гІапхьитІ.

7. АзцІгІарала ауи гІазквчважвауа шрылархІваз рхъвыхра.

– АлокІ гІазквчважвауа ачІвыйа?

– АхъацІа байа йпачваква гІвагвана йзыквылыз йашвхІаусыгІвайа?

– Ауахъ КІатІащ дзынйаз ачІвыйа?

– Ауи айныжкква дшпарангІал?

– Акъала апны йчпаз ачІвыйа?

– КІатІащ ахІ йыпхІчваква рбльатаккква згІайа-хвыз ачІвыйа?

IV. Тшпсцара дакъикъа.

Агъба джвыквылтІ «Чыхв! Чыхв! Чыхв!»

Агъба мгІвайситІ «Чыхв! Чыхв! Чыхв!»

АлгІва кІылчитІ,

Бжъы ахъыщитІ,

«ТІутІ, тІутІ! ТІутІ, тІутІ!»

V. АпхъарасахІат атема шІыц адынхалра нар-дзахра.

1. АлокІ хъвы-хъвыта йыршитІ, хъа артитІ.

– КІатІащ алокІ апны датшагъи баргвырата дзынйайа? Ауат йащтацауата швгІарыквчважва.

2. АлкІгІара апхъара.

Ауарби КІатІащи райчважвара гІарауитІта йгІап-хьитІ.

– Йшпажвбауа, КІатІащ абзираква згІайдахІвыз ачІвыйа?

– КІатІащ йащчваква йырчпаз бзирума?

VI. АпхъарасахІат атема шІыц рыбагъахра.

1. Акврыбагъахра апхъара.

- Швара афыркава рыцІа йшвгвапхада?
- Йшвымгвапхада? Ауат злашвымгвапхайа?

2. АласхІвара ддырдыритІ.

- ХъацІа дхъацІазтІ ансимшгъи,
ЙылазтІ хъацІари чхІари.

3. АлокІ агІаншараква йацтацауата йцаквдыр-
гылуамцара йгІархІвахитІ.

VII. ЦІхъважва.

- АлокІ гвыбзыгъарата йгІалшвкІгІайа?
- Ауи лахІварата йгІашвыланацІайа?
- Швынхара хвы аквшвцІа.

VIII. ПынхачІвы.

47 ан. АлокІ бзита йырзагІахІвахуа тшырбжъитІ,
ауи сурат азырчитІ.

20 апхъарасахІат

АпхъарасахІат атема: ХІыбызшва ашвындыкъва-
ра. *ПІаз Сергей.*

Акытчаква.

АпхъарасахІат амурадква: атемала апхъагІвчва
рдырра рыцІолара, ажва «Кытча» гІазхъшахъыцІыз
гІаргвныргІвра, ауи алкІгІарата йалу гІалдыркІгІара,
асабиква рцри бызшва абайара, акъару, агвыбзыгъара
рыладырхІвара; рабаза литература бзи йдырбара.

АпхъарасахІат адгалца: апхъага, акытчаква,
ахъвмарцакца, аласхІвара, рыбызшва тшауацІна-
рыхрала ацхърагІага тшарыщцаракца.

АпхъарасахІат аківшаца

I. АпхъарасахІат тшазадгалра.

(ЙагІвсыз апхъарасахІат апны йддырдырыз атшаз-
рыхІазырга хвыц гІархІвитІ).

II. ПынхачІвы рхъвыхра.

1. АлокІ «КІатІац» йазырчпаз асуратква арып-
хъагІв йырхъвыхитІ.

2. АлокІ йгІапхъитІ, ражваквала йгІархІвахитІ.

III. АпхъарасахІат атема шІыц адынхалра.

1. Айчважвара акІвыршара.

– Абызшва ауагІа йыркультура хъадапІ. Ауыла
агІвычІвгІвыс дызлу ауагІа драбадыритІ, дрыцбза-
зитІ, дгІакІвзыршауа абзазара далалитІ. АгІвычІв-
гІвыс йцри бызшвала дхъвыцитІ, дчважвитІ, дгІвитІ.
Абызшва бзи йбара, ауи ацкъара, абайара йдырра
атахъыпІ. «ХІыбызшва ашвындыкъвара» – хІва йзыр-
хІвауайа? Апхъала азаманыжвква рагІан ауагІа бзи-
рата, шІыцта йрыму зымгІва ашвындыкъвара (сун-
дук) йтан. Ауи зымгІва рацкІыс йтацІарта дууын,
цІапхатырта аман. РыцІа йызсакъра атахъыта бзи-
рата йрымаз ашвындыкъвара апны йтан.

ХІыбызшва абайара ашвындыкъвара йашІыр-
пшыпІ. Ауи ашІыцракца мшигІадза йгІахъхІтІитІ,
апшдзара, ацІолара хІахагІвазитІ. Ажва акъару
мчхъапІ, йдупІ, йцІарапІ.

УахъчІва ашІырпшыракца, акытчакца хІрып-
хъуштІ. Шцбыхва Лариса луыса шІчІваракІ сшвыз-
гІапхъуштІ.

Ашвындыкъвара турыхли локІли йырчвыпІ –
Йгъыквым адунай ауи йайхІата млыкв!

Йнахв зымгІва! Ауат уара йучІвыпІ.

ЙыквымшвтрагІатІ хІажва пшдзакца рпыкв!

2. АпхъарасахІат атема рахІвра.

3. АшІырпшыракца арыпхъагІв дгІапхитІ.

4. Асабикца гІапхъитІ, ауат йгІарныцІуа алдыр-
гитІ.

IV. Тшпсцара дакъыкъа.

Адзын гІайтІ, йгІадзан апша

АцІлакца артІлатІ зынла.

ЙпссгІитІ хъамкІыхла йгъагъасумца

Ма, лъарыбыгІвта йгІащІалтІ.

**V. АпхъарасахІат атема шІыц адынхалра нар-
дзахра.**

1. Айчвжвара «Кытча ззырхІвауа ачІвыйа?»

– Акытчақвагы шІалахІварапІ. Ауат ауагІа рбзара анГаджыквыл йацГаншатІ. Ауат уыззхъвыцта йгІаудыруаш азцІгІаракІ рылапІ. Апхъазаман ачкІвынчва зджъара йайззарыквын, – швгІай, кытча хІашврыс, – рхІвунта йалагун акытча асра. Араса йгІалагун: заджвы кытча хІашврыс анихІвара анахъанатгы – хІашврысдза – рхІвун. «ЗакІы найтІ» заджвы йхІварыквын анахъанат «гІвба найтІ, хпа найтІ» рхІвумца гІважвадза йпхъадзун. АгІважва квшвахуа йакІвын кытча рызтуаз.

– КытчақІ швыститІта йгІажвдыруазтын ари акытгы, ари акытгы, ани акытгы швыститІ, йгІажвымдыруазтын – ауат акытква ршара-бзарагы са йсфатІ, ртшбзиквагы срыквчІватІ, ркъышвтхІвышвткввагы швара йшвфатІ – йхІвунта йкытча райхІвуан. ЙгІаздырыз йакІвын ужвы кытча рызтуаз.

Ажва «кытча» гІважвақІла йалапІ: кыт – ча (чара). Ахъвмарцала йгІашвгвынгІвытІ «кытча» – хІва йзахъзу.

2. Апхъага йану акытчақва йгІарыпхытІ, йгІарныцІкввауа гІархІвитІ.

3. Ахъвмарца «Кытча хІаситІ» акІвдыршитІ. (Гвып-гвыпта йхъвмаритІ).

– Швара ашІалахІвара йауата датша жанрта йыжвдыруайа? Швапха гІажвг.

4. АласхІвара адынхалра.

– Ащымта, щымта, щажъдза,

Нана хъкІысылрыфтІ царда.

(Ласылас йырхІвауа тшырбжытІ)

VI. АпхъарасахІат атема шІыц рыбагыахра.

VII. ЦІхъважва.

1. АпхъарасахІат апны шІыцрата йыжвдырйа?

2. Ауат ашІыцраква швнашх шпарчпа?

3. Кытча ззырхІвауа ачІвыйа?

4. «ХІыбызшва ашвындыкъвара» ззырхІвауа ачІвыйа?

5. АпхъарасахІат апны йгІашвгвнымгІвыз кІара гІанхама?

6. АпхъарасахІат апны йшвгвапхама швара швшынхаз? Швапхъара хвы аквшвцІа.

VIII. ПынхачІвы.

51–54 ан. Ужвыгы зны йапхъахитІ, дара ршвапхагы гІархІвитІ.

21 апхъарасахІат

АпхъарасахІат атема: АгъынцІисква. *ЧквтІу Микаэль.*

АпхъарасахІат амурадквва: ауыса йахаргІвазара, ауысагІв йажва, йыбызшва гвы адритра, ауыса апхъаца щцалраква рыбагыахра, збарла йдырдырра адынхалра; агъынцІисква цхърагІарата йыртахъу гІадыргвалашвахра; абызшва, апхъара бзи йдырбара.

АпхъарасахІат адгалца: апхъага, ауысагІв йсурат, агъынцІисква зну сурат, кытча, ласхІвара, рчважвара тшауацІнарыхрала цхърагІага материал.

АпхъарасахІат акІвшца

I. АпхъарасахІат тшазадгалра.

Апхъарта хІазгІайтІ,

Адырраква хІрызгІайтІ

Багыата ауат хІкІитІ,

ХІапшхарныс закІы.

II. ПынхачІвы рхъвыхра.

1. АзцІгІараква джъауап рытра.

– Швпны швыздынхалыз ачІвыйа?

– «Абызшва ашвындыкъвара» ззырхІвауа шпагІашвгвынгІвуа?

– Кытча ззырхІвауа ачІвыйа?

– Швара швапхата йшврыхІазырыз гІашвхІва.

2. «Абызшва ашвындыкъвара» йгIапхьитI.

III. АпхъарасахIат атема шIыц адынхалра.

1. Суратла нхара.

– Асурат апны йгIарбу запш гIамтайа?

– Ауи алкIгIарата йамайа?

– Асабиква йырчпауа ачIвыйа? (АгъынцIисква дырчитI).

– Ауат абаквчауа? Йызчпада?

– ГъынцIиста йыжвдырквауайа? (Асураткв дйырбитI).

– Швара агъынцIисква швырцхърагIума? ЙшпакIву?

2. Атема рахIвара.

– УахъчIва хIадынхалуаштI ЧквтIу Микаэль йуыса «АгъынцIисква». (АрыпхъагIв ауысагIв йсурат дйырбитI)

3. АгIвгIвы йыхъазла ажва.

– АуысагIв асквш 1938 агIан ЙынджыгъчкIвын кыт дйытI. ЧквтIу Микаэль хIреспублика агIвгIвчва дрыуата йапхъахауата Москва йтагылу А.М. Горький йыхъыз зхъу а-Литература институт дгIалгатI. Й-50-хауа асквшкв рпны йгIвыракв агазет йгIаквшвауа йалагитI. Ауи йгIвыракв щардата йгIацIцIлун. ЙгIацIцIпхъадзагъи ауагIа ргвыла дбыжъгитI, рыбызшва цкъала дчважвитI. Ауи 30 азкIкIрата йымапI. АуагIа рпны йбергъльыпI ауи йазкIкIракв, йпоэмакв. ЙгIвыракв урышвла, хIреспублика ауагIахъакв рыбызшвала, абхаз бызшвала йгIацIцIтI. Асквш 2011 ЧквтIу Микаэль йгIвыракв разкIкIра 5 томкI йнадзауата СогIвым йгIацIцIтI.

«Къарча-Черкес Республика ауагIа руысагIв» хъзы гIайквнадыргатI.

4. Ауыса «АгъынцIисква» арыпхъагIв дгIапхьитI.

5. Асабиква гвыла йгIапхьитI.

6. АзцIгIаракв джъауап рыртитI.

– Ауыса гIазквчважвауа ачIвыйа?

– АгъынцIисква агъныла рыцхIагIата йзынйауайа?

– АуысагIв агъынцIисква дшпарзау?

– Ауи рыцIа бзи йбауа ачIвыйа?

IV. Тшпсцара дакъыкъа.

ГвымчIва дцитIта апахъ гIайпситI,

ГвымчIва дцитIта мшIы йхитI.

ГвымчIва дцитIта ахIамач тихIвитI,

ГвымчIва йъакIвызлакIгъи днадзитI.

V. АпхъарасахIат атема шIыц адынхалра нар-дзахра.

1. Ауыса быжъхътIыла йгIапхьитI.

– Ауыса шпагIву, абызшва баргвума, момкIва майрума?

2. АласхIвара ддырдыритI.

– ЦIис, цIис, гъынцIис!

ЦIура лшырдзакв амшвчIва

ЦIис, цIис, гъынцIис!

ЦIура лгвы тшнашвырдза!

3. Ахъвмарца – викторина «Ажва чIыда гIау».

ЛакIва, лакIваквайчIва, къырлыу, къанджъа, бжъандахIв, жвцIы. (Къанджъа гъынцIиспI, анахъанат ашIыпIа пхартала йпссгIахитI).

VI. АпхъарасахIат атема шIыц рыбагъахра.

1. Акврыбагъахра апхъара.

– Апхъаца тамамта йадынхалитI.

2. Ахъвмарца «Ажва ахъа уазыпшгIа».

... къвысча, ...ыкIва, ...ырлыу, ... дажъына, ... ча, ...хIва, ...ычва, ...цIы.

3. Ауыса збарла йддырдыритI.

VII. ЦIхъважва.

– Ауыса швгвапхама? Йызлашвгвапхайа?

– Ауи лакIварата йгIашвыланацIайа?

– ГъынцIисквакI рыхъыз гIашвшвыргвалашвах.

– Швынхаца хвы аквшвцIа.

VIII. ПынхачIвы.

62 ан. Ауыса збарла йддырдыритІ. ЦісквакІ рсурат рчпитІ.

22 апхьарасахІат

АпхьарасахІат атема: ЙГІаситІ, хьамкІыхла йГІаситІ. Агъны ахъазла хъвыцра. *Мыхц Къарим.*

АпхьарасахІат амурадквa: ауысаквa йрыхаргІвазара, ауысагІв агънымшквa шГІайырбауа рызгІалкІгІауа, йхъвыцра хъада ззынарху гІаргвныргІвра адынхалра; рчважвара, рдунайпшыща, рхъвыщца тшауацІнарыхра; рапхъаща щцалраквa рыбагъахра.

АпхьарасахІат адгалща: апхъага, агъны гІазырбауа асуратквa, акытчаквa, аласхІвараквa.

АпхьарасахІат акІвшаща

I. АпхьарасахІат тшазадгалра.

II. ПынхачІвы рхъвыхра.

1. ЙагІвсыз атема гІаддыргвалашвахитІ.

– Ауыса «АгъынцІисквa» зГІвыда?

– АуысагІв йГІайырбаз ачІвыйа?

– АгъынцІисквa агъныла рыцхІагІата йзынйауайа?

– АуысагІв ауат дшпагІарыквчважвауа? Дшпарзаъу?

2. Ауыса збарла йГІархІвитІ.

3. АгъынцІисквa суратта йырзырчпаз арыпхъагІв йырхъвыхитІ.

III. АпхьарасахІат атема шІыц адынхалра.

1. Къытча йаситІ.

– Архъа хъыза шкІвокІвала йхънагІватІ. (агъныла сы)

– Адзквa швкъацатІ, асрычвхІва нкъвнагитІ.

Амшквa айшысхатІ, ацІисквa гъхІвачвум.

ЙанбагІаншауа арат? (*агъныла*)

2. Суратла нхара.

(АрыпхъагІв йара йГІалихыз асуратла йынхитІ.)

3. Ауысаквa арыпхъагІв дгІарыпхъитІ.

4. Ажвар нхара.

айрыш – йхІваз дгъахъысуам, урышвлa «упрямый».

– Мыхц Къарим арат йыгІвуысакІ злапшыйа?

5. Ауыса «ЙГІаситІ, хьамкІыхла, йГІаситІ» гвыла асабиквa гІапхъитІ.

6. АзцІгІараквa джъауап рыртитІ.

– Ауыса апны йГІарбу амш шпаъу?

– АцІис чкІвын аквпшыра шпаъаз?

– Ауи айрышта ацІла йызхъачІвазйа?

IV. Тшпсцара дакъыкъа.

(Йддырдырхъаз тшпсцагакІ рхІвитІ).

V. АпхьарасахІат атема шІыц адынхалра нар-дзахра.

1. Ауыса быжъхътІыла (дауышла) йГІапхъитІ.

– АуысагІв ацІис хвыц аниба йхъа дзачвпхашхыз ачІвыйа?

– Ауи лахІварата йГІашвыланацІайа?

2. Ауыса «Агъны ахъазла хъвыцра» асабиквa ргвыла йапхъитІ.

– АуысагІв асы зшІйырпшуа ачІвыйа?

3. Ауыса къазула йГІапхъитІ.

– Йшпажвбауа, ауысагІв дызлачважвауа запш напа цкъайа?

– Ауи швнашх шпачпа?

4. АласхІвара ддырдыритІ.

– Гъычи мгъычи йаквырщитІ,

Гъныдгъа ахъта уадырщитІ.

5. Ауыса йатагІапхъахитІ.

– АуысагІв йхъвыцра хъада ззынарху ачІвыйа?

VI. АпхьарасахІат атема шІыц рыбагъахра.

1. Акврыбагъахра апхъара. (АгІвуысакІгъи йГІарыпхъахитІ).

2. Ахъвмарща «Йнардзах» йхъвмаритІ.
– Апша адунай ... ЙацІата сгъи ...
3. Псы зхъу зымгІва ... Амш анхъдзахуаш ...
ДгІашІасын йхъа ...
ХІара хІанхвыцыз хІнапа цкъа ...
УацІыхъван йгІайуаштІ амара ...
Ауаса хІнапа щтата ...
ХІпсы ъадзату йгъазрартхуашым ...
4. АуысакІ збарла йддырдыритІ.
5. (Тамамта, логика щтІыхраква гІалыркІгІумца йапхъитІ).

VII. ЦІхъважва.

- АпхъарасахІат апны шІыцрата йыжвдыруайа?
- Швара агъны бзи йыжвбума?
- Ауысаква швгвапхама? Йызлашвгвапхайа?
- Ауыса «Агъны ахъазла хъвыцра» швара кІара швазнархъвыцма?

Швынхаща хвы аквшвцІа.

VIII. ПынхачІвы.

63 – 64 ан. АуысакІ збарла йддырдыритІ. Ауысаква йрыквшвауа сураткІ рчпитІ.

23 апхъарасахІат

АпхъарасахІат атема: Агвыргъяхъв мшы. ГІамта пшдза. *ХІачвыкъва Аминат.*

АпхъарасахІат амурадква: ауысаква йрыхаргІвазара; Асквш шІыц анГІаталуа йшапылуа, йшнардасуа, апхъазаман ауи ауысла цІаста хІуагІа йрымаз рахІвра; рапхъаща агъьчІвра, рчважвара, рхъвыцща тшауацІнарыхра; апхъара, рыбызшва, апсабара бзи йдырбара.

АпхъарасахІат адгалща: апхъага, ажва баргвква зну карточка, ауысагІв лсурат, асабиква Асквш шІыц шнардасуа сурат, акытчаква, аласхІвараква.

АпхъарасахІат акІвшаца

I. АпхъарасахІат тшазадгалра.

АпхъарасахІат хІара
ШІыцра щарда хІазнарцитІ.
ЙхІылахІкІпІ хІа анцІрала
ХІцри бызшва ахъагІара!

II. ПынхачІвы рхъвыхра.

1. Швпны швызпхъаз ауысаква згІвыда?
– АуысагІв йуысаква рпны йгІайырбауа ачІвыйа?
– АуысагІв йгІвыща абызшва швшпалапшуа?
– Ауи магІны хъадата йгІаликІгІауайа?

2. Ауыса збарла йгІархІвитІ.

3. Асуратква йырчпаз арыпхъагІв йырхъвыхитІ.

III. АпхъарасахІат атема шІыц адынхалра.

1. Айчважвара акІвыршара
– СкъшыкІ апны зъара мзы тайа?
– Ауат рыхъызква абазала йшвзыхІвушма?
– Асквш злагІалагауайа? Йызлалгауа запш мзыйа?
– Асквш аналгауа йшпанагІдасуа?
– Ауи лкІгІарата йамайа?

Швара йхпахуз акласс шванапхъуз йыжвдыртІ Асквш шІыц анГІаталуа цІаста йынкъвыргуз. Ауат мацІкІ йгІахІхІыргвалашвахпІ.

– Заман щардакІ апхъала Асквш шІыц гІаталуата йанырпхъадзуз мартІ 22 – 24-дза акІвын. АчкІвынчва тшадыркІылуанта къвадама хахакІ нарахвуанта унагІвала йакІвшун. Асквш шІыцла йрайхІвахІвуан, Анчва ду йызхІвахІвуан. АунагІва йыгІвну зымгІва рыхъызква аларцІумца уарад рхІвун. ЗунагІва йцазгъи йгІарайгвыргъьун, фачІвы гІарыртуан – хъгІарамгІара. Акъвадамагъи йгІашІарцІун ахча, бльатакв датшагъи хвыцмыц щарда. АцІла хахагъи апахъ йладыргылуанта йакІвшвауа уарад рхІвун.

Асквш шІыц анГІаталра амцтахъ йыззхъарцІуз ащымта йапхъахауата йрызгІашылуаз агІвычІвГІвыс йаѳаща акІвын. Ауи дгІвычІвГІвыс бзизара, дуагІвыр-льызара атахъын. Ауатква йрызхъарцІун – асквш шабгу рунагІва насыпла йырчвыта, азгІвадара рыма-та йшбазуш йазхъарцІун.

– Швара швныхІвамш шпакІвшвыршауа?

2. Къытча йаситІ.

– ЙанакІвызлакІгъи абна апны йубуштІ,

ЙапшбыргпІ ауи апыжв.

ЙгІауылахитІ ушахъысуа.

Ауаса йынкъвнагитІ ауи

Агъныла пхны ѳахвтан. (*МзагІѳ*)

3. Атема рахІвра.

(АуысагІв лсурат дырбара).

4. АуысагІв лыхъазла ажва.

– ХІачвыкъва Аминат асквш 1953 агІан Дары-къвакт (Псыж) дйытІ. Псыж йыгІвбахауа аквтанай апхъарта данГІалга Черкесск арыпхъагІвчва ѳадрь-хІазыруа аучилища дгІалгатІ. Ауи амцтахъ Къар-ча-Черкес къралыгІва пединститут дгІалгатІ. АпычІв классква рарыпхъагІв ѳачІвагІа гІацІылгатІ. Сквш 44 цІуата Псыж йапхъахауа апхъарта (ужвы гимназия) дынхитІ. Ауыса гІвра апхъарта дшапхъар-кІвуз далагатІ. Йапхъахауа луыса ззыналырхаз бзидз-дза йылбуз ларыпхъагІв лакІвпІ. Ауи амцтахъ али-рика тшалттІ, асабиква рыхъазла уыса шардагъи лгІвытІ. Ауат агазет йгІаншвалтІ. Апхъартаква рпрог-рамма йалашватІ. Ауи акІвымкІвагъи ХІачвыкъва Аминат абаза саби журнал «Марамыз» дадынхалитІ, апхъагаква, ацхърагІагаква гІацІылщтитІ. Ан-къвакъвра «Россияла арыпхъагІв бзи» апны дайгІайтІ. «Почетный работник общего образования РФ», «Къарча-Черкес Республикала гІатгара зму арыпхъагІв» хъызква гІалквнадыргатІ.

5. Ауыса «Агвыргъбахъв мшы» арыпхъагІв дгІа-пхъитІ.

6. Ажвар нхара.

Сипша – асы йгІалху пхІвыспа. Урышвла «снегу-рочка».

7. Ауыса асабиква ргвыла йапхъитІ.

– АуысагІв Асквш шІыц дшпагІаквчважвауа?

– АмзагІвцІла ауысагІв йызшІлырпшуада?

– Асабиква йырчпауа ачІвыйа?

8. Ауыса быжъхътІыла къазу-къазу йгІапхъитІ.

– Йшпажвбауа, Асквш шІыц апны йхъаду ачІвы-йа?

IV. Тшпсцара дакъыкъа.

Таца чкІвыншва йаквырпсса,

ЙгылапІ амзагІвцІла хІагІа.

Акъвадамаква угІаркІитІ,

Угъзынадзум ахъыкв хІагІа.

V. АпхъарасахІат атема шІыц адынхалра нар-дзахра.

1. Ауыса «ГІамта пшдза» арыпхъагІв дгІапхъитІ.

2. Ауыса асабиква къазула йгІапхъитІ.

– Запш гІамтайа ауысагІв «ГІамта пшдза» – хІва дгІазквчважвауа?

– ЗымгІва гвыргъарала йнардасуа ачІвыйа?

3. АласхІвара адынхалра.

– ТІу – тІу – тІу! ТІу – тІу тІу!

ЙлашаразтІ хІыбна ду.

– ТІу – тІу – тІу! ТІу – тІу тІу!

Абна швгІайла гІамдара!

VI. АпхъарасахІат атема шІыц рыбагъахра.

1. Суратла нхара.

– Асурат апны йыжвбайа?

– Асабиква аныхІвамш йрызгІайда?

– Ауат йырчпауа ачІвыйа?

– Рнашкква шпаѳу?

– Йшпажвбауа, асабиква зызпшуа ачІвыйа?

2. Акврыбагъяхра апхъара.
(ауысаква йгIарыпхъахитI)
– Асабиква къахврата йтарцIауа гIашвхIва.
– Ауыса «ГIамта пшдза» апны агъны амчыра злагIарбайа?
- Швара асквш шIыц аныхIвамш швшпапылуа?
3. АуысакI збарла йдырдырра адынхалра.
– ГIвба-гIвба сатыр дауышла йацгIапхъитI, йампшуата йгIархIвахитI, ауасамца.

VII. ЦIхъважва.

- АпхъарасахIат апны шIыцрата йыжвдырйа?
– Ауысаква швгвапхама? Йызлашвгвапхайа?
– Ауат гIазквчважвауа швнашх шпарчпа?
– Швынхаща хвы аквшвцIа.

VIII. ПынхачIвы.

65 – 66 ан. АуысакI збарла йддырдыритI. Асквш шIыц аныхIвамш йдыргылуа амзагIв асурат рчпитI.

24 апхъарасахIат

АпхъарасахIат атема: Агъныла. *ЧвзыкIа ШахIымби.* Асы гIаситI. *Тлабыча Мира.* АсылгIва нагIвгIагIвитI. *ЛазIвычв Джъамльадин.*

АпхъарасахIат амурадква: ауысаква йрыхаргIва-зара; ауысаква тамамта апхъаща адынхалра, ауыса апны агъын суратква гIалдыркIгIара, рчважвара тшауацIнарыхра, апсабара апшдзара, абайара гIахчара йязыбжъара.

АпхъарасахIат адгалща: апхъага, ауысагIвчва рсуратква, ажва шIыцква зну карточка, рчважвара тшауацIнарыхрала цхърагIага материал.

АпхъарасахIат акIвшаща

I. АпхъарасахIат тшазадгалра.

(ЙагIвсыз асахIат апны йддырдырыз атшазадгалга гIархIвитI.)

II. ПынхачIвы рхъвыхра.

1. АзцIгIараква джъауап рыртитI.
– Швпны швызпхъаз ауысаква згIвыда?
– АуысагIв ауат рпны йгIалырбауа ачIвыйа?
– Асабиква йырчпаз ачIвыйа?
– Запш «гIамта пшдзайа» ауысагIв дгIазквчва-жвауа?
– ЗымгIвагы гвыргъарала йнардасуаз ачIвыйа?
2. АуысакI збарла йгIархIвитI.
3. Ауыса йазырчпаз асуратква арыпхъагIв дырпшитI.

III. АпхъарасахIат атема шIыц адынхалра.

1. Кытча йаситI.
– Агвабан шкIвокIва гIанаршвшван, Адунай зымгIва хънагIватI. (*Гъны*)
– Хъылпа шкIвокIва зхъу атыдзква Ахъта йацитI йгIадзан ... (*Агъны*)
2. Суратла нхара (апхъага йаныпI).
– Асурат апны йыжвбауайа?
– Асабиква йырчпауа ачIвыйа?
– Ауат злагIатагIвзуайа?
– АпхIвыспахвыц сырчIвачIвала йаквлырчIваз ачIвыйа? Ауи йадылгалквейа?
– Йшпажвбауа аджъаных йгIакIашваз асаби йнашх шпаъу? Ауи дчIвуума?
– Швара асурат хъзыта йахъшвцIарызйа?
- УахъчIва хIызпхъуш ауысаквагы уысагIвкI йхъа-зыкI йчIвымызтынгы йгIазквчважвауа, йгIадырбауа азакIыпI.
3. Атема рахIвра.
4. ЧвзыкIа ШахIымби йуыса «Агъныла» арыпхъагIв дгIапхъитI.

5. Ажвар нхара.

Пащыщ – бна швырпІ. Урышвла «Барсук».

Сипса – агъныла апша чвгъата йангІасуа агвара-гъыцІараква, апшахъынхІвыртаква рпны йакв-нахІвхІвауа асы.

Ажважв «Асипса ацІис хвыцгъи йшІнаргІвритІ» ззырхІвауа шпагІашвгвынгІвуа?

6. Ауыса асабиква къазула йгІапхъитІ.

– АуысагІв дгІазквчважвауа ачІвыйа?

– «Уарад зхІвалуз адзыгІв дзыргІвитІ» ззырхІва-уа шпагІашвгвынгІвуа?

– Ауыса апны агъны агІаталра шпагІарбу?

7. АлкІгІара апхъара.

– Ауыса апны гъны суратта йгІарбакву йащтаца-уата йгІарыпхъитІ.

8. Ажвала хъвмарща.

– Агъны йазынарху ажваква гІащаквдыргылхитІ.

Гъ.ы, ср.чвхІва, си.са, джъа.ах, та.зыга, тлары.а, дзашв.ар, с.ха.

IV. Тшпещара дакъикъа.

ГъажъльантІутІ, гъажъльантІутІ,

УхъакІвырблыгъауа угъажъитІ.

ГъажъльантІутІ, гъажъльантІутІ,

Угъажъуамцара угІапситІ.

УыквчІва акды чкІвын,

МачІкІгъи тшпеща

ТшаумыркІын бага хІайльакІ.

V. АпхъарасахІат атема шІыц адынхалра нар-дзахра.

1. Тлабыча Мира луыса «Асы гІаситІ» адынхалра. (АуысагІв лсурат дйырбитІ)

2. АуысагІв лыхъазла ажва.

– Тлабыча Мира асквш 1942 Хъвыжвду кыт дйытІ. Ауи А.М. Горький йыхъыз зхъу а-Литература инсти-тут дгІалгатІ, хІреспублика гІвырагІацІщтырта апны редакторта дынхатІ. РФ агІвгІвчва р-АдкІылары да-

лан. Ауи сквшгІвынгІважва йайхІата алитература даланхатІ. «Азпшра» – араса йахъызпІ йапхъахауа лазкІкІра. Ауи азаман ауацІала азкІкІра щарда гІа-цІылттІ. – «АпсыхІва шкІвокІвакв», «ЙырзысшапІ сгвы», «Къырмамыш азысчпитІ амамыр» ауасамца. ЙцІыхъвахауа асквшкв руацІа ауи йгІацІылттІ ауысакви апоэмакви разкІкІраква: «Акаца шкІвокІва апсыхІва чІыхв апны», «Йнашхыйу, йлашару сду-най», «Ашахв сазпшуата».

Асквш 2012 агІан гІвтомкІла йалата лгІвыраква разкІкІра гІацІцІтІ.

3. Ауыса «Асы гІаситІ» арыпхъагІв дгІапхъитІ.

4. Ажвар нхара.

Йчвыркъа чвырситІ – чвгъата йалалкІкІгІитІ.

5. Ауыса асабиква къазула йгІапхъитІ.

– АуысагІв агъны щымтахъа шпагІалырба?

– Асабиква йщтІыху рнашх, ргвыргъара злагІа-лырбаз запш гІамальйа?

6. Тамамта апхъаща адынхалра.

– Асабиква агъны бзи йзырбауа ачІвыйа?

VI. Тшпещара дакъикъа.

(РъапІкътлапІкъква – рхъа, рдамаква, рыхъвда агъиква – тшдрыпщара)

VII. Ауыса «АсылгІва нагІвгІагІвитІ» йахаргІва-зара. АуысагІв йыхъазла ажва.

ЛагІвычв Джъамльадин асквш 1932 агІан Къвби-на кыт дйытІ. Ауи дуысагІвпІ йгъи дпрозагІвгІвпІ. Абашта айсра Ду амщтахъ алитература йгІалалыз абанпара дауапІ. Черкесск йтагылу арыпхъагІвчва ъадрыхІазыруа аучилища дгІалгатІ. Йцри кыт апны арыпхъагІвта дынхатІ. Ауи амщтахъ агазет «Комму-низм алашара» (ужвы – «Абазашта») дынхатІ. Санкт-Петербург апны апхъарта дыцІалитІта журна-лист ъачІвагІа гІацІигитІ. Москва а-Литература инс-титут йхІаракІу алитература курсква дгІарылгитІ. Йжурналист нхара джвыквцилахитІ, уадыргІвана

хI-Республика агIвгIвчва р-АдкIылара апны литература кьангъашыгIвта (советник) далагитIта дынхитI. АуысагIв йгIацIцтраква 25 йнадзитI, ауат йрыуата 7 урышв бызшвала йгIацIцIтI. АуысагIв йтынха пшдзапI. Ауди йажваквала йгIандыршатI ауарадква. АуысагIв асквш 1955 агIан йгIайквнадыргатI ачIахI хъыз «Къарча-Черкес республика ауагIа рыгIвгIвы».

1. ЛагIвычв Джьамльадин йуыса «АсылгIва нагIв-гIагIвитI» арыпхьагIв дгIапхьитI.

2. Ажвар нхара.

Джъын – урышвла «Джин, дух».

– Швра швапшыма Алладин йымза йтачIваз аджъын дъалаз акино?

– Ауди амза къарута, лшарата йамазйа?

3. Ауыса асабиква къазула йгIапхьитI.

– Тлабыча Мира дгIазквчважвауа ащымтахъи Джьамльадин йуыса апны йгIарбу ащымтахъи ашIшвырпшы. Ауат злапшымйа? АдзыгIв йъагIаквчважвауагъи агIуысакI рпны йашIшвырпшы.

4. Тамамта, гвацпата апхъаща адынхалра.

VIII. АпхъарасахIат атема шIыц рыбагъяхра.

1. Акврыбагъяхра апхъара.

2. Анкъвакъвралла йгIапхьитI.

– Запхъаща рыцIа йшвгвапхада?

IX. Цхъважва.

– Ауысаква рыцIа йшвгвапхайа?

– Ауат швнашх гIацтIырхма, момкIва швылахъ аквырцIама?

– Ажва шIыцта йыжвдырйа?

– Швынхара хвы аквшвцIа.

X. ПынхачIвы.

68 – 71 ан. Ауыса «Агъныла» збарла йддырдыритI.

25 апхъарасахIат

АпхъарасахIат атема: Абна швырквы Асквш шIыци. *Апса ФатIумат.*

АпхъарасахIат амурадква: алокI йахаргIвазара; ауди апны йхъаду ахъвыцра гIалдыркIгIара, ауди ззынарху гIащаквыргылра; бзита йзапхъауа, йырза-гIахIвахуа йбжъара; рыбызшва, рхъвыцраква тшауацIнарыхра, рыбызшва бзи йдырбара.

АпхъарасахIат адгалща: апхъага, ажва шIыцква зну карточка, ахъатаршыгаква, рчважвара тшауацIнарыхрала цхърагIага материал.

АпхъарасахIат акIвшаща

I. АпхъарасахIат тшазадгалра.

II. ПынхачIвы рхъвыхра.

АзцIгIараква джъауап рытра.

– ЙагIвсыз апхъарасахIат апны швызпхъаз ауысаква згIвыда?

– Ауыса «Агъны» апны агъны амчыра злагIарбайа?

– Швара Асквш шIыц аныхIвамш швшпапылуа? АуысагIв йгIайырбаз агъын суратква йацтацауата йгIашвхIва.

Ауыса збарла йгIархIвитI.

Асуратква йырчпаз арыпхъагIв йырхъвыхитI.

III. АпхъарасахIат атема шIыц адынхалра.

1. Айчважвара акIвыршара.

– Бна швырта йыжвдырквауайа?

– Ауат алкIгIарата йрымудыргIарыквчважва.

2. АрыпхъагIв «Адунай аджъащакъвараква» – хIва айчважвара акIвыршитI.

– ЙджъащакъвапI абна швырква рдунайыквща. ЙгIахIахвпI амшв (бурый медведь). Ауди Европагъи

Азиягы рыбнаква уашлашвуштI. Амшв дупI, аура хметракI йнадзитI. Йафуа ачIвыйа? Швыр, раса, ахIапшхвыпшква. Щардата пслачва гIанакIитIта йа-фитI. Апхынла й'акивызлакIгы й'атынчру здж'ара йцтIалитIта йычвитI, аг'ныла – агIвара апны. СквшыкI апны зны ахIа чыр гыгIалнадум. Хпа айхIа-гы гыгIанариуам.

Аквыджьма швабыжта йгвыбзыг'у швырпI. Ауи йх'тIыру ашыпIаква рпны йшварацныс бзи йабитI. Ласыта йгы пщдзата йыгIвитI. ЙпсыхынцIкI'ара гIвза заджвыкIпI йаму. Ауи агIвара йшузгIамауаш апшта чвг'ата йк'аначIвахитI.

СквшыкI апны 5-6 чыр гIалнадитI. Зынзамы-задзакI жвачыркI ангIалнадауа гIаншитI.

Амимун «Горилла» – хIва йызпх'ауа цIх'ва змам мимунпI. Ауи зымгIва рацкIыс агIвычIвгIвыс йапшпI. Аквпшыра угIанарыхIазтIхIва, швабыжта йгвакIвапI. Ауат тгIачва-тгIачва йбзазитI. АтгIачва 30 йаннадзауа а'апI. Ах'вы дупI, йара кI'ыл 300 йнадзитI. СквшыкI апны чыркI ахIа гыгIалнадум.

Аж'а ацIыртышри абага ахIайльари швара бзита йыжвдыритI.

3. АлокI арыпх'агIв дгIапх'итI.

4. Ажвар нхара.

К'альтама – ашыла йгIалху, шшала йрыдзу аба-за рызк'ыпI. Урышвла «круглая лепешка».

5. АлокI асабиква к'азула йгIапх'итI.

6. АлокI гIазквчважвауа шрылархIваз рх'выхра.

– Ашвырква Асквш шIыц тшшпаздрыхIазыр?

– Ауат рнашк'ва шпа'аз?

– Абага агвы злабзийыз ачIвыйа?

– Аквыджьма зызх'выцуаз ачIвыйа?

– АлокI йалу амшв лкIгIара дж'ащах'ватата йа-майа?

– Ашвырква зымгIва зрайгвада?

IV. Тшпсцара дак'ык'а.

ЙдзыргIвуамца, йдзыргIвуамца

Аж'а лымхIаква чIвырхатI.

Йшвауамца, йшвауамца

Бж'ыкI гыгIах'нацтхуам ачIвырх'а.

ЙкI'азызитI аж'а агвы,

Йапшта ацIла хвыц абг'ыы.

V. Апх'арасахIат атема шIыц адынхалра нар-дзахра.

1. АлокI афырк'ва ртурасы йтагылата йгIапх'итI.

– Ашвыр хвыцк'ва згIархIаз ачIвыйа?

– Ауат сасыта йрызгIайда?

2. АлокI х'вы-х'выта йыршитIта йгIапх'итI.

– Х'випх'адза йх'аду ах'выцра гIалшвкIгIа.

3. Ажважк'ва рыдынхалра.

– Уара убагацIых'вазтын, сара сбагапI.

– Абага ачва аг'апI.

– Арат ажважк'ва йгIарныцIуа шпагIашвгвынгIв-уа?

4. Ах'вмарца «Ашвырк'ва гIадыр».

– Ч'ва гIважыг'ра, наквпа-гIаквпа. (*Тен*)

– Шваргвыда, ланаза. (*Аж'а*)

ЦIых'вабаба, х'амабзи. (*Бага*)

КI'агва гIвабдж'а, пыц цIара. (*К'выджьма*)

– Баба-шIаба, щапI х'вах'ва. (*Мшвы*)

– Мыг' баба г'ажьльантIутI. (*Пыжвбана*)

VI. Апх'арасахIат атема шIыц рыбаг'ьяхра.

1. Рч'ажвара тшауацIнарыхрала тшарыщцара.

Пыжв баба, пыжв баба,

Мыг' баба г'ажьльантIутI!

Пыжв баба, пыжв баба,

Пыжв баба пынцIатIутI!

2. Акврыбаг'ьяхра апх'ара.

– Асквш шIыц ангIатал ашвырк'ва рнашк'ва шпаца?

– АлокI лахIварата йгIашвыланацIайа?

– Йшпажвбауа, аквыджьми ажьи алокI апны разазъаща, апсабара апны абзазаща йаквыргIапсума?

3. АлокI атекст йазаргванта йгIархIвахитI.

VII. ЦIхъважва.

– АпхъарасахIат апны шIыцрата йыжвдырйа?

– Гвыбзыгъарата йгIалшвкIгIайа?

– Швынхара хвы аквшвцIа.

VIII. ПынхачIвы.

АлокI бзита йзапхъауа, йырзыгIахIвахуа тшырб-жытI.

26 апхъарасахIат

АпхъарасахIат атема: ДгIахIылцIырмищтI хIы-хъыз дута йзыргуш? «Аджьынква йадрьпхъаз» агIа-хIвахра йгIалхпI. КIъачв Адыльгъари йгIвыра Къвап-сыргъан Валентина йаталкIтI.

АпхъарасахIат амурадквa: агIахIвахра йахаргIва-зара; гIахIвахра ззырхIвауа гIаргвныргIвра; агIвыра апны агIвгIвы дгIазквчважвауа апсахраква гIалдыркI-гIара; рчважвара тшауацIнарыхра, р-Псадгъыл бзи йдырбара.

АпхъарасахIат адгалща: апхъага, аласхIвараква, рчважвара тшауацIнарыхрала ацхърагIага тшарыщ-цараква.

АпхъарасахIат акIвшаша

I. АпхъарасахIат тшазадгалра.

XIапхъарасахIатквa джъащахъвата йакIвшитI.

ЗымгIва хIазгIашыкъта адырраква хIрызпшитI.

II. ПынхачIвы рхъвыхра.

1. АзцIгIараква джъауап рытра.

– Апса ФатIимат ллокI гIазквчважвауа ачIвыйа?

– Абна швырквa зпшуаз ачIвыйа?

– Ауат Асквш шIыц тшшпаздрьхIазыр?

– Ауат зшваз швхIаусыгIвата йамазйа?

– Ашвырквa рысквш шIыц шпакIвша?

2. АлокI афырквa ртурасыла йгIапхъитI.

III. АпхъарасахIат атема шIыц адынхалра.

1. Айчважвара акIвыршара.

– Псадгъыл ззырхIвауа ачIвызйа?

– Швара шв-Псадгъыл ахъыз ачIвыйа?

– Ауи абайара, апшдзара швгIаквчважва.

2. Суратла нхара (апхъага йаныпI).

– Асурат апны йыжвбауайа?

– АсуратчпагIв ауатла йгIайырбауа ачIвыйа?

– Асурат йгIарбу ашIыпIа зрыпшдзауа ачIвыйа?

– АсуратчпагIв швыгата йгIайрысабапйа й-Псад-гъыл апшдзара гIайырбара ахъазла?

3. Атема шIыц рахIвра.

4. АгIвыра арыпхъагIв дгIапхъитI.

– Ари агIвыра КIъачв Адыльгъари йгIвырапI. Ауа-са тшыткI акIвпI йгIалкIгIу.

ГIахIвахра турасыпI йызту.

ГIаншаракI айшыста йангIаквчважвауа гIахIвах-ра – хIва йапхъитI.

– Ари агIахIвахра гIазквчважвауа ачIвыйа?

– АгIвгIвы акыт дангIайх псахрата дзынйайа?

– Ауат апсахраква йыршвхIаусыгIвахаз ачIвыйа?

5. АгIахIвахра къазула асабиква гIапхъитI.

– АгIвгIвы йуагIахъа йырзитахъу ачIвыйа?

IV. Тшпсцара дакъыкъа.

Зны, гIван, хын!

ТшызджвджвитI сара-сара.

Зны, гIван, хын!

ТшызджвджвитI сабынла сара.

Ауаса сылаквa хъызгIвитI,

Асабындз тIакIвдзакI сачвшитI.

V. АпхъарасахIат атема шIыц адынхалра нар-дзахра.

1. АласхІвара ддырдыритІ.
Хвымбыр, хвымбыр, хвымбырцІакІа!
ЙынкъвугитІ ахІатла кІакІа!
Бзи йубитІ уа анхара,
Хъара уачгылитІ агІщара!

2. Тамамта бжъауцтла ужвыгыи зны агІахІвахра
йгІапхъахитІ.

– АгІвгІвы йгвы йтаз йнардзата йгІайдахІвма?

3. Ахъвмарща «ЙалапІатІаз ажва».

– ЙалапІатІаз ажва гІацаквдыргылхитІ.

а) КІЖЫКІЖЫ (кІыжкІыж)

– Ауи музыка ъамапсымапІ, урышвла «зурна»
рхІвитІ. ЙгвыншвкІыл.

б) ПАСДЫГЪЛ (Псадгыл)

VI. АпхъарасахІат атема шІыц рыбагъахра.

Акврыбагъахра апхъара.

Йызпхъаз ражваквала йгІадырхІвахра.

VII. ЦІхъважва.

– АпхъарасахІат ззырхІвауа ачІвыйа?

– ГІахІвахра ззырхІвауа ачІвыйа?

– Швынхаща хвы аквшвцІа.

VIII. ПынхачІвы.

73 ан. АгІахІвахра бзита йзапхъауа, йырзагІахІва-
хуа тшырбжъитІ.

«С-Псадгыл» – хІва хъа амата алацІара хвыцкІ
дрыхІазыритІ.

27 апхъарасахІат

АпхъарасахІат атема: ХІабазапІ хІара. *ТІыгв
Владимир.*

АпхъарасахІат амурадква: агІвыра йахаргІваза-
ра; хІабаза уагІахъа сквшышвкІ рапхъала, рбза-
арта, ртуры ащата рахІвра; ауат р-Псадгыл бзиба-
рата йазрымаз, рхъа, рыбызшва шгІархчаз йахар-

гІвазара; рчважвара, ракъыль тшауацІнарыхра; ры-
бызшва, руагІа бзи йдырбара.

АпхъарасахІат адгалща: апхъага, география кар-
та, Къарча-Черкес акарта, рчважвара тшауацІна-
рыхрала цхърагІага, ажва шІыцква зну карточка.

АпхъарасахІат акІвшаца

I. АпхъарасахІат тшазадгалра.

(ЙагІвсыз асахІат йддырдырыз атшазадгалга
рхІвитІ)

II. ПынхачІвы рхъвыхра.

1. ГІахІвахра ззырхІвауа ачІвыйа?

2. КІаачв Адыльгъари йгІахІвахра гІазквчважва-
уа ачІвыйа?

3. АгІвгІвы акыт дангІайх псахрата дзынйайа?

4. Ауат апсахраква йыршвхІаусыгІваз ачІвыйа?

5. АгІвгІвы йуагІахъа йырзитахъыз ачІвыйа?

– АгІахІвахра йгІапхъитІ, йгІархІвахитІ.

III. АпхъарасахІат атема шІыц адынхалра.

1. Акартала нхара.

– Къарча-Черкес акарта апны хІышта гІарауитІ.
ХІреспублика ахъыз рхІвитІ. Ауи апны йызланакІуа
арайон ахъыз гІархІвитІ. Рбззарта ззаргвану дзыгІв
аъазтын ахъызква гІархІвитІ. Акарта дула йгІарауитІ
Атенгъыз квайчІва, Краснодар край. Апхъала атен-
гъыз «мшын» – хІва йапхъун. Абаза кытква рыхъыз-
ква рхІвитІ, Къарча-Черкес акарта апны йгІадыр-
битІ.

2. Айчважвара.

– Абазаква ъабзазауа, абазаква рытшгІва Абза-
шта – хІва йапхъитІ. ХІара хІтурых байапІ. Апхъала
зны цардагІвдза хІнадзун. Ауаса айсраква хІамхъа-
цІырпсатІ. Сквш 600-700 рапхъала ужвы хІъабзазауа-
ла хІгІайхтІ.

3. Атема рахІвра.

4. АгІвыра арыпхъагІв дгІапхъитІ.

5. Ажвар нхара.

УрышвихъымгІва – КІавкІаз апны рыцІа йдуу бхъвыпІ, «Эльбрус» – хІва йапхъитІ.

Сайра – йдрыбагъбатІ.

Лагъы – шІыпІа нархартапІ, урышвла «север».

Къабля – шІыпІа нархартапІ, урышвла «юг».

Квырджы – уагІахъапІ, урышвла «грузин».

Аурымква – уагІахъапІ, урышвла «греки».

ЩацІа – мца гІанзыршауа хІахъвыпІ.

(АгІвхІахъвкІ ахъырхІвитІ)

ПчарыхІ – урышвла «меткий».

6. Ажваква рхІваща ужвыгы зны йадынхалитІ, ауат атетрадь йанырцІитІ.

IV. Тшпсцара дакъикъа.

Чвгъата йшуарапІ,

ЙхитІ аджв-маджв.

ЙазцалитІта ачва хІаджв,

ТшнарджвджвитІ –

ТшгІарджвджвитІ,

ЙрыжвитІ дзтІакІв,

ЙхъыхитІ йгІамискІва ажвгІвакв.

V. АпхъарасахІат атема шІыц адынхалра нар-дзахра.

1. АгІвыра асабиква къазула йгІапхъитІ.

2. Ауи гІазквчважвауа шрылархІваз азцІгІара-ламца йщаквыргылра.

– Абазашта ззырхІвауа ачІвыйа?

– Апхъала абазаква абабзауз?

– Ауаъа уагІахъата абазаква йраргванызда?

– Ауат ауагІахъаква рызджъакІ ргвы йтаз ачІвы-йа?

– ХІуагІахъа рыцІагІата йызхъысквайа?

3. АгІвыра хъвы-хъвыта йшара, план азыргылра.

4. Апланла йгІапхъитІ.

– Абазакви апсыуакви апхъала йшпарыпхъуз?

– Абазаква ужвы хІъабзазауа йанбагІайх? Ауат шпабзазауа?

– «ХІкъралыгІва апхъапхъадза йгІаншаз къралыгІвапІ» хІхІва ауашма?

VI. АпхъарасахІат атема шІыц рыбагъахра.

1. Апхъала абазаква йынкъвыргуз ачгІвычаква йрыхаргІвазара.

– Ауат гІазлыху, йшчпу рахІвра, ауат зну сурат дырбара.

2. АласхІвара ддырдыритІ.

– ХІышта йгъагхум сквшыкІгъи жвцІы,

ЙхІызгІайхтІ уыжвгъи жвацы.

3. Акврыбагъахра апхъара.

4. Йызпхъаз ражваквала йгІархІвахитІ.

VII. ЦІхъважва.

– ШІыцрата йыжвдырйа?

– Швара шв-Псадгъыли швуагІахъакви швхъа рыладухума?

– Швынхаща хвы аквшвцІа.

VIII. ПынхачІвы.

75 ан. АгІвыра бзита йзапхъауа, йырзыгІахІвауа тшырбжъитІ.

28 апхъарасахІат

АпхъарасахІат атема: С-Дарыкъвакт. *ХІачвыкъва Аминат. Йынджъыгъ псыхІва. Тлабыча Мира.* АлбыргІан. *Цекъва Пасарби. СчІвылахъв ъану. Джъгван Къали.*

АпхъарасахІат амурадква: ауысаква йрыхаргІва-зара; ауысаква рыбызшва абайара, ауысагІвчва рцри кытква бзибарата йазрыму шгІарбу гІалдыркІгІара; бзита, быжъхътІыла пшдзата йзапхъауа йбжъара, рчважвара тшауацІнарыхра; рцри бызшва бзи йдыр-бара.

АпхъарасахІат адгалща: апхъага, ажва баргвква зну карточка, ауысагІвчва Цекъва Пасарбии Джъгвантан Къалии рсуратква, аласхІвараква, амакъымква зну диск.

АпхъарасахІат акІвшаца

I. АпхъарасахІат тшазадгалра.

ХІапхъарасахІат апны

ДыгъхІтахъым хІа нымхахъа.

ДгъхІылам хІа маджъан, мдзыргІвы

Дырра згвалам апхъагІвы.

II. ПынхачІвы рхъвыхра.

1. АзцІгІараква джъауап рытра.

– КІъачв Адылыгъари йгІвыра гІазквчважвауа ачІвыйа?

– Абазашта ззырхІвауа ачІвыйа?

– Апхъала абазаква абабзауз?

– ХІуагІахъа рыцхІагІарата йзынйайа?

– Абазакви апсыуакви апхъала йшпарыпхъуз?

– Абазаква ужвы хІбзартала йанбагІайх?

– «ХІкъралыгІва апхъапхъадза йгІаншаз къралыгІвапІ» хІхІва ауашма?

2. АгІвыра йгІапхъитІ, ражваквала йгІархІвахитІ.

III. АпхъарасахІат атема шІыц адынхалра.

1. Айчважвара акІвыршара.

– ЙгІашвшвыргвалашвах Псадгъыл ззырхІвауа.

– Шв-Псадгъыл ду ахъыз ачІвыйа?

– ШвъагІатадрийыз ашта ахъыз ачІвыйа?

– Ауи апшдзара, абайара швгІаквчважва. УахъчІва хІыздынхалуаш ауысаквагъи гІазквчважвауа ауысагІвчва ркытква бзибарата йрызрыму акІвпІ.

2. Ауыса «С-Дарыкъвакт» арыпхъагІв дгІапхъитІ.

3. Ажвар нхара.

Баракъат – байара, бзира щарда, урышвла «изобилие».

Пагъа – урышвла «гордый, высокомерный».

ШатІу – хвы аквцІара, урышвла «уважение, авторитет».

4. Ауыса асабиква гІапхъитІ.

5. Ауи йгІаныцІуа, йгІазквчважвауа шрылархІваз рхъвыхра.

– АуысагІв лкыт абайара шпагІалырбауа?

– Ауи лышта бзибарата йазлыму запш ажвайа йгІахъызтІуа?

IV. Тшпсцара дакъикъа.

Зны, гІван, хын, пщын!

ЙджвыквылтІ ажъа гІамдара.

Зны, гІван, хын, пщын!

ЙыгІвитІ ажъа йгІвапауа.

Зны йгІашІаспІ йсакъдзауа

АлымхІа кІвакІвала йдзыргІвуа.

Квыджъма бжъума йгІагауа?

«Хвырчв!» – хІва тшыцІанарышвтІ кыбкІ.

V. АпхъарасахІат атема шІыц адынхалра нар-дзахра.

1. АлкІгІара апхъара.

– АуысагІв лкыт ауагІа швабыжта гъадаби намыси шрыму йалкІгІата дъагІаквчважвауа асатырква йгІарыпхъитІ.

2. Тлабыча Мира луыса арыпхъагІв дгІапхъитІ.

– АгІвуысагІвчва руысаква злапшыйа?

– Тлабыча Мира Йынджъыгъ психІва апшдзара шпагІалырбауа?

3. Ауыса асабиква къазула йгІапхъитІ.

– АуысагІв л-Псадгъыл ахъазла ажва гвыбзыгъарата йылхІвауайа? Ауи дшпапхъауа?

4. АлкІгІара апхъара.

– ЙцІыхъвадзахауа апшцатыркІ ужвыгъи зны швгІапхъа, ауат ажваквала йгІарныцІуа агвыбзыгъараква шврызхъвыц.

5. АласхІвара ддырдыритІ.

– Джъамботи Джъыби джъмакI рхвгIатI.
Джъамботи Джъыби аджъма рхъатI.
Ахш Джъамбот йгъизымхъатI,
Джъыба хшыдъа дгIанхатI.

VI. Тшпсцара дакъикъа.

**VII. АпхъарасахIат атема шIыц адынхалра нар-
дзахра.**

1. Цекъва Пасарби йуыса йахаргIвазара.

а) Атема рахIвра, ауысагIв йсурат дырбара.

б) АуысагIв йыхъазла ажва.

Цекъва Пасарби асквш 1922 агIан Йынджыгъ-
чкIвын кыт дйытI. Ауи абаза литература апны йала-
цIара дупI. Сквш 40 йнаднацалуата алитература да-
ланхатI. Пасарби йуысаква, йпоэмаква, йгIахIвахра-
ква, йхабаргIвыраква, йроманква гIальаматра рызры-
мата ауагIа апхытI. Ауи дуысагIвын, дпрозагIв-
гIвын, дмакъымгIаныршагIвын, дашвахIвагIвын.

РыцIа абгата йылшара ъагIайрысабапыз ауарад-
ква ргIаныршара апны акIвпI. Ауи йуарадква райхIа-
ра ззынарху, йгIадырбауа йуагIа, й-Псадгъыл
ракIвпI.

Пасарби йгIвытI абаза кытква бзибарата йрызйы-
му ъагIайырбауа ауарадква: «ТIапIанта», «Йгъанчв-
гIум са сгвы». УахъчIва хIызпхъуш ауыса «Албыр-
гIангы» уарадпI.

2. Ауыса арыпхъагIв дгIапхытI.

3. Ажвар нхара акIвыршара.

Хъвыжь – акъабльала йгIасуа пшапI.

Бабыгв – дзыгIв хъзыпI, Бибаркт (АлбыргIан)
йалситI.

БатагIа – йцIолам кIварпI.

Балигъра – урышвла «совершеннолетие».

4. Ауыса асабиква къазула йгIапхытI.

– АуысагIв йцри кыт бзибарата йазйыму ауыса
апны йшпагIайырбауа?

– «Уа упшдзара шIырпшыра гъазсауам» ззихIва-
уа шпагIашвгIвынгIвуа?

5. Ауыса амакъым дискала йаздзыргIвитI.

6. Джъгватан Къали йуыса йахаргIвазара.
(Йсурат дырбара).

7. АуысагIв йыхъазла ажва.

Джъгватан Къали асквш 1927 Къвбина кыт дйытI.
Асквш 1946 Черкесск арыпхъагIвчва ъадрыхIазыруаз
аучилища дыцIалтI. Ауи амщтахъ акыт арыпхъагIвта
дынхатI, абаза газета журналистта дынхатI. Ауи
Москва йхIаракIу алитература курсква дгIарылгатI.
Йапхъахауа йуыса «Ахъыз дудздза» асквш 1949 ага-
зет йгIаквшватI. Абаза литература апны йапхъахауа-
та зхъатачIв азкIкIра гIацIцIыз Джъгватан Къали
йакIвпI. Ауи йахъызпI «Уара суызпшитI с-Псадгъыл».
Ауи амщтахъ йгIацIцIтI ауысаква: «Гъын паса»,
«Муртат», «Ламбагвыр», «Хъапщ джъуар» ауасамца-
ра. АуагIа рпны йбергъльыпI йуарадквагъи: «Абаза
пхIвыспаква рашва», «Светлана», «Амыз, амыз».

Джъгватан Къали йуысара гIвыраква урышвла-
гъи йгIацIцIтI.

8. Ауыса «СчIвылахъв ъану» арыпхъагIв дгIап-
хытI.

– Ари ауысагъи гIазквчважвауа зшIырпшыа?

– АуысагIв йаба йытшгIва апхара лахIварата
йгIайыланацIауайа?

9. Ауыса къазула асабиква гIапхытI.

– АуысагIв йкыт бзибарата йазйыму шгIайырбауа
гIалшвкIгIата швгIапхъа.

– «СчIвылахъв тшыт гIасызтуаш Къвбина»
ззихIвауа ачIвыйа?

– Ауарадква дискала йрыздыргIвитI.

VIII. АпхъарасахIат атема шIыц рыбагъяхра.

Акврыбагъяхра апхъара.

– Ауысаква зымгIва ужвыгъи зны къазула йгIап-
хъахитI.

IX. ЦIхъважва.

– Швызпхъаз ауысаква гIазквчважвауа ачIвыйа?

– Ауысаква рпны арифмаквa уыста йдырхъйа-уайа?

– Ауат ауысаква лахIварата йгIашвыларцIауайа? Швынхаща хвы аквшвцIа.

Х. ПынхачIвы.

79 – 83 ан. Уысата йыргвапхаз азакIы збарла йддыр-дыритI. «Сара скыт» – хIва ахъызта сурат рчитI.

29 апхъарасахIат

АпхъарасахIат атема: ХIыбызшва ашвындыкъва-ра. Сыбызшва. *Щбзыхва Лариса.*

АпхъарасахIат амурадквa: ауысаква йрыхаргIва-зара; ауысагIв лыршIыйара йахаргIвазара, луысаква рпны абызшва абайара шгIахъылтIуа гIалдыркIгIа-ра; тамамта, логика щтIыхраква рзыгIарбауа йбжьа-ра, рапхъаща агъьчIвра; рцри бызшва бзи йдырбара.

АпхъарасахIат адгалща: апхъара, ауысагIв лсу-рат, ажва баргвквa зну карточка, ажважвквa, ахъвмар-щаквa.

АпхъарасахIат акIвшаща

I. АпхъарасахIат тшазадгалра.

II. ПынхачIвы рхъвыхра.

1. Швпны швызпхъаз ауысаква згIвыда?

– Ауат ауысаква запшу ачIвийа?

– Швара ауат лахIварата йгIашвыларцIайа?

2. АуысакI збарла йгIархIвитI.

III. АпхъарасахIат атема шIыц адынхалра.

1. Айчважвара акIвыршара.

– УахъчIва хIызквчважвуш гышIыцрам, ауи зымгIва йыжвдырра атахъыпI, швалабзазара, шва-ланхара атахъыпI. Швцри бызшва абайара, акъару, агвыбзыгъара швылашвхIвара амаль амамкIва йа-

тахъдзапI. Швлитература бзи йыжвба. ШвазгIашыкъ-та, йанакIвызлакIгыи гIальаматра азшвымата швап-хъа! Ауи акIвпI йгIазквчважвауа уахъчIва хIызпхъуш ауысаквагыи.

2. Атема рахIвра, ауысагIв лсурат дырбара.

3. АуысагIв лыхъазла ажва.

– Щбзыхва Лариса асквш 2002 йгIашIарышвта РФ агIвгIвчва р-АдкIылара далапI. Ауи асквш 1959 агIан Къвбина кыт дйытI. Апхъарта дангIалга Пяти-горск йтагылу агIвыма бызшваквa ринститут дыцIалтI. Ангълъыз бызшвала дарыпхъагIвхатI. Йапхъахауата ауи аъачIвагIала Усть-Джъгваты апхъарта дынхатI, уацIыхъван лцри кыт апхъарта дынхауа далагатI.

Щбзыхва Лариса агIвра дшчкIвыныз далагатI, ауаса йапхъахауа луысаква агазет йангIаншвал асквш 1994 агIан акIвпI. Ауицтара заманта йцахъаз гъщардам, ауаса уахъчIва Лариса зыхъыз бергълъу дуысагIвхатI. Ауи ачIахI хъыз «Къарча-Черкес Рес-публика АуагIа руысагIв» гIалквнадыргатI. Ауи йгIацIылщттI азкIкIраквa: «Аладз лашараквa», «Песнь абазов», «Храм души моей», «АчIныш»; «Споем зурна, про нашу бесконечность», «Гора моей радости, светлой печали».

4. Ажвар нхара.

Налькъвытнальмас – хIахъв тлапIапI, урышвла «жемчуг».

Ажва къвышIчIквa – ажва гвыбзыгъаквa.

– Арат ажваквa рхIваща йадынхалитI, ажванахъа гIархъвыцитI.

5. Ауыса асабиквa гвыла йапхъитI.

6. АзцIгIараквa джъауап рыртитI.

– АуысагIв йгIалтуа ажвацIгай «ХIыбызшва ашвындыкъвара» ззылхIвауа шпагIашвгвынгIвуа?

– «Алыгажв-уасаражв» – хIва дызквчважвауа дзачIвийа?

7. Ауыса быжъхътIыла (дауышла) йгIапхъитI.

– АуысагІв абызшва абайара зшІлырпшуа ачІвыйа?

– Ауди апхъагІвчва шпатшырзыналырхауа?
Ауат асатырква гІалшвкІгІауата швгІапхъа.

IV. Тшпсцара дакъикъа.

Аджьма щаласчкІвын гІвапитІ,
Абыхъв хвырчвхІва йашІапитІ.

АхІагІара йгІабгъапшитІ –

Аквиджьма мацІа аца гІашитІ.

«Меэ-э, ушІарбза ура,

УыгъгІасхъыдзушым сара!» (Щ.Л.)

V. АпхъарасахІат атема шІыц адынхалра нар- дзахра.

1. Ажважв «Зыбызшва зымдырхуа, йуагІагъи
дгъырдырхуам» йгІаныцІуа шпагІашвгвынгІвуа?

2. Ауыса «Сыбызшва» арыпхъагІв дгІапхъитІ.

3. Ажвар нхара.

Гвахъва – агвы йалалуа, бзи йабауа.

ШІнатла – шІыпІа.

Хвышхва – къару зму гъазагІва.

– Ажваква рхІваща йадынхалитІ.

4. Ауыса асабиква гІапхъитІ.

5. АзцІгІараква джъауап рыртитІ.

– АуысагІв зымгІва рацкІыс хъагІата дгІазкв-
чважвауа ачІвыйа?

– АуысагІв абызшва амч, акъару зшІлырпшуа
ачІвыйа?

6. Ахъвмарща «Уыбызшва удырума?»

– Ажваква гІащаквдыргылхитІ, йгІарныцІуа
рхІвитІ.

КІа...ма, мачв...ыс, къа...ла, хІам...кІвытІ

(кІарма), (мачвкІыс), (къала), (хІамшвкІвытІ)

на...къвыт, лахІва...айчІва

(налькъвыт), (лахІваквайчІва)

7. АлкІгІара апхъара.

– АуысагІв лци бызшва бзибара дута йазлыму
злагІарбу запш ажвакву гІалыркІгІитІта йгІапхъитІ.

8. Ауыса къазула ужвыгъи зны йгІапхъахитІ.

9. Къытча йаситІ.

– Пыц щарда зцІагылу, пыцыхъ зымдыруа. (Хан)

VI. АпхъарасахІат атема шІыц рыбагъахра.

Акврыбагъахра апхъара.

– АгІвуысакІгъи зны-зын йгІапхъахитІ.

– Ауысаква лахІварата йгІашвыларцІауайа?

– Ауат рмагІын хъада гІашвхІва.

VII. ЦІхъважва.

– АпхъарасахІат апны шІыцрата йыжвдырйа?

– Ауысаква швгвапхама? Йызлашвгвапхайа?

– Швынхара хвы аквшвцІа.

VIII. ПынхачІвы.

85 – 86 ан. Ауысаква гвацпата, пшдзата йзап-
хъауа тшырбжъитІ.

30 апхъарасахІат

АпхъарасахІат атема: Акъылы аанасыпи. Кълыч
Рауф йбзирахара. *Аджъбакъ ХІаджъисмель.*

АпхъарасахІат амурадква: агІвыраква йрыхар-
гІвазара; амагІны хъадаква гІалдыркІгІара; акъылы
анасыпи злапщылу алдыргара; арыпхъагІв гъаза, абыз-
шва адынхалыгІв, апрофессор Кълыч Рауф йбзихара,
йгвыбзыгъара йахаргІвазара; рапхъаща агъьчІвра,
рчважвара тшауацІнарыхра, рци бызшва бзи йдыр-
бара.

АпхъарасахІат адгалща: апхъага, Кълыч Рауф
йсурат, ауди йгІацІтраквара, рчважвара тшауацІна-
рыхрала цхърагІага материал.

АпхъарасахІат акІвшаца

I. АпхъарасахІат тшазадгалра.

АгІв гвыбзыгъа йыцта гъыдзуам,
Йажва бзиква гІащаквхитІ.

Ауи акІвпІта, хІабаза ажва,
Угъыдзуашым уара зынгыи.

II. ПынхачІвы рхъвыхра.

1. Щбзыхва Лариса луысаква рпны йгІалырбауа ачІвыйа?

- Ауи абызшва абайара шпагІахъылтІуа?
- АуысагІв апхъагІвчва шпатшырзыналырхауа?
- Ауи абызшва амч, акъару зшІлырпшуа ачІвыйа?

2. АгІвыраква йгІарыпхъитІ.

III. АпхъарасахІат атема шІыц адынхалра.

1. Айчважвара акІвыршара.

– Швара щарда мцІуата швызпхъаз ХІачвыкъва Аминат луыса «ХІан» апны шванйатІ ажванахъакІ: «Акъыль млыквта йшнахъауа гІахІгвынлыргІытІ» – хІва.

ЙгІашвшвыргвалашвах ауи йгІаныцІуа.

Абазара апны йхъаду акъыльпІ. Акъыль уымамызтын дахІврагъи гъуымазлушым, насыпгъи гъуымазлушым. ЗакІ учпара апхъала уакъыль урыпшгІара атахъыпІ гІващагІа гІалымцІра ахъазла. «Йызнасыпу акъыль йымазлапІ» рхІвитІ ауагІа. УахъчІва хІаргъи хІызлачважвуш акъыльи анасыпи акІвпІ.

2. Атема рахІвра.

(АрыпхъагІв Аджьбакъ ХІаджьисмель йсурат асабиква йдйырбитІ.)

3. АгІвгІвы йхъазла ажва.

– Ажурналист, ауысагІв, апрозагІвгІв Аджьбакъ ХІаджьисмель Гвымлокт (Красный Восток) асквш 1953 дйытІ. Ауи апхъарта дангІалга Пятигорск йаныргІалу агІвыма бызшвакв ринститут дгІалгатІ, намыца бызшвала арыпхъагІв ъачІвагІа гІацІигатІ. Ауи аъачІвагІала хІкъраль йапшым ашІыпІаква рпны дынхатІ. Ауи амщтахъ агазет «Коммунизм алашара» дажурналистын. Асквш 1989 уалагата ГТРК «Карачаево-Черкесия» апны абаза хъвшара даредак-

торпІ. Ари азаман Къарча-Черкес радиуа апны дынхитІ.

Асквш 1988 агІан ауи ачІахІра хъзы «Отличник печати», ауи амщтахъ «Къарча-Черкес Республикала гІатгара зму ажурналист» гІайквнадыргатІ. Алитературали азъазарали Къарча-Черкес Республика а-Хъада йпремия далауреатхатІ. «РФ ажурналисткви агІвгІвчва р-АдкІылари» далапІ. Ауи йгІацІцтараква йрыуапІ: «ЙачІваджъыргІа ргІашІыхамта», «Ауысаква», «АхъыкъвыбгІан ангъажъуа», «О, сылахъ атшгІва, умаразтІ уара», «АхъвахІква». Асквш 2015 агІан Аджьбакъ ХІаджьисмель а-ЧахІ хъзы «Къарча-Черкес республика ауагІа руысагІв» гІайквнадыргатІ.

4. АгІвыра «Акъыльи анасыпи» арыпхъагІв дгІапхъитІ.

5. Ажвар нхара акІвыршара.

Абдаз – намаз учпара апхъа атшыджвджвара.

Дин – Анчва йызхъацІара, урышвла «религия», «вера».

6. АгІвыра къазула асабиква гІапхъитІ.

– Алыгажв джьащахъварата дзынйаз ачІвыйа?

– Ауи йчпаз ачІвыйа?

– Атаца айцІба лгвыбзыгъара швгІаквчважва, йгІалшвкІгІата швгІапхъа.

– Анасыпи акъыльи запырщылуа ачІвыйа?

ЙшгІашвгвынгІвуа апшта йгІашвхІва.

IV. Тшпщара дакъыкъа.

НапІы хІаситІ – зны-гІван!

ЙхІыруышвитІ – хын-пщын!

ХІчІвитІ, хІгІагылхитІ, тшхъынхІыргІвитІ,

ХІыцта быжъквгагъи хІыргитІ.

V. АпхъарасахІат атема шІыц адынхалра нар-дзахра.

1. Кълыч Рауф – хІва даъан гІвычІвгІвыс бзидз-дзакІ. Йакъыль швабыжта йцІаран, дгвыбзыгъан. Абаза бызшва йгвгъи йпсгъи адицІан дадынхалтІ.

Ауи Къарча-Черкес къралыгІва институт сквшщар-да дынхатІ. Ауи йайрыпхъаз уыжвгІандзара йыр-хІвалитІ йырхъмаштылуа йхабар. Ауи наука турасы йтата абаза бызшва алйыргатІ, йырхъвыхтІ.

2. АгІвыра «Кълыч Рауф йбзихара» арыпхъагІв дгІапхъитІ.

3. Ажвар нхара.

Уау – урышвла «яд».

ГвалымцІых – йухъмаштылхуа, урышвла «неза-бываемый».

КъалагІвыр – хчагІвы, урышвла «охранник», «сторож».

Кътап – гІвыра, книга.

Ажважв: Уагъа йажва хъагІа уаупІта, уайгва йажва айша цха-хвшапІ.

– Ари ажважв йгІаныцІуа ауи акІвпІ: ухъа эта-хъым, згвы гвымхара ту дгІауайгвыргъытІ, ажва пщдзаква йхІвитІ, ацІабырг райшата йгъихІвум, агвым-хара уазйырцитІ. Ухъа этахъу, абзира уазыргуш, ацІабырг айшазтынгъи, гвымхазтынгъи райшата йгІауайхІвитІ агвымхара уачвхъихчарныс ахъаз. Ауи йгвы узыцкъапІ.

4. АгІвыра асабиква гІапхъитІ.

– АгІвгІвы Кълыч Рауф хвыта йыквицІауа зла-гІайырбаз асатырква гІалшвкІгІа.

– Кълыч Рауф абаза бызшва дакъалагІвырпІ зихІваз ачІвыйа агІвгІвы?

– Ауи йайрыпхъакваз дшпагІаргвалашвахауа?

5. Акврыбагъахра апхъара.

– Кълыч Рауф уасйатта йуагІа йгІарзичпаз ъа-гІарбу асатырква гІашваута швгІапхъа.

VI. АпхъарасахІат атема шІыц рыбагъахра.

1. Ужвыгъи зны агІвыраква йгІарыпхъахитІ.

– Ужвы акъылы анасыпи злапщылу гІашвгвын-гІвызтын швакчважва.

VII. ЦІхъважва.

– АпхъарасахІат апны шІыцрата йыжвдырйа?

– РыцІа йшвгвапхайа?

Швынхаща хвы аквшвцІа.

VIII. ПынхачІвы.

90 – 93 ан. Бзита йапхъауа, йызпхъаз рзагІахІвах-уа тшырбжытІ.

31 апхъарасахІат

АпхъарасахІат атема: Дамыгъа. ТхІайцІыхв Бе-мырза.

АпхъарасахІат амурадква: агІвыра йахаргІваза-ра; ауи амагІын хъада гІалдыркІгІара; турасыла рап-хъаща агъьчІвра, рчважвара, рхъвыцща тшауацІна-рыхра, аджъкІахбаста, нбжъагІвыгІара йанакІвыз-лакІгъи йшхъаду гІаргвынгІвра, ауат ахабзаква шынкъвыргуш йязыбжъара.

АпхъарасахІат адгалща: апхъага, агІвгІвы йсурат, айшва, адамыгъа суратква, ажва шІыцква зну карточ-ка, рыбызшва тшауацІнарыхрала цхърагІага матери-ал: ажважкква, аласхІвараква, ауыса тшытква.

АпхъарасахІат акІвшаща

I. АпхъарасахІат тшазадгалра.

(Йддырдырхъаз тшазадгалгакІ рхІвитІ).

II. ПынхачІвы рхъвыхра.

1. АзцІгІараква джъауап рыртитІ.

– Аджъбакъ ХІаджъисмель йгІвыра гІазквчважва-уа ачІвыйа?

– Ауи амагІын хъада гІашвхІва.

2. АгІвыра йгІапхъитІ.

3. Атекст йазаргванта йгІархІвахитІ.

III. АпхъарасахІат атема шІыц адынхалра.

1. Айчважвара акІвыршара.

– Швара швгІазлыцІыз атлапкъ рыхъазла.
– Швтлапкъ апны ахІбата йшвымуда?
– Ауи швшпайзаъу, гвыбзыгъарата йгІайшІшвкІ-
гІауайа?

– Швтлапкъ, швтгІачва, швытшгІва йанакІвыз-
лакІгъи йшвхчара атахъыпІ. Ауи абагъъара, ацзакІы-
ра швайгвыгІвуа швгІабзазара атахъыпІ.

2. Атема рахІвра, агІвгІвы йыхъазла ажва.

Абаза гІвгІвы ТхІайцІыхв Бемырза абаза литера-
тура аклассиккв дрылапхъадзапІ. Ауи асквш 1929
агІан Къвбина кыт дйытІ, ауаса йчкІвынхъа Гвым-
локт йтайгатІ. БыжъкласскІ дангІалга Черкесск арып-
хъагІвчва ъадрыхІазыруаз ъачІвагІа гІацІигатІ. ТІа-
пІанта, Гвымлокт рапхъартаква рпны дынхатІ.

Бемырза йыршІыйара злагІаджвыквицІаз уыса-
рапІ, уадыргІвана апроза тшайттІ. Ауи йыршІыйа-
ра гІамта ауацІа абаза йгъи урышв бызшваквала гІвы-
ра кІыдазтынгъи, агІвыраква йразкІкІразтынгъи
книга 22 гІацІицттІ. ТхІайцІыхв Бемырза апхъагІв-
чва хвыцкв йырзынархата хъатачІв гІацІицтрагъи
йымапІ: «АчІвыйа Псадгъыл ззырхІвауа?» Ауи йкъа-
льам йгІахъыцІтІ асабиква йырзынарху агІахІвахра
щардакв.

Ауат рсабихъа, ргІадзынғылща, рапхъаща, рхъв-
марщаква дрыквгІашІасуата агІвгІвы асаби йщакв-
ғылра йапщылу абзазара анархара щарда йырхъвы-
хитІ, апхъагІвгъи ййырдыритІ, йыцагІвишитІ.

3. АгІвыра «Дамыгъа» арыпхъагІв дгІапхъитІ.

4. Ажвар нхара.

Джыпха – квпшыра, урышвла «отметина», «тав-
ро».

КІваджып – афаша ауацІала йаныргІалу джып,
урышвла «внутренний карман».

5. АгІвыра асабиква гІапхъитІ.

– Швара швдамыгъаква жвдырума? ШвгІакв-
чважва. (АрыпхъагІв тлапІкъквкІ рдамыгъаква рсу-
рат дйырбитІ).

6. АзцІгІараква джъауап ыртитІ.

– Къази УагІвырлы йгІайгвынйыргІвра йтахъыз
ачІвыйа?

– Йгылаквз айчважвара хъадата йджвыквыр-
цІайа?

– УагІвырлы йгвашв йкІыдыз адамыгъа йгІа-
ныцІуаз ачІвыйа?

IV. Тшпсцара дакъикъа.

ХІылалпІ щымтадза ауатра,
ЙыхІлашвапІ ласдза ахІаса.
АцІлауатрагъи хІнадзапІ,
АцІлакв гІахІыркашвапІ.
Акъвадамакв хІрызсакъуа
АхІа тІатІакв гІашІыхІхпІ.
АхІваса, чадыгІва, чІва,
УгІай уаргъи угвы рзырчІва!

V. АпхъарасахІат атема шІыц адынхалра нар- дзахра.

1. АгІвыра къазула йатагІапхъахитІ.

2. Афыркв ртурасы йтагылата йгІапхъитІ.

3. Ажважкв рыдынхалра.

Атлапкъ бжъызджъара йкшитІ.

– Ауи йгІаныцІуа шпагІашвгвынгІвуа?

– «Здамыгъа зрыдзуа йткъвымгъи йрыдзитІ» –
ари гвыбзыгъара хъвыцрапІ, йшвгвыншвкІыл.

VI. АпхъарасахІат атема шІыц рыбагъахра.

1. АлкІгІара апхъара.

– УагІвырлыыйи Къазии райчважвара гІашваута
швгІапхъа.

2. АласхІвара ддырдыритІ.

Сими Сари сана рфитІ,
Сани Срыми жвумп рхъвшвитІ.
ХІара хІуатра жвумп щардапІ,
ХІпныла швгІайырквын – йшвфапІ.

3. Акврыбагъахра апхъара.

4. Йызпхъаз ражваквала йгIархIвахитI.

VII. ЦIхъважва.

– АгIвыра апны швхъа ахъазла гвыбзыгъарата йгIалшвкIгIайа?

– АпхъарасахIат апны рыцIа йшвгвапхайа?

– Швынхаща хвы аквшвцIа.

VIII. ПынхачIвы.

98 ан. АгIвыра бзита йзапхъауа, йырзагIахIвахуа тшырбжъитI. Ртлапкъ адамыгъа сурат азырчпитI.

32 апхъарасахIат

АпхъарасахIат атема: Кытча. Къым. ЙагIума?
ЧквтIу Михаэль.

АпхъарасахIат амурадква: ЧквтIу Михаэль йуысаква йрыхаргIвазара, абаза саби хъвмарщаква гIадыргвалашвахра; ауысагIвыща абызшва гIаргвныргIвра; рапхъаща агъьчIвра; рчважвара тшауацIнарыхра, абызшва, апхъара бзи йдырбара.

АпхъарасахIат адгалща: апхъага, ажва шIыцквал зну карточка, аребусквал, ахъвмарщаквал зну Батал Къасей йхрестоматия.

АпхъарасахIат акIвшаща

I. АпхъарасахIат тшазадгалра.

XIакъыль xIрыпшгIуштI xIа уахъчIва,

XIасуаштI xIа лахъгIва, кытча.

Xъвмарща шIыцгъи нахIхIырдырпI

XIдырраквагъи гIахIырхъвыхпI.

II. ПынхачIвы рхъвыхра.

1. Швпны швызпхъаз ТхIайцIыхв Бемырза йгIвыра «Дамыгъа» – хIва йзахъызйа?

– Къази УагIвырлы дызлайыхIваз ачIвыйа?

– Ахъачваквал айчважвара хъадата йджвыквырцIаз ачIвыйа?

– Къази йазцIгIара «Швара швдамыгъа шпаъаз, УагIвырлы?» йаджъауапхаз гIашвхIва.

– Ауат рдамыгъа ачIвызйа?

– УагIвырлы йтлапкъ рдамыгъа йгIаныцIуа ачIвыйа?

2. АгIвыра асабиквал гIапхъитI, ражваквала йгIархIвахитI.

III. АпхъарасахIат атема шIыц адынхалра.

1. Айчважвара акIвыршара.

– Апхъарта апны апхъара, гIвра, пхъадзара акIвымкIвагъи йапшым хъвмарщала швхъвмаритI. Хъвмарщаквал рыхъыз гIашвшвыргвалашвахстI. Ауи ахъвмарщаквал шпакIвшвыршауа? Асаби хъвмарщаквал йрыуата апхъарасахIатквал рпны йгIахIрысабапквал жвдырхума? – «Ала-цIу-цIу!», «Хындырлаз», «Архъа бажв» агъиквал. УахъчIва ужвыгъи хъвмарщакI хIхIырдыруаштI.

2. Ахъвмарща «Амачквал» ддырдыритI.

– Амачвхъаба: «Уа-у-у-у!»

– АгIарбагамачв: «ЙхIфа-а-хуайа?»

– Аквтамачв: «XIынха-а-пIта хIчахпI!»

Ахъыдамачв: «XIнымхары-ы-квын щта?»

АмачкIыыс: «ЙгIагIгъычпI!»

– Йшпажвбауа, агъычра хIаль бзийума?

Ауи акIвпI амачкIыысгъи йаламхIауата хвыцта йызгIанхаз. Абзира згвалаз аквтамачв зымгIва рацкIыс йдухатI.

УахъчIва ЧквтIу Михаэль йуысагIвыраквал рпны ахъвмарщаквал шгIарбу хIрынйуштI.

3. Ауыса «Кытча» арыпхъагIв дгIапхъитI.

4. Ажвар нхара.

ЧлахIвара – анартыхв цца андыршуа анартыхв ачва злахъдырцуа.

5. Ауыса гвыла асабиквал гIапхъитI.

– Швара кытча шваслума?

– Апхъазаман кытча йшасуази ужвы йшасуи апшума?

6. Ауыса кьазула йгIапхьитI.

– Акытчасра сабапта агIвычIвгIвыс йызгIанагуа-
йа?

IV. Тшпсцара дакьикъа.

Къахвта швацгIагыл!

Швпахъла йшврау швнапIква,

Бзита тшшврычIвай зны,

Швас гIван-хын напIы.

Агъьмала тшхъшвыркIы,

Армала тшхъшвыркIы!

Швхъапал зны, гIван, хын,

Псайспа швчIварта швкIы!

V. АпхъарасахIат атема шIыц адынхалра нар- дзахра.

1. Кьытча йаситI, аребусква рчпитI.




– Чвымладгъа лыгъврахъапал. (*Цгвы*)

– УдзышвапI ахIвра апшта

Ласыласта йнагIвгIагIвитI.

ЙаршвшвитI ацIыхъва чIврычкIвын

Йгъачвшвум ауи арыдзныс. (*Арцыш*).

2. А –  – мац у –  – б –  – хъ

ашвы хIамач уарба блахъ

VI. АпхъарасахIат атема шIыц рыбагъяхра.

1. Акврыбагъяхра апхъара.

– Асабиква ауыса ужвыгъи зны йгIапхьитI.

– АуысагIвыща зрыпшдзас ачIвыйа?

2. Ауыса «Къым» арыпхъагIв дгIапхьитI.

– Ари ауыса гIазквчважвауа ачIвыйа?

– Къым ззырхIвауа жвбахъама?

(арыпхъагIв йгIайхIвитI йамгIану)

Аджыгъру дйырбитI (Юла).

– Ауаса апхъала къым шгIадырхIвуаз мацIкI
йгъапшым.

3. Ажвар нхара.

КъымчIапц – къымгIархIвыга, кIнутI.

4. Ауыса асабиква кьазула йгIапхьитI.

– АуысагIв акъым агIахIвыща зшIйырпшуа ачIвы-
йа?

– Акъым ангIайырхIвуаз йхIвуз ажвакв гIал-
швкIгIата збарла йшвшвырдыр.

5. Акврыбагъяхра апхъара.

– Ауыса гIазквчважвауа ахъвмарща агIвычIв-
гIвыс йбзасара азаман гIанарбума?

VII. Ауыса «ЙагIума?» йахаргIвасара.

1. Ауыса арыпхъагIв дгIапхьитI.

– Ари дгIазквчважвауа ахъвмарща датшатагъи
йшпапхъауа? (ЛакъгIва, йагIума, тшкъачIвах)

2. Ауыса асабиква гIапхьитI.

– Йшпажвбауа, ауыса апны йалу ажвакв зымгIва
гвынгIвырума?

– АчIвыйа ауысагIв ауат ажвакв згIалайцIаз?

– Арифма пшдзата йъабыжъгауа ахъкв швгIа-
рыпхъа.

3. Акврыбагъяхра апхъара.

– Швара апахъ шваныгъу ари ахъвмарща гIашв-
рысабап.

VIII. ЦIхъважва.

– АпхъарасахIат апны рыцIа йшвгвапхайа?

– Ахъвмарщаква швнашх шпарчпауа?

– Швара датша саби хъвмарщата йыжвдыруайа?

Швынхаща хвы аквшвцIа.

IX. ПынхачIвы.

100 – 103 ан. Ауысаква гвацпата йапхъауа тшыр-
бжьитI. Датша хъвмарщаквакIгъи дрыхIазыритI.

33 апхъарасахIат

АпхъарасахIат атема: Адзын. АгIвсатыркIква.
Йуан ГIалиса.

АпхъарасахIат амурадква: Йуан ГIалиса йыр-
шIыйара, йуысаква рыбызшва, рбыжъгаща йахар-

гІвазара; алогика щтІыхраква рызгІалкІгІара, та-
мамта йзапхъауа йбжьара; рапхъара щцалраква
рыцІагъи йрыбагъъара, агІвычІвгІвыс хІаль пщдза-
ква йырзыбжьара.

АпхъарасахІат адгалща: апхъага, ауысагІв йсу-
рат, атема «Дзны» йаквнагауа сурат, ахъвмарщаква.

АпхъарасахІат акІвшаца

I. АпхъарасахІат тшазадгалра.

Ауадгъына хІгІазнакІкІыхтІ,
Къахвта хІчІвартаквагъи хІкІыхтІ.

Хъвыцра щардагъи хІызпшитІ,

Шыцра щардагъи хІрызпшитІ.

II. ПынхачІвы рхъвыхра.

Швпны швызпхъаз ауысаква згІвыда?

ЧквтІу Михаэль йуысаква рпны йгІайырбауа
ачІвыйа?

Ауысаква гІазквчважвауа ахъвмарщаква йгІа-
дырбауа запш заманйа?

Швара йшврыхІазырыз ахъвмарщаква швгІа-
рыквчважва.

Збарла йддырдырыз ахъвхвыц ацырхІвитІ.

Ауысаква къазула йгІарыпхъитІ.

III. АпхъарасахІат атема шІыц адынхалра.

1. Суратла нхара. (Дзны)

(АрыпхъагІв йгІалихыз асурат азцІгІараламца да-
дынхалитІ).

2. Атема рахІвра. (АуысагІв йсурат дйырбитІ).

3. АуысагІв йыхъазла ажва.

Абаза уысагІв бергълыы Йуан ГІальиса Ады-
гъа-ХІабльа район йаланакуа ТІапІанта кыт дйытІ.
Ауи апхъарта дангІалга Черкесск йаныргІалыз ауы-
хвагІвчва ъадрыхІазыруа аучилища дыцІалтІ. Дан-
гІалга йъачІвагІала шІыпІа щарда дынхатІ.

Йуан ГІальиса дшчкІвыныз уалагата ауагІа ршІа-
лахІвара днанауахвтІ. Йара йшихІвахуала алокІква,

ажважкква, акытчаква, аласхІвараква йанакІвыз-
лакІгъи дхъырхуан, ауат йрапшта йаргъи закІ йгІвра
йтахъын.

Ауыса гІвра 18 сквша дыртата далагатІ, ауаса
ауат зджьарагъи йгъгІанйымцІузтІ. Зны йгІвыраква
Цекъва Пасарбии Джьгватан Къалии йдйырбатІ,
ауат ддыргвышхван йапхъахауата йуысаква асквш
1981 агІан агазет йгІаншвалтІ. АшІалахІвара бзи
йшибауа йыршІыйара зынла йгІаныпщитІ. Ауи йакв-
шахІатхитІ йуысаква рыбызшва, рбыжьгаща. ГІа-
льиса асквш 2003 агІан Къарча-Черкес Республика
АуагІа руысагІв» хъыз гІайквнадыргатІ.

Ауи йгІацІцтрапІ «С-Псадгъыл ашвакка»,
«АгІвычІвгІвыси ахъацІари», «Нарт».

4. Ауыса «Адзын» арыпхъагІв дгІапхъитІ.

5. Ажвар нхара.

Нырчвла – шІыпІа нархарта. Урышвла «тот про-
тивоположный берег или сторона».

6. Ауыса асабиква гвыла йапхъитІ.

– Адз гІахІвытІ ззырхІвауа шпагІашвгвнгІвуа?

7. Ауыса къазу-къазу бжьыла йгІапхъитІ.

– АуысагІв «Адзын хІайшва гІанарчвытІ» ззихІва-
уа ачІвыйа?

IV. Тшпсцара дакъикъа.

АпстхІва ажвгІванд йалата

Йгвжважвауа йпссгІитІ.

ПшахъынхІвыкІ гІаджвыквылын

АцІлаква аркашвитІ.

Абыгъь гІважъква йхварззауа адгъыл йгІакІапІ-
литІ.

АпссгІачІвкка гвъаджъымгІвала

ЙщтІыпссгІан йгІабгъапшитІ.

**V. АпхъарасахІат атема шІыц адынхалра нар-
дзахра.**

1. Акврыбагъъахра апхъара.

– Адзын асуратква ауысала йгІащаквшвыргыл.

2. АгІвсатыркІква йрыхаргІвазара.

– Йуан ГІальыса йуыса гІвыра абызшва швабыжта йбайапІ. Ауат гвыбзыгъара ду рылапІ. ЙажваквациарапІ, адунай абазара йаквыргІапспІ. Ауи йажва гвыбзыгъаквала ауагІа драйбжытІ. Йапшым атемаквa гІахъитІитІ.

Абар ауат рапш бжъага ажванахъаквакІ:

– Йутахъызтын артшхъвара,

АцІас гвымхаква хъвара».

– Арагъа ауысагІв дгІахІайбжытІ хІпшдзахара, хІгІвычІвгІвыс бзихара ахъазла, хІыхъыз пшдзата йыргІвара ахъазла ауыс гвымхаква хІшрыламылуашла.

3. АгІвсатыркІква арыпхъагІв дгІапхъитІ.

4. Ажвар нхара.

ХІаджбы дымсылманпІ, Макъа Мадина йцата йгІайхыз, хвы зму гІвычІвгІвыс.

5. Асабиква хъвы-хъвы йгІапхъитІ.

– АгІвсатыркІква йгІарныцІуа шважваквала йгІашвхІва.

6. Ахъвмарща «ГІажвдыр».

– АуысагІвчва, агІвгІвчва ртдзахъызла рыхъызквa гІажвдырх.

Джыгватан ..., Батал ..., Аджьбакъ ..., Тлабыча ..., Мыхц ..., ЧвзыкІа ..., Шхай ..., Къвапсыргъан ..., Дагвжвей ..., ЧквтІу ..., Цекъва ..., Йуан ..., ХІачвыкъва ..., Джыр ..., Щбзыхва ..., Апса

VI. АпхъарасахІат атема шІыц рыбагъахра.

1. Акврыбагъахра апхъара.

Ауыса «Адзын» ужвыгъи зны тамамта, пшдзата йгІапхъахитІ.

– АуысагІв йгІайырбауа апсабара асуратквa швылашвхІва, шважваквала йшвхІвах.

2. АгІвсатыркІква йгІарыпхъахитІ.

– Арат агІвсатыркІквала ауысагІв йгІайырбауа шваквчважва.

– Ауат ргІвыща, рбыжъгаща швшпалапшуа?

VII. ЦІхъважва.

АпхъарасахІат шакІвшаз швгвапхама?

РыцІа бзита йынхаз апхъагІв дшвызгІалкІгІушма, момкІва швацапшыта швынхама?

Швынхаща хвы азшвыргылх.

VIII. ПынхачІвы.

104 ан. Ауыса «Дзны» гвацпата йапхъауа тшырбжытІ. Йыргвапхаз агІвсатыркІква збарла йддырдыритІ.

34 апхъарасахІат

АпхъарасахІат атема: Сан. *Батал Къасей*. Мма. *Джыгватан Къали*. ХІан. *ХІачвыкъва Аминат*.

АпхъарасахІат амурадквa: ауысаквa йрыхаргІвазара, йапшым ауысагІвчва ргІвыраквa адызкІылуа амагІын хъада гІалдыркІгІара, тамамта апхъарала рщцалраквa рыбагъахра; ан лыхв гІаргвныргІвара, ауи йанакІвызлакІгъи пІатІу шлыквырцІуш йазыбжъара.

АпхъарасахІат адгалща: апхъага, агІвгІвы Батал Къасей йсурат, ажважквa, асуратквa, ажва баргквa зну акарточкаквa.

АпхъарасахІат акІвшаща

I. АпхъарасахІат тшазадгалра.

(ЙагІвсыз асахІат апны йддырдырыз атшазадгалща гІархІвахитІ).

II. ПынхачІвы рхъвыхра.

1. АзцІгІараквa джъауап рытра.

– Ауыса адзын згІвыда?

– АуысагІв йгІайырбауа ачІвыйа?

– Швара ауыса лахІварата йгІашвыланацІауайа?

2. Ауыса асабиквa гІапхъитІ.

3. АгІвсатыркІква збарла йгІархІвитІ.

III. АпхъарасахІат атема шІыц адынхалра.

1. Айчважвара акІвыршара.

– «Дгъаџам лацкІыс аргваны» ззырхІвауа дза-чІвыйа?

– Ан лацкІыс аргваны дшаџам шважваквала йгІашврыбергъыль.

– Шванчваквала швшырзаџу гІашвхІва.

– ЙгІаншума шванчваквала ргвы йаналшвырдзгІа-уа?

2. Ауыса «Сан» йахаргІвазара.

– АуысагІв йсурат дырбара, ауи йыршІыйара йа-харгІвазара.

– Батал Къасей асквш 1941 агІан Ставрополь край йаланакуа акыт Канглы дйытІ. Апхъартагы йара ауаџа дыцІалтІ, ауаса ауи атлахан атгІачва Гвымлокт йталхтІ, йаргы ауаџа аквтантай апхъарта дгІалгатІ. Апхъарта дџагІалгаз арыпхъагІвта дынхатІ. Асквш 1966 йгІашІарышвта уыжвгІандзара Къарча-Черкес къралыгІва университет агвхъауа-абаза филология акафедра дадоцентІ. Ауи абаза шІалахІвари абаза литературы йайрыпхьитІ.

Батал Къасей хІуагІахъа ршІалахІвари рлитера-тури йырзынархата анаука рхъвухра статьяквала гІанйыршитІ. Ауи апхъарта йгы авуз рыхъазла йапшым апрограмаквала гІацІицтІ, абаза литературала 8-9 аклассквала рыхъазла ахрестоматияквы апхъа-гаквы дралацІагІвпІ, абаза уысара даланхитІ.

Ауи йазкІкІраквала йрыуапІ «Дзышра», «Абзазара ажваквала», «АгІвычІвгІвыс йыйачІва», «Скыт апсы-хІва». Швабыж уыса щарда асабиквала йырзынархата йгІвытІ.

Батал Къасей РФ агІвгІвчва р-АдкІылара далапІ.

3. Ауыса «Сан» арыпхъагІв дгІапхьитІ.

4. Ажвар нхара.

ЙсызбыршатІаз – йсызбчпаз.

5. Ауыса асабиквала гІапхьитІ.

– АуысагІв хвду ззичпауата йыркъагІауа запш ажвайа?

– Ауи ажва «Сан» къарута йгІайнатуа злагІайыр-бауа ажваквала гІалшвкІгІата швгІапхъа.

IV. Тшпсцара дакъыкъа.

(ЙагІвсыз асахІат йызланхаз атшпсцагала тшпс-цара дакъыкъа акІвдыршитІ).

V. АпхъарасахІат атема шІыц адынхалра нар-дзахра.

1. Ажважв «Ан лгІари йыла лашвызтынгы йаб-газшва йылбитІ» йгІаныцІуа шпагІашвгвынгІвуа?

2. Ауыса ужвыгы зны йгІапхъахитІ.

– Йшпажвбауа, ауысагІв йан дшылзыџу йуыса апны йуызгІалкІгІума?

3. Джьгватан Къали йуыса «Мма» йахаргІвазара. Ауыса арыпхъагІв дгІапхьитІ.

– АуысагІв йан бзирата йзылхаз зымгІва бзита данбазхъвыцх?

– Ауи ан йзылтахъыз ачІвыйа?

4. Ауыса къазула асабиквала гІапхьитІ.

– АуысагІв йан лхІаль шпагІарбу?

– Ауыса амагІын хъада шпагІашвгвынгІвуа?

5. Суратла нхара.

(АрыпхъагІв атема йаквнагауа суратла дынхитІ).

6. Ахъатаршыга (ребус) йадынхалитІ.



– кІал

гъ



– щ



– нду

ханкІал

гъадащ

жвынду

Арат ажваквала йгІарныцІуа гІашвхІва.

7. Акврыбагъахра апхъара.

– Ауыса ужвыгы зны тамамта, пшдзата швгІапхъа.

8. Ауыса «ХІан» йахаргІвазара.

– Ауыса арыпхъагІв дгІапхьитІ.

– Ауыса апны хъадата йгІарбу ачІвыйа?

9. Ауыса асабиквала гІапхьитІ.

– Ан лтгІачва йыззылбжъаз йащтацауата швгІа-рыквчважва.

– Швара ауат йрыуата йшвзырхъйауайа?

10. АлкІгІара апхъара.

– Ан лтгІачва бзирата йлызрыму ъагІарбу асатыр-
ква швгІарыпхъа.

– «Акъыль млыквта йшнахъауа» ззырхІвауа
шпагІашвгвынгІвауа?

– Ажважв «Ан лпхІа длайбжъун, апхІа ачвынцІ-
ква лпхъадзун» йгІаныцІуа шпагІашвгвынгІвауа?

– Ауи ауыса йаквнагума?

VI. АпхъарасахІат атема шІыц рыбагъахра.

Ауысаква зны-зын йгІарыпхъахитІ.

Арат ауысаква зымгІва адызкІылуа атема хъада
ачІвыйа?

VII. ЦІхъважва.

– УахъчІва запш уысагІвкваяа зыршІыйара шва-
хагІвазас?

– ЗымгІва рацкІыс йшвгвапхайа?

– Ауысаква швнашх шпарчпа?

– Швынхаща хвы аквшвцІа.

VIII. ПынхачІвы.

108 – 111 ан. Уысата йыргвапхаз збарла йддырды-
ритІ. «Сара сан» – хІва хъа амата алацІара тшыткІ
ргІвитІ.

35 апхъарасахІат

АпхъарасахІат атема: АйгІайра. *ХІачвыкъва Ами-
нат.* Ани апи. *Мыхц Къарим.*

АпхъарасахІат амурадква: ауысаква йрыхаргІва-
зара; ауат рмагІын хъада гІалдыркІгІара, айсра рыц-
хІагІата ауагІа йрызгІанагыз рыладырхІвара, хІуагІа
агъачва йрайгІайра зрылшаз гІаргвныргІвра; рапхъа-
ра щцалраква рыбагъахра; р-Псадгъыл бзи йдырба-
ра!

АпхъарасахІат адгалща: апхъага, айсра йаквыр-
гІапсу асуратква, ажва шІыцква зну карточка,
ажважвква, ахъатаршыгаква.

АпхъарасахІат акІвшаца

I. АпхъарасахІат тшазадгалра.

(ЙагІвсыз асахІат апны йддырдырыз атшазадгал-
га гІархІвитІ)

II. ПынхачІвы рхъвыхра.

1. АзцІгІараква джъауап рытра.

– ТхІайцІыхв Бемырза йуыса гІазквчважвауа
ачІвыйа?

– Юрий Гагарин хъацІарата йчпаз ачІвыйа?

– Ауи дангІацапах дыззыгвжважвуз ачІвыйа?

2. Ауыса збарла йгІархІвитІ.

3. Ауыса йазырчпаз асуратква арыпхъагІв йыр-
хъвыхитІ.

III. АпхъарасахІат атема шІыц адынхалра.

1. Айчважвара акІвыршара.

– Йыздыруада, Май а 9 йхІыртлапІауа аныхІвамш?

– Айсра чвгъа анбагІалага?

– Ауи зъара сквшы йакІвшайа?

– Швара швтлапкъ йрылума айсра апны йайсыз,
гІатгара зму?

Айсра ауагІа рыцхІагІа щарда рызгІанагтІ. УагІа
зыкпхъадзара аладзтІ. Агъа йтахъын хІуагІа щам-
хъаша йыргылра, хІтлагІагв апшдзара, абайара йы-
дикІылра. Ауаса ауи гъизахъвдаквымцІтІ. Пхъадза-
рала хІуагІа рыцІа йшмачІызгъи агъа йацкІыс, ауи
йайгІайтІ. Абджъар ззыкІуаз заджвы дгвалымста
дгъгІанымхатІ. Дугъи хвыцгъи агъа йпшІагылтІ,
р-Псадгъыл ахчара йазгылтІ. ХъацІара ду рылата
тшгІадырбатІ.

2. Суратла нхара.

(АрыпхъагІв йгІалихыз асурат йадынхалитІ).

– Швара Совет Союз а-Фырква йыжвдыруада?
Абаза уагІахъа йгІарылцІыз Дарыкъвакт абзазагІв
Къвныжв ЗамахІщари Уасман йпа йапхъахауата
Къарча-Черкесла ауи ахъыз хІагІа гІайквнадыргатІ.
Ауи йара йахІварала къвырлыкъвхара дырщтитІ.

(Йсурат дйырбитІ). Украина апны къвырлыкъв ши-
хуз Фин айсра дпщІалтІ. Араџа ауи йгІайырбатІ
шІала йузымхІвуш хџацІара. Швара зымдыруз ай-
сыгІв кџаймат зынла офицерызтынги солдатызтын-
ги 30 хџищІан ркомандирги гџарта дгІайкІытІ.
Ауи йгІайквнадыргатІ «Орден Ленина», «Золотая
звезда». Ауи амцтаџ йгызыным дџадзархвыз. Ауаса
закІги дамшшута айсра дпщІалхуан.

Айсра амцтаџ йкыт цри дгІацапахтІ. Апџар-
таква рпны йакІвшауа анйараква, аныхІвамшква
рпны чІахІ зму дсасын. Ауаса йхвыртаква тшгІайдыр-
дыруан, щарда дчмазагІвыта дщІан. Асквш 1992
агІан йдунай йхІваджџтІ.

Кџвныжв ЗамахІщари йыхъыз нкџвнагитІ Дары-
кџвакт (Псыж) аурам хџада. ХІуагІа ажважвта йры-
мапІ: «АгІвычІвгІвыс дпсуазтынги йуыс гџпсуам». Ауи
ззырхІвауа ачІвыйа? Йара даџахмызтынги ауа-
гІа йгџырхџаштылуам йхџацІара, ауи зынги дгџыр-
хџаштылуам.

3. Ауысаква «АйгІайра анурква», «АйгІайра» арып-
хџагІв дгІапхџитІ.

4. Ажвар нхара.

ЙбыжкІыз агџа – чвгџата йгвыжвкІыз, йызчпауа
зымдырхуа.

5. Ауыса асабиква кџазула йгІапхџитІ.

– Айсра чвгџа анбашІас?

– АуагІаква рнашкџа шаџаз гІашвхІва.

IV. Тшпщара дакџикџа.

Апша апны абаракџква ббитІ,

Агвыргџџара быжџква гІагитІ.

Зны, гІван, хын! Зны, гІван, хын!

Кџахвта рыщтабыжџ гІагитІ.

Зны, гІван, хын! Зны, гІван, хын!

ХІычкІвынчџа апарад йцитІ.

V. Атема шІыц адынхалра нардзахра.

1. Ауыса «АйгІайра» тамамта, алогика щтІыхра-
ква гІалыркІгІауа йгІапхџитІ.

– ХІуагІа р-Псадгџыл ахџара йшпазгылаз?
– Ауат рыцхІагІата йырбаз швгІаквчџаџва.
– Йшпажвбауа, хІуагІа агџаџџа йрайгІайра зрыл-
шайа?

– Ажважв «ХџацІара злу ахы йыгІвшвтитІ» ауы-
са йаквнагума?

Датшаги йрымапІ хІуагІа ажважв бзидздзакІ:
«АхџацІара швара гџадырам».

– Йшпажвбауа, хІуагІа агџа йчвшџата щџахџла
йгІатхџазарквын йрылшшшызма айгІайра?

2. Ауыса «Ани апи» йахаргІвазара.

– Апхџага йану асуратла нхара акІвыршара.

– Асурат апны йыжвбауайа? АпхІвыс дабаџу?

– Ауи лнашх закџу ачІвыйа?

– Ауи лгџакџвпра узырбауа ачІвыйа?

3. Ауыса арыпхџагІв дгІапхџитІ.

– Гџакџвпрата ан лгвы йту ачІвыйа?

4. Ауыса асабиква гІапхџитІ.

– Швара йшвзыбама апа йан бзибарата йлызйы-
маз? Ауыса апны ауи злагІарбу запш ажџакџайа?


5. АлкІгІара апхџара.

– Ан лгџакџвпра цІола гІазырбауа асатыркџа
гІашџаута швгІапхџа.

6. Афыркџа ртурасы йтагылата йгІапхџитІ.

(Ани апи райџџаџџара).

7. Ахџатаршыга кроссворд адынхалра.



1. Тынчра, айсра анаѳам.
2. Айсра апны гІатгара.
3. Айсыга ѳамапсымаква ажвакІла йызларыпхѳауа.
4. КѳралыгІва алкІгІара (символ).
5. Абджѳар квпшыра.
6. Хысга.
7. Гвакѳвпра, нашхыйагІва.
8. Айбащра.

(Мамыр, айгІайра, абджѳар, баракѳ, кѳама, кІѳа-
рахва, рыцІагІа, айсра).

VI. АпхѳарасахІат атема шІыц рыбагѳахра.

1. Акврыбагѳахра апхѳара.
 - Ауысаква ужвыгѳи зны йгІарыпхѳахитІ.
 - Ауат лахІварата йгІашвыларцІайа?
2. «Ани апи» збарла йддырдыритІ.

VII. ЦІхѳважва.

- ШІыцрата йижвдырѳа?
- ХѳацІара ззырхІвауа шпагІашвгвынгІвуа?
- Ауысаква швнашх шпарчпа?
- Швынхара хвы аквшвцІа.

VIII. ПынхачІвы.

112 ан. Ауыса збарла йддырдыритІ.

«ЙгѳхІтахѳым айсра» – хІва хѳа амата алацІара
тшыткІ ргІвитІ.

36 апхѳарасахІат

АпхѳарасахІат атема: Агваран швырду. *Цекѳва
Пасарби.* Амара расхатІ. *Джѳватан Кѳали.*

АпхѳарасахІат амурадква: ауысаква йрыхаргІва-
зара, ауат ззынарху, йгІазквчважвауа амагІны хѳа-
даква гІалдыркІгІара; гвацпата апхѳарала рццал-
раква рыбагѳахра; рыбаышва бзи йдырбара, ра-
кѳыль тшауацІнарыхра.

АпхѳарасахІат адгалща: апхѳага, ажва баргвква
зну карточка, рчважвара тшауацІнарыхрала цхѳра-

гІага материал: ласхІвара, уыса, кытча, ашвакѳа зну
диск.

АпхѳарасахІат акІвшаша

I. АпхѳарасахІат тшазадгалра.

Бзи йыгІбитІ хІа апхѳара,
Акѳыль рыпшгІара нхара.
ГІвра, дзыргІвра, бзи-бзи чІвара,
Хѳвыщра, хѳвмарра, ашва хІвара.

II. ПынхачІвы рхѳвыхра.

Ауыса «Ани апи» збарла йгІархІвитІ.
АзцІгІараква джѳауап рыртитІ.

– Ауыса «АйгІайра» апны ауысагІв дгІазквчва-
жвауа ачІвыйа? Ауи амагІын хѳада гІашвхІва.
Шважваквала ауыса гІазквчважвауа швхІвах.

III. АпхѳарасахІат атема шІыц адынхалра.

1. Апхѳага йану асуратла нхара акІвыршара.

– Асурат апны йижвбауайа?

– ЧкІвыныргІа шпагІвычу?

– Музыка ѳамапсымата ауат йрымайа?

– Швара абаза гІахІвыщата йижвдыруайа?

– ЧкІвыныргІа шгвыргѳауа, йшкѳахву асурат
апны йрылубгІума?

– Ажважв «Зкѳвабыз агвызхуа дипхѳарчІа-
кыгІвпІ» шпагІашвгвынгІвуа?

2. Атема рахІвра.

3. Ауыса «Агваран швырду» арыпхѳагІв дгІап-
хѳитІ.

4. Ажвар нхара.

Марджѳа – ари ажвала ауагІа тшырзынадырхитІ.

Акѳвабыз гІаржву – акѳвабыз абжѳы гІарду.

Агваран – ахѳвмарра, агІахІвра-кІвашара йазал-
ху агѳагѳара.

5. Ауыса асабиква кѳазула йгІапхѳитІ.

– Ари ауыса ззынарху дзачІвыйа?

– ЙалкІгІата ауысагІв йгІайырбауа ачІвыйа?

IV. Тшпсцара дакыкъя.

СахъитІ, сахъитІ са кЫжкЫж
КЫж-ж-ж, кЫж-ж-ж, кЫж-ж-ж!
ЙгІанархІвитІ зымгІва скЫжкЫж.
КЫж-ж-ж, кЫж-ж-ж, кЫж-ж-ж!
ЙгІацІнахитІ зымгІва скЫжкЫж.
КЫж-ж-ж, кЫж-ж-ж, кЫж-ж-ж!
АпхъарчІакъ чІакъ-чІакъбыжь гитІ.

V. АпхъарасахІат атема шЫц адынхалра нар- дзахра.

1. АлкІгІара апхъара.

– АуысагІв аджъамгІат тшызларзынайырхауа
ажваква гІашваута швгІапхъа.

2. Акврыбагъяхра апхъара.

– ЧкІвыныргІа шкъяхву ауыса апны йшпагІарбу?
Ъапа щарда быжь пщдза. (*Къвабыз*)

3. Ауыса «Амара расхатІ» йахаргІвазара.

Ауыса арыпхъагІв дгІапхъитІ.

4. Ажвар нхара.

ЧІвыуапхъа – агІвычІвгІвыс адунай шихІваджъыз-
ла йдыргауа хабар.

Хийа – лъажъя змам.

5. Ауыса асабиква гвыла йапхъитІ.

– Йапхъахуз ауыси йыгІвбахауи злапшымйа?

6. Ауыса быжьхътІыла къазула йгІапхъитІ.

– АуысагІв анчваква дзрайхІвахІвуа, дзрайгвыр-
гъауа ачІвыйа?

– Ауи гвыргъарата дгІазквчважвауа йащтацауа-
та йгІашвхІва.

– Арат агІвуысакІгъи макъым рымапІ, уарадта
йырхІвитІ. УахъчІва ауат хІрыздыргІвныс хІыл-
шутІ. (Ауарадква йрыздыргІвитІ).

– Ауат ауарадква швгвапхама? Швнашх шпар-
чпа?

7. Ахъатаршыга ребусква рыдынхалра.



– спа



– джъына



– гІв

ласпа

ададжъына

тшыгІв

8. АласхІвара ддырдыритІ.

– ХІасани ХІамиди пщырхІала хІа гІархъвшитІ,
ХІасани ХІамиди ахІа абазар йыргитІ.

VI. АпхъарасахІат атема шЫц рыбагъяхра.

1. Акврыбагъяхра апхъара.

2. АлкІгІара апхъара.

– РыцІа швгвы йалалыз ажванахъаква швгІа-
рыпхъа.

VII. ЦІхъважва.

– Ауысаква лахІварата йгІашвыларцІаз апшума?

– Швнашх рыцІа йгІацтІызхйа?

– Швынхаща хвы аквшвцІа.

VIII. ПынхачІвы.

113 – 115 ан. Ауыса «Амара расхатІ» збарла йд-
дырдыритІ.

АРЫПХЪАГІВ ЙЫЗЦАУАТА

АцхърагІага апны йгІанатуа асахІат 34 ракІвым-кІвагы чІыдата жвасахІаткІ гІанатитІ. Ауи арыпхъагІв хвитагІа гІайнатитІ апрограма материал йалу агІвыраква рыуа зджъакІы (ажвасахІаткІ йалу атемаквала) йпсахырныс.

37 апхъарасахІат

АпхъарасахІат атема: БгІай баз! *Мурытыкъва Ни-колай.*

АпхъарасахІат амурадквa: агІвыра йахаргІваза-ра, бзита йзапхъауа, азцІгІараква абгата джъауап рзатуа йбжъара; агІахІвахра амагІын хъада гІаргв-ныргІвра, рчважвара, ракъыль, рдунайпшыща тша-уацІнарыхра; абызшва, апхъара бзи йдырбара.

АпхъарасахІат адгалща: апхъага, ажва баргвква зну карточка, агІвгІвы йсурат, ахъвмарщаква, алас-хІвараква, акытчаква.

АпхъарасахІат акІвшаца

I. АпхъарасахІат тшазадгалра.

(ЙагІвсыз асахІат апны йддырдырыз атшазадгал-га гІархІвитІ.)

II. ПынхачІвы рхъвыхра.

1. ЙагІвсыз асахІат апны швызпхъаз ауысаква згІвыда?

- Ауысаква кІарала йапшума? Йызлапшыя?
- ЧкІвыныргІа рзаман шпакІвдыршауа?

– АуысагІв йалкІгІата магІын хъадата йгІайырба-уайа?

– ЙыгІвбахауа ауыса ззынарху дзачІвыйа?

– Ауи гвыргъарата дгІазквчважвауа гІашвхІва.

2. Ауыса «Амара расхатІ» збарла йырхІвитІ.

III. АпхъарасахІат атема шІыц адынхалра.

1. Айчважвара акІвыршара.

– Швара апхъарта швангІайхра йшвчпауайа?

– Шванчваква кІарала швырцхърагІума?

– Ахъвмарра заман щарда аквшврыдзума?

2. Атема рахІвра (агІвгІвы йсурат дырбара).

– АгІвы йыхъазла ажва.

Ажурналист, агІвгІвы Муратыкъва Николай аквш 1941 Дарыкъвакт (Псыж) дйытІ. ЙъачІвагІала дарыпхъагІвпІ. Ауи Къарча-Черкес къралыгІва пед-институт (ужвы университет) дгІалгатІ, урышв быз-шви урышв литератури, абаза бызшви абаза литера-тури драрыпхъагІвта ъачІвагІа гІацІигатІ. Йапхъара дангІалга педучилища апны абаза бызшвали абаза литературали йайрыпхъатІ, Дарыкъвакт йыгІвбаха-уа аквтанай апхъартагы сквшыкІ дынхатІ. Ауи амщ-тахъ абаза газет щарда дынхатІ.

Муратыкъва Николай джурналист ъазата тшгІа-йырбатІ. Ауи йбзагІвраква агазет йгІанылуан, апхъагІв-чвагы ауат гвапхара ду рызрымата йнарахвуан. Аба-за литература апны жанр бзагІвра (очерк) ащаквыр-гылра йкъару алапІ. Ауи йгІацІщтраква йрыуапІ: «Адгъыл апшвымаква», «Къар», «Борч» агъиква. Асабиква рыхъаз гІвыра джъащахъва щарда йгІвытІ.

Муратыкъва Николай РФ агІвгІвчва йгы ажур-налистквa р-АдкІылараква дрылан. Ауи Къарча-Чер-кес Республикала гІатгара змаз джурналистын.

– УахъчІва хІызпхъуш агІахІвахра йалу апхъагІв чкІвын апхъарта амщтахъ йымш шигаз швгватшны-та шваздзыргІвы.

3. АгІахІвахра арыпхъагІв дгІапхъитІ.

4. Ажвар нхара.

Къврыкъв – лабапI (хоккей асга).

5. АгIахIвахра асабиква ргвыла йапхьитI.

– Маща апхьарта дангIайх йчпаз ачIвыйа?

– Ауи гвжважвагIва дзалаз ачIвыйа?

– Маща йымш шпакIвийырша?

6. АгIахIвахра къазула йгIапхьитI.

– Маща дангIайх йылахъ заквыз ачIвыйа?

– Ауи къвышрата йчпайа?

IV. Тшпсцара дакъикъа.

Мышва баба ачва йгIалкъъан,

АгIвара йгIатпшытI зынла.

МачIкI тшарычIвайын абаба

Тшахънарышвтхын йычвхтI зынла.

**V. АпхьарасахIат атема шIыц адынхалра нар-
дзахра.**

1. АлкIгIара апхьара.

– Ани апи анапшIашва рцагаща шаъаз гIалшвкI-
гIата швгIапхъа.

2. Къытча йаситI.

ТгIачвакI апны агIвайхщчва заджвы-заджв айщ-
чва рымапI. АтгIачва зъарагIв саби рымуда? (3)

3. АласхIвара ддырдыритI.

Эмма, Эмма, Эмма хвыц!

Быммаджъанын ахвыц-мыц!

БйыздыргIвы баща Эльдар,

Хъвмарга бзихвгIуштI абазар!

4. Акврыбагъахра апхьара.

– Ан лпа закIгъи зйызламхIвыз йашвхIаусыгIву
ачIвыйа?

– Маща йхIаль йаквшвауа ажвакI швапхата
йгIажвг.

– Апхьага йану асурат йгIанарбауа ззынарху запш
хъвыйа?

VI. АпхьарасахIат атема шIыц рыбагъахра.

1. АгIвыра зны йгIапхьитI.

2. Йызпхъаз ражваквала йгIархIвахитI.

3. Ахъвмарща «Ажванахъа нархъах».

Маща апхьарта дшгIайхуазбырг ... щтIайцIан, ла-
сылас Ауи амщтахъ агъыцIара йгылаз ... дызлас-
уаз алаба ... дамцIасын, ахы ... апшта Маща ...
анчIва рпны днашылхтI. Маща йлакта чкIвын ачв ...,
йпыкв хвыцгъи

VII. ЦIхъважва.

– АпхьарасахIат апны зымгIва рацкIыс йшвгвап-
хайа?

– Швара Маща йызнайыз апш шванйахъама?

– Маща дшвгвапхама? Дызлашвгвапхайа?

– Швхъа ахъазла гвыбзыгъара кIара гIалшвкIгIа-
ма?

– Швынхаща хвы аквшвцIа.

VIII. ПынхачIвы.

117 ан. АгIахIвахра бзита йзапхъауа, йырза-
гIахIвахуа тшырбжьитI.

АгIвыра сурат азырчпитI.

38 апхьарасахIат

АпхьарасахIат атема: Къвзана. *Батал Къасей.*

АпхьарасахIат амурадкIва: ауыса йахаргIвазара;
амагIын хъада гIалдыркIгIара; ауысагIв йхъвыцра-
ква гIаргвныргIвара; бзита, тамамта апхьара адын-
халра, ауыса збарла йдырдырра; рчважвара тшауацI-
нарыхра; апхьара бзи йдырбара.

АпхьарасахIат адгалца: апхьага, къвзана сурат,
ажважкIва, рчважвара тшауацIнарыхрала цхърагIа-
га материал, акытчакIва, ахъвмарщакIва.

АпхьарасахIат акIвшваца

I. АпхьарасахIат тшазадгалра.

II. ПынхачIвы рхъвыхра.

1. АзцIгIаракIва джъауап рытра.

- Швпны швызпхъаз ачІвыйа?
- Ауи згІвыда?
- АгІахІвахра гІазквчважвауа дзачІвыйа?
- Маща йызнайыз ачІвыйа?
- Ауи йан дызгІаймайсыз йашвхІаусыгІвайа?

2. АгІахІвахра асабиква гІапхъитІ, ражваквала йгІархІвахитІ.

3. АрыпхъагІв агІвыра йазырчпаз асуратква йырхъвыхитІ.

III. АпхъарасахІат атема шІыц адынхалра.

1. Къытча йаситІ.

Мачва шІыц – цІгІва кІынхІара. (*Къвзана*)

- Акъвзана асурат дйырбитІ.
- Йыздыруада акъвзана йаларчпауа?
- Ауи йшаланхауа жвбахъама?

Ашыла пІайрата йалу зымгІва зрыцкъауа акъвзана акІвпІ. Ауи амцтахъ акІвпІ ашыла анмажвадзахауа.

ЙызхІварыда ашыла йгІалырхуа? Ауат ашарабзараква айшва йгІаквылра ахъазла нхара, къару щарда атахъыпІ.

Йыздыруада ачІахъва йшадынхалуа? ЙгІашвшвыргвалашвах.

Атема рахІвра.

3. Ауыса «Къвзана» арыпхъагІв дгІапхъитІ.

– АуысагІв акъвзана уыста йархъйауа зшІйырпшуа ачІвыйа?

4. Ауыса асабиква ргвыла йапхъитІ.

– АуысагІв «Адунай ташвушта къвзанакІ скІында» – зихІвауайа?

5. Ауыса къазула асабиква гІапхъитІ.

– «Адунай апІайраква азскІкІрынта, нышвкъварата йкІаспсарын» анихІвауа ауысагІв дыззхъвыцуа ачІвыйа?

IV. Тшпщара дакъыкъа.

Ква гІаквитІ, ква гІаквитІ –

ЙгІагІвитІ адзычвкІварква,

Ква гІаквитІ, ква гІаквитІ,

ЙгІакІажжитІ жвгІвандаквла...

V. АпхъарасахІат атема шІыц адынхалра нар-дзахра.

1. Ауыса ужвыгы зны йгІапхъитІ.

2. Збарла йддырдыритІ.

3. Ахъвмарща (викторина) «Йыздыруада?»

– Бастачпага (блахъ), амшІы йгІалху дзыжвга (квпІигъва), квчарта (айшва), амажвадза рыгІвга (чашврыгІвга), мачванкъвгага (чаргъва).

VI. АпхъарасахІат атема шІыц рыбагъяхра.

1. Акврыбагъяхра апхъара.

– Ауыса амагІын хъада гІалшвкІгІа.

2. АласхІвара ддырдыритІ.

– АуагІа рыхъаз бзиракІ ха,

Бзира згвыгъам йуыс тарха!

VII. ЦІхъважва.

– АпхъарасахІат апны шІыцрата йызжвдырйа?

– Ауыса «Къвзана» лахІварата йгІашвыланацІа-уайа?

– Швынхара хвы аквшвцІа.

VIII. ПынхачІвы.

119 ан. Ауыса збарла йддырдыритІ.

39 апхъарасахІат

АпхъарасахІат атема: Мцырби. Гвагва луатра. *ХІачвыкъва Аминат.*

АпхъарасахІат амурадква: ауысаква йрыхаргІва-зара; ауат рмагІын хъадаква гІалдыркІгІара, йгІазквчважвауа ашІырпшра, йызлапшым гІаргвныргІвара; рчважвара тшауацІнарыхра, анхара, апхъара бзи йдырбара.

АпхъарасахІат адгалща: апхъага, ажва баргвква зну карточка, атема йаквнагауа сурат, ажважквва, ахъвмарщаква.

АпхъарасахIат акIвшаца

I. АпхъарасахIат тшазадгалра.

ЙхIшардапI уыс хIара уахъчIва,
Азамангъи йцитI ласчва.
ХIахъвапI уыскI йызлу файда,
АхачIкIва хIыргъйапI ласдза.

II. ПынхачIвы рхъвыхра.

Пын хачIвыта йшвымазйа?

Ауыса «Къвзана» апны гвынгIвыра хъадата йгIал-
швкIгIайа?

Ауыса збарла йгIархIвитI.

III. АпхъарасахIат атема шIыц адынхалра.

1. Ажважв «ЙчIвата йрымбаз дгылын тшдйыр-
батI» ззырхIвауа шпагIашвгвынгIвуа?

2. Айчважвара акIвыршара.

– ХIаль пшдза ззырхIвауа йгIацIанакIуа ачIвыйа?

– АгIвычIвгIвыс йбзира зларшвауа ачIвыйа?

– Йшпажвбауа, ахъартшхъвара агIвычIвгIвыс
йхIаль арыпшдзума? Йауа?

3. Ауыса «Мцырби» арыпхъагIв дгIапхытI.

– Ауыса ахъыз шпагIашвгвынгIвуа?

4. Ауыса асабиква къазула йгIапхытI.

5. Ауыса гIазквчважвауа шрылархIваз рхъвыхра.

– Мцырби МухIарби йайхIвуаз ачIвыйа?

– Ауи швапха гIазхъых амуаш хIальта йылазйа?

– Ауи ауыса апны йзлагIарбайа?

6. Суратла нхара (апхъага йаныпI).

– Асурат апны йыжвбауайа?

– Мцырби дшпагIарбу?

– ЙыздзыргIвуа асабиква рнашкIва шпажвбауа?

– Йшпажвбауа, апхъага знапIыцIата йгылу ап-
хIвыспа чкIвын дызпшвырхъыччауайа?

– Мцырби йхIвакIвауа йыгIвзачIва йхъарцIума?

– Ан лсурат шпагIарбу?

7. Акврыбагъбахра апхъара.

– Мцырби йапшу ачкIвын «гIальмат» йыхъазла
ан лхъа знакъвуаз йашвхIаусыгIваз ачIвыйа?

– Ауи йхIаль йакIвнагауа ажвакI швапхата
йгIажвг.

IV. Тшпещара дакъыкъа.

Ухъышв гIатIы ласыта,

Амара гIажъыл.

Ашв гIатIы ласыта,

АхIауа гIажъыл.

«Хвырчв» – хIва угIакIапата

Ачварта уызлу

Тшхъагыл, учIва, тшрычIвай,

Уас напIы, тшхъыркIы.

Уща нкъвца-гIанкъвцата.

Абзаара уапыл!

V. АпхъарасахIат атема шIыц адынхалра нар- дзахра.

1. АласхIвара ддырдыритI.

– Хъамабзи, Хъамабзи,

ЙаквицIитI йхъа абзи.

2. Кытча йаситI.

– ХъамышвкI йышва дада дчIвапI,

Ауи дзыртIлауа йкIайчвитI ладзы. (*Джъымцы*)

– АхIаса апны сгIайитI сара,

СчIврыпI, схъагIапI, сгIважъаквыршвыпI.

(*Швхы*).

– СхвыцI, сблитI, аджъымцы сащайцIбапI.

(*Джъыш*)

– Арат зымгIва уатралыцIпI. АхIаса апны йгIа-

йитI, хIрызкъы хъагIата йырчпитI.

– Швара датшагъи уатралыцIта йыжвдыруайа?

– Швара хIаса швчпума? Ауат швшпархъпшуа?

3. Ауыса «Гвагва луатра» арыпхъагIв дгIапхытI.

4. Ажвар нхара.

ДазГашыкыпI – швабыжта йтахъыпI.

5. Ауыса асабиква ргвыла йГIапхъитI.

– Ауыса апны Гвагва дшпаГIарбу?

– Ауи дшуысхаГIву узырбауа ачIвыйа?

6. БыжъхътIыла къазу-къазу асабиква гIапхъитI.

– Йшпажвбауа, Гвагва лтшыГIвра збайахаз ачIвыйа?

7. Ахъвмарща «Ажва чIыда».

– Ажваква рпны йчIыду ажва ласыласта йГIара-уитI.

Швхы, цыца, кIартIоф, джъымщы, чIва, кIамбыс-та, пIатIражана, наша.

– АчIвыйа ауи зчIыду?

VI. АпхъарасахIат атема шIыц рыбагъяхра.

1. Акврыбагъяхра апхъара.

– Асабиква агIвуысакIгъи йГIарыпхъитI.

– Ауат гIазквчважвауа афырква рхIальква апшыпI ухIва ауашма? Йауа?

2. Ауыса «Мцырби» ахъвквакI збарла йддырды-ритI.

VII. ЦIхъважва.

– Швара ауысаква швгвапхама?

– Ауат йрылу запш фырйа швзапшхара швтахъу?

– Ауысаква хъатахъвыцрата йГIарылшвкIгIайа?

– Швынхаща хвы аквшвцIа.

VIII. ПынхачIвы.

120 – 122 ан. Йыргвапхаз ауысакI збарла йддыр-дыритI. УатралыцIквкI рсурат рчпитI.

40 апхъарасахIат

АпхъарасахIат атема: ЙыздыритI... . *Мураты-къва Николай.*

АпхъарасахIат амурадква: агIахIвахра йахаргIва-зара, агIвгIвы магIын хъадата йГIайырбаз гIалдыркI-гIара; турасыла апхъаща рыбагъяхра, афырква

рхIальква, ршанква рзыбауа йбжъара; рчважвара тшауацIнарыхра, рцри бызшва бзи йдырбара.

АпхъарасахIат адгалща: апхъага, ажважквва, ахъвмарщаква, акытчаква, рчважвара тшауацIна-рыхрала цхърагIага материал.

АпхъарасахIат акIвшаща

I. АпхъарасахIат тшазадгалра.

(ЙагIвсыз асахIат йддырдырыз атшазадгалга рхIвитI)

II. ПынхачIвы рхъвыхра.

1. АзцIгIараква джъауап рытра.

– ПынхачIвыта йшвымазйа?

– Ауат ауысаква згIвыда?

– АуысагIв луысаква рпны дгIазквчважвауайа?

– Афыр Мцырби швгIайыквчважва.

– Ауи Гвагва дызлалапшымйа?

– Гвагва лтшыГIвра збайахаз ачIвыйа?

2. Ауыса збарла йГIархIвитI.

3. Суратта йдрыхIазырыз арыпхъагIв йырхъвыхитI.

III. АпхъарасахIат атема шIыц адынхалра.

1. Ажважв «Ауасаражв дызлардыруа акъылыпI» ззырхIвауа алдыргитI.

– Уасаражв ззырхIвауа щарда збаз, щарда загIаз гIвычIвгIвыс гвыбзыгъапI. Урышвла «мудрый чело-век» рхIвитI. АгIвычIвгIвыс дангвыбзыгъазара йа-къыль цIарапI, щарда йдыритI, къвышрагъи йылапI, йауаш ауыскагъи дшгIарыцIсуаш йдыритI.

УахъчIва хIызпхъуш агIахIвахра апынгъи уаса-ражвраквкI хIрынйуштI. Швгватшныта швдзыргIв-уазтын ауасаражв зынла дшвызгIалкIгIуштI.

2. Атема рахIвра.

3. АгIахIвахра «ЙыздыритI» арыпхъагIв дгIа-пхъитI.

4. Ажвар нхара.

Къазан сабын – урышвла «Хозяйственное мыло».

5. АгІахІвахра асабиква кьазула йгІапхьитІ.

- АгІахІвахра «ЙыздыритІ» – хІва йзахьызыа?
- Акъала тдзы йтаз агвлачва рбзазаца шпаъаз?

6. Кьытча йаситІ.

- АгІвыбыхъвкІ шыла гІарбыжьпІлитІ. (Лу – гвадз лагага)

IV. Тшпсцара дакъикъа.

(Йддырдырыз атшпсцагала йынхитІ)

**V. АпхъарасахІат атема шІыц адынхалра нар-
дзахра.**

1. Турасыла апхъара.

- АпхІвыс шІа нана дызлалыхІваз ачІвыйа?
- Нана лчхІара швпажвба?
- Ауи лхІаль апны рыцІа швхъызхыз ачІвыйа?

2. Ажважв «Ушыла ъаным, ублахъ уымган» ззыр-
хІвауа алдыргитІ. (Ууыс злам уаламлын, йууысым
нкъвуымган ззырхІвауа гІаныцІитІ. Йа уыс ъауымам
уымцан).

VI. АпхъарасахІат атема шІыц рыбагъяхра.

1. Акврыбагъяхра апхъара.

- АпхІвыс шІа лхІаль нана лхІаль йашІуырпшы
ауашма?

– Нана апхІвыс шІа лтара дшталырчІваз агІвгІвы
йшпагІайырба? Ауи асатырква гІашваута швгІапхъа.

– Швара аквтІужьы ашвыджьы шырчпауа гІашв-
гвынгІвыма? ЙгІашвхІва.

- Датша абаза рызкъыта йыжвдыруайа?

2. ЧквтІу Микаэль йласхІвара «Абаза рызкъква»
збарла йддырдыритІ.

– Дзырдза, баста, жьычІ, хырчІвы, квтІужь, ма-
мырса, квтІагъьджь, ашвы, мгьал, чамыква, цца,
хырчІвбаста.

Швара йыжвдыркауагъи швхІва, датша йаъа-
квугъи швшвырдыр.

3. АгІахІвахра ражваквала йгІархІвахитІ.

VII. ЦІхъважва.

- АпхъарасахІат апны джьащахъварата швзын-
йайа?

– ЗымгІва рацкІыс йшвгвапхайа?

– Швхъа ахъазла гвыбзыгъарата йгІалшвкІгІайа?

– Швынхаца хвы аквшвцІа.

VIII. ПынхачІвы.

123 ан. АгІахІвахра бзита йзапхъауа, йырза-
гІахІвахуа тшырбжьитІ.

41 апхъарасахІат

АпхъарасахІат атема: ЛыгажвкІ дгІамгІвайситІ.
Къмыш Амин.

АпхъарасахІат амурадква: ауыса йахаргІвазара,
ауысагІв цІас пшдзата йгІайырбауа гІалдыркІгІара,
рапхъаца агъьчІвра; ахІбачва йырзынарху ацІас
бзиква рыладыркІра; рчважвара тшауацІнарыхра,
абызшва, апхъара бзи йдырбара.

АпхъарасахІат адгалца: апхъага агІвгІвы йсурат,
рчважвара тшауацІнарыхрала цхърагІага материал.

АпхъарасахІат акІвшаца

I. АпхъарасахІат тшазадгалра.

Абаза ажва хІыбыз йыкву,
Йагымхауа хІара хІшІа,
УрылазтІ анцІрагъи хІа хІуысква
ХІа хІабаза бызшва пшдза.

II. ПынхачІвы рхъыхра.

1. Муратыкъва Николай йгІахІвахра гІазквчва-
жвауа ачІвыйа?

– АпхІвыс шІа нана дызлалыхІваз ачІвыйа?

– Нана лхІаль бзирата йгІалшвкІгІайа?

– Ауи апхІвыс шІа лхІаль йашІуырпшы ауашма?

2. АгІахІвахра йгІапхьитІ, йгІархІвахитІ.

III. АпхъарасахІат атема шІыц адынхалра.

1. Айчважвара акІвыршара.

– ЙзачІв уагІахъазлакІгъи дара рхабза рымапІ. Ауат йщаквгылу ахабзаква пха уыквта, ъадаби намыси уымата ушгІадзынгылуаш уазырбжытІ. Ъадаб-намыс гІазырбауа ацІасква сквш щарда цІитІта йгІамгІвайситІ. Ауат ауагІа рбазара йалапІ, гІвычІв-гІвысагІара алагІадырбитІ.

2. Швара ашІаквагъи ацІас бзиква швылашвкІра атахъыпІ. ЙалкІгІата ахІбара-айцІбара жвдыруата, бзири гвымхари швзалкІгІауа швгІадзынгылра атахъыпІ. НыбыжъкІ нызцІыз ахІбачва рбазара ау-рала ъадаб-намыс нкъвыргауа йгІамгІвайситІ. Ауат йдырхІаз ашвапхаква швара швыхъаз бзазагапІ. Ауат ацІасква хвы рыквшвцІа, йшвхча.

3. Атема шІыц рахІвра.

4. Ауыса «ЛыгажвкІ дгІамгІвайситІ» арыпхъагІв дгІапхьитІ.

– АуысагІв йгІайырбаз ачІвыйа?

5. Ауыса асабиква ргвыла йапхьитІ.

– АуысагІв «Лабала йзумца дгІамгІвайситІ» зсихІвауа ачІвыйа?

6. Ауыса къазула йгІапхьитІ.

– Ажважв «АхІба дпщдзатын, дпщдзахитІ айцІбагъи» – йгІаныцІуа ачІвыйа?

– АгІвычІвгІвыс йшІахъа гІваца акІвма йпщдза-зара атахъу? Швхъвыцпраква гІашвхІва.

IV. Тшпсцара дакъыкъа.

Амара, мара, угІапха,

Унур пхаквала хІгІакІвырша!

АгІайыраква тшгІацтІышвх,

Амара йазшврау швбыгъьква!

V. АпхъарасахІат атема шІыц адынхалра нар-дзахра.

1. Ауыса зны йгІапхъахитІ, логика щтІыхраква гІалыркІгІитІ.

– АуысагІв дыззхъвцуаз ачІвыйа?

2. Рчважвара тшауацІнарыхрала тшарыщцара.

АпщсатыркІ ЛагІвычв Джъамлъадин йуыса йгІал-ху збарла йддырдыритІ.

– Зны угІашІаста угІадзыргІвы,

ЦІаста йшхІыму гІаугвныргІвы.

АйцІба ахІба дшйыздыргІвуа,

Йажва хвырчвхІва йшдырхъйауа.

ЙгвыншвкІыл: АхІба йгъйайбжъум – йайкъангъа-шитІ.

VI. АпхъарасахІат атема шІыц рыбагъахра.

1. Акврыбагъахра апхъара.

– Швара швахІбачва швпарзаъу?

– АхІбачва йырзынархата абаза цІаста йыжвдыр-уайа?

2. ЙгвыншвкІыл, ари гвбзыгъара хъвыцпрапІ: уани уаби шубауа акІвпІ усабиквагъи ушырбахуаш.

VII. ЦІхъважва.

– АпхъарасахІат апны гвыбзыгъарата швзын-йайа? Бзирата йгІалшвкІгІайа?

– ШІыцта йыжвдырйа?

VIII. ПынхачІвы.

126 ан. Ауыса збарла йддырдыритІ. Абаза цІас-квакІ дрыхІазыритІ.

42 апхъарасахІат

АпхъарасахІат атема: Къазар. *Щбзыхва Лариса.*

АпхъарасахІат амурадква: ауыса йахаргІвазара; апскІъара, хІарамра агІвычІвгІвыс дшамрыпщдзауа гІаргвныргІвра; тамамта рапхъаца щцалраква рыба-гъара, рчважвара, ракъыль, рхъвыцпраква тшауацІ-нарыхра; апхъара бзи йдырбара, акъазарра хъара йа-чвыргылра.

АпхьарасахІат адгалща: апхьага, рчважвара тшауацІнарыхрала цхърагІага материал: ласхІвара, ажважв, ахъвмарщаква, ажва баргвква зну карточка.

АпхьарасахІат акІвшаца

I. АпхьарасахІат тшазадгалра.

– АпхьагІвчва хвыцква – чкІвынчва бзипІ,
АпхьагІвчва хвыцква – хІвсыса бзипІ –
ЙапхьитІ бзита, бзита йгІвитІ,
Дырра шхъахъву гІаргвынгІвитІ.

II. ПынхачІвы рхъвыхра.

1. Ауыса «ЛыгажвкІ дгІамгІвайситІ» гІазквчва-
жвауа ачІвыйа?

2. АуысагІв йгІайырбара йтахъыз швызгІалкІгІа-
ма? АчІвыйа?

3. Абаза цІаста швызквчважварныс йшврыхІазыр-
йа?

4. Ауыса збарла йгІархІвитІ.

III. АпхьарасахІат атема шІыц адынхалра.

1. Айчважвара акІвыршара.

– Абзара апны швара рыцІа хъадата йшвпхъа-
дзауайа?

– АгІвычІвгІвыс млыквума дызлабайазара
атахъу? Ауи швара швшпалапшуа?

2. Атема рахІвара.

3. Ауыса «Къазар» йахаргІвазара.

– Ауыса ахъыз йгІаныцІитІ пскІа, хІарам.

4. Ауыса арыпхьагІв дгІапхьитІ.

5. Ажвар нхара.

Башы – хІвара пшка, рщапІква дырпхара ахъазла
апхъала амгІаква йыртарцІун.

6. Ауыса асабиква гІапхьитІ.

– Ауыса гІазквчважвауа ачІвыйа?

– Батгъари млыкв ду шйымугъи ауысагІв «арыц-
хІа» – хІва йзылхІвауа ачІвыйа?

– Папсара йымдыруата дыззынхуз йашвхІаусы-
гІваз ачІвыйа?

IV. Тшпсцара дакъикъа.

(ЙагІвсыз асахІат йддырдырыз атшпсцага гІад-
рысабапитІ).

**V. АпхьарасахІат атема шІыц адынхалра нар-
дзахра.**

1. АлкІгІара апхьара.

Батгъари йкъазарра узырбауа асатырква гІашвау-
та швгІапхъа.

2. Ажважв адынхалра.

– АгІвычІвгІвыс псынамхъа атенгъызгъи дахъыб-
ритІ. (тшахъигІвитІ, квы аквицІитІ).

– Ари ажважв йгІанахІвауа шпагІашвгвынгІвуа?

3. Ахъвмарща «Ргыларта гІашваух».

4. Ажваква рпны ахІарыфква ргылартаква андыр-
гІалхитІ.

КЪРАЗА, МЫКВЛ БЫАШ БТАИГЪАР
(къазар) (млыкв) (башы) (Батгъари)

VI. АпхьарасахІат атема шІыц рыбагъахра.

1. Акврыбагъахра апхьара.

– Йшпажвбауа, акъазарра агІвычІвгІвыс да-
рыпщдзума?

– Батгъари йчгІвычаща швгІаквчважва.

2. Ауи узырбауа асатырква гІашваута швгІары-
пхъа.

– Швара Батгъари дшвымарыцІахама?

VII. ЦІхъважва.

– ХІызпхъаз ауыса швыззнабжъа ачІвыйа?

– Ауи швнашх шпачпа?

– Абзара апны швйынйахъама кІаразын Батгъа-
ри йапш къазар?

– Батгъари йбзазаща уайхІвапсушта йаъума?

VIII. ПынхачІвы.

127 ан. Ауыса бзита йзапхъауа тшырбжъитІ. Ате-
ма йазынарху ажважвквкІ дрыхІазыритІ.

43 апхъарасахлат

Апхъарасахлат атема: Атаца лырчважваща. *ЧезыкIа ШахIымби*. Абаза пхIвыспа. *XIачвыкIа Аминат*.

Апхъарасахлат амурадкIа: агIвыракIа йрыхаргIвазара; цIаста хIуагIахъа йынкIвыргакIауа рыхъйаща гIадыргIвалашвахра, апхIвыспа даъазлара шатахъу гIаргIвныргIвIра, ауат ацIас бзикIа рхчара йшазабакIуаш йазыбжъара; рапхъаща агъьчIвIра, рчважвара тшауацIнарыхра.

Апхъарасахлат адгалща: апхъага, ажва баргIкIа зну карточка, апхъанчIви заман ауагIа рчгIвычакIа зну сурат, ажважкIа, агIвсатыркIкIа, ахъвмарщакIа.

Апхъарасахлат акIвшаца

I. Апхъарасахлат тшазадгалра.

(ЙагIвсыз асахIат йддырдырыз атшазадгалга гIадырысабапитI.)

II. ПынхачIвы рхъвыхра.

1. АзцIгIаракIа джъауап рытра.

– Ауыса «Къазар» згIвыда?

– Ауи гIазкIвчважIауа ачIвыйа?

– АуысагIв акъазар дызлымарыцIаIа?

– Ауи йпскIъара шпагIалырбауа?

– Акъазарра агIвычIвгIвыс дарышдзума, момкIа дацанакIума?

2. Ауыса «Къазар» йгIапхъитI.

3. АжважIа йдрыхIазырыз йрыкIвчважIитI.

III. Апхъарасахлат атема шIыц адынхалра.

1. АйчIажIара.

– АжважI «Акъыль акIвшара насыпрапI» ззырхIауа шIшпалапшуа?

АунагIа апны акъыль акIвшара шIабыжIа магIын ду амапI. АпшIагIылра, амакIра аъамкIа азадIа

йхIваз, йа йчпуш анахъани азадIа йацIкIра атахъыпI. АгIвынгIыра рызбжъата йырхасуаш ауыскIала йангIалра атахъыпI.

2. АгIвыра «Атаца лырчважIа» арыпхъагIв дгIапхъитI.

3. Ажвар нхара.

Абхъа – атаца лхъапщыла йаба, урышIла «свекор».

УагIыырлы – урышIла «добрий».

4. АгIвыра асабикIа гIапхъитI.

– ШахIым йтаца лырчважIара пасата йызгIалайгаз ачIвыйа?

– Щаца ауи лырчважIара злымуазIа?

5. АгIвыра турасыла йгIапхъитI.

– АгIвыра йалу ажважI «УасакIла йдырчважIата, махтшакIла зшIа ркIыхыз» ззырхIауа шпагIашIвгIынIуа?

– ДатшагIи йзапш цIаскIвайа амчыбыжъ ауацIа ШахIым йырхъйушыз?

6. АкIврыбыгъахра апхъара.

– ШахIым йнашх бзи йашIвхIаусыгIву ачIвыйа?

– Ауи йтаца пшдзарата йлылазIа?

7. АлкIгIара апхъара.

– ШахIым дшлыгажI айрышу узырбауа асатыркIа гIашIаута шIвгIапхъа.

IV. Тшпещара дакъикъа.

(ЙагIвсыз асахIат йддырдырыз атшпещара гIадырысабапитI.)

V. Апхъарасахлат атема шIыц адынхалра нардахра.

1. ШахIым йтаца шIапха гIазхъых ауаш дтацума?

– Ауи апхIвыс, атаца дшаъазлара атахъу, ахабIаква шынкIвылIауа йгIанарбитI ауи шIви пхи шлыкIу, акъыль шлыму. ЙаргIи ауи акIвпI акъыль акIвшара насыпрапI ззырхIауа.

2. Ауыса «Абаза пхІвыспа» йахаргІвазара.

3. Ауыса арыпхъагІв дгІапхъитІ.

4. Ажвар нхара.

ЦІас – ауагІа йаларцІаз, йщаквдыргылта йынкъвыргауа ахабзаква.

5. Суратла нхара.

– Асурат йану апхІвыспа дшпагІвычу?

– Швара ауат ачгІвычаква рыхъызква жвдырума? ЙгІашвхІва. (хъылпа, ьахвтан, хІвынчІвра (нагрудник), мъа, цІахъцІацІа, бляфа йа лъудан). Ауат зымгІва хъапц, рызнала йрыпщдзан. Датшагъи чгІвычата йынкъвыргуз рсуратква йырпшитІ.

6. Ауыса асабиква гІапхъитІ.

– АуысагІв абаза пхІвыспа дызшІлырпшуа ачІвыйа?

– Ауи ахІбачви айцІбачви дшпарзаъу?

– «Йылзышвчпа чІахІ ду хъылпа зхъу» – хІва ауысагІв тшыззыналырхауа дзачІвыйа?

7. Акврыбагъяхра апхъара.

– АпхІвыспа ьадаби намьси шлыму узырбауа ажваква швгІарыпхъа.

– Ауи лхІалъ апщдзара, абзира узырдыруа ьагІарбу асатырква гІалшвкІгІата швгІапхъа.

8. Ахъвмарща «ШвызгІапхъума?» акІвдыршитІ.

– Арат ажваква ацІыхъвала швгІалагата швгІарыпхъа: ыжвмыкІв, ашаф, надуль, аъм, арчІвныхІв (КІвымжвы, фаша, лъудан, мъа, хІвынчІвра)

– Ужвыгъи зны арат ажваква швхІвах, йгІарныцІуа гІашвшвыргвалашвах.

VI. АпхъарасахІат атема шІыц рыбагъяхра.

АгІахІвахра гІазквчважвауа ражваквала йгІархІвахитІ.

Ауыса тамамта, быжъхътІыла ужвыгъи зны йгІапхъахитІ.

VII. ЦІхъважва.

– АпхъарасахІат апны шІыцрата йыжвдырйа?

– Ажважвта хІыздынхалыз хІтема йазынархума?

– Швара рыцІа йшвгвапхайа?

– Ауат агІвыраква гвбзыгъарата йгІарылшвкІгІайа?

– Швынхаща хвы аквшвцІа.

VIII. ПынхачІвы.

129 – 131 ан. АгІахІвахра бзита йапхъауа, йызпхъаз рзагІахІвахуа тшырбжъитІ. Ауыса збарла йддырдыритІ.

44 апхъарасахІат

АпхъарасахІат атема: АуагІа ршІалахІвара шгІащаквхуз. Щхъа цІас. Абаза гІвна. Асасчва ррайгвара. *Джъгватан Къалы.*

АпхъарасахІат амурадква: агІвыраква, ауагІа ршІалахІвара шгІащаквхаз йахаргІвазара; ауагІа ртурых, рцІасква шырхчуз гІаргвныргІвра; агІвыраква рмагІын хъада гІалдыркІгІара, рапхъаща агъьчІвра; ачважвара апны щардала йгІахІымрысабапуа ажваква гІаргвныргІвра, ауат рыдынхалра; апхъара бзи йдырбара.

АпхъарасахІат адгалща: апхъага, атема йаквнагауа асуратква, ажважкква, ажва баргвква зну карточка.

АпхъарасахІат акІвшаца

I. АпхъарасахІат тшазадгалра.

II. ПынхачІвы рхъыхра.

1. ЧвзыкІа ШахІымби йгІвыра «Атаца лырчважваща» апны йалаз ажважкква гІалшвкІгІа.

– АгІахІвахра апны абаза цІаста йгІазквчважвауайа?

– ШахІым йхІалъ шпагІарбу?

- Шаца ауи кIарала дипшIагылма?
- Ауи лаъаща йгIанарбауа ачIвыйа?

2. АгIвыра асабиква гIапхьитI.

3. Ауыса «Абаза пхIвыспа» збарла йгIархIвитI.

– Абаза пхIвыспа ъадаби намыси шлыму ауыса апны йзлагIарбу шважваквала йгIашвхIвах.

III. АпхьарасахIат атема шIыц адынхалра.

1. Айчважвара акIвыршара.

АуагIа ршIалахIвара ззырхIвауа йызнымкIва йагIвсыз асахIаткIва хIрыквчважватI.

Адунай уагIата йыкву зымгIвагьи шIалахIвара рымапI: кытча, ажважв, ашва, гъыбза, хабар, локI. Ауат ауагIа рбзазаща гIадырбитI: рчгIвычаща, рызкыта йырмацIауаз, хабза пшдзата йынкъвыргуз, ауасамца. УахъчIва ауагIа ауат абайара шырзагIахчаз хIалачважвуштI.

2. Атекст «АуагIа ршIалахIвара шгIащаквхаз» арыпхьагIв дгIапхьитI.

3. Ажвар нхара.

ЙгьармумызтI – закIгьи рзымчпауата йгъаьамызтI.

4. Асабиква атекст йгIапхьитI.

– Ажважв «Зтурых зрыдзуа йхъагьи йрыдзитI» йгIаныцIуа шпагIашвгвынгIвуа?

– АуагIа ртурых шпархчуз?

5. «Щхъа цIас» арыпхьагIв дгIапхьитI.

6. Ажвар нхара.

Дауара – амакIра.

Да уыламызтын – убагъаамызтын.

Алым – бна швырпI, урышвла «барс».

Гъсайырым – закIы гъазхIвам.

Мчымхъара – къару амамызлара.

IV. Тшпсцара дакъикъа.

Абна йылаз ажираф

АцIла хъыккIва зымгIва афтI.

ЙшгIамгIвайсуаз ахъвдачIвры

Кыбта йаъазгьи чвнаркIврытI.

Адзтагыла танарбан,

ЙыгIвуа, йыгIвуа акытла йцатI.

ЙшитI алачкIвынгьи «ГIаф-гIаф!»

ЙгIашIашвкIыйа ажираф!

Анса ФатIумат

V. АпхьарасахIат атема шIыц адынхалра нар-дзахра.

1. Атекст «Щхъа цIас» асабиква гIапхьитI.

– Мшышта апсабара дшпаквчважвауа агIвгIвы?

– ДзачIвызлакIгьи ауаъа дыззымбзазуш ачIвыйа?

– Щхъа час ззырхIвауа ачIвыйа?

– Йшпажвбауа, щхъа час ззымфуата агIвгIвы дгIазквчважвауа дзачIвыйа?

2. Атекст «Абаза гIвна» арыпхьагIв дгIапхьитI.

3. Ажвар нхара.

(АрыпхьагIв асураткIва дйырбитI.)

Уарджьякъ – лгIва тыцIырта.

Рахчына – ачуан зхъырдуз, йзлакIнархIуз айха пшвахIв (цепь).

ТшгIва – мца ацIхъыйырта, урышвла «очаг».

КIьарышвта – мачва, ъамапсыма квыргылырта.

ГIва – айхаквпшыра, урышвла «олово».

Джъаз – айхаквпшыра, урышвла «медь».

– Швара ужвы азаман агIан агIвна адгалща швгIаквчважва. АгIвгарата йрымайа?

4. Атекст асабиква гIапхьитI.

– АгIахIвахыгIв Уатауыщ йапхъа агIвна дзнамшылыз ачIвыйа?

5. АласхIвара ддырдыритI.

Асы йхънагIватI зымгIва, зымгIва,

Асы щардапI – щардапI тшыгIвра.

6. Атекст «Асасчва ррайгвара» арыпхьагIв дгIапхьитI.

7. Ажвар нхара.

Атшхъапара – атшкIва ркIыдхIвалырта.

МхIара – йазалху пещ.

Пвадза – абахсыма йапшта рыцІа йымчу жвчІвыпІ.

Пигвал – хъпшылыгІв, ахІ йыкІадыгв йахъпшуа.

8. Атекст асабиква гІапхьитІ.

– Асасчва Мзышта йшпатал?

– АхІ йпигвал асасчва шпайрайгва?

Ауи йъагІаквчважвауа асатырква гІашваута швгІапхъа.

9. Акврыбагъахра апхъара.

– Апигвал асасчва ззгІайыз анбайдыр?

ЙгІалшвкІгІата швгІапхъа.

– Асасчва шпанардасх?

– Ари анйара абаза цІас йшахІвауа апшта йакІв-шама?

VI. АпхъарасахІат атема шІыц рыбагъахра.

1. Хъвмарца – викторина «Ласыта ухъвыц!»

– ЛгІва тыцІырта? (*уарджъакъ*)

– КІара зламдзауа, щарда ззымчІауа. (*ладзарада*)

– Чуан кІныхІага. (*рахчына*)

– Мца ацІхъыйырта. (*тшгІва*)

– Мачва квыргылырта. (*кІарышвта*)

– Щарда нызцІыз, щарда збаз, щарда здыруа. (*уа-саражв*)

– АмакІра. (*дауара*)

– ПскІа, хІарам. (*къазар*)

2. Атекстква гІазквчважвауа ражваквала йгІархІвахитІ.

VII. ЦІхъважва.

– Джьгватан Къальи йгІвыраква рпны йгІайыр-бауа ачІвыйа?

– Швара гвыбзыгъарата йгІалшвкІгІайа?

– Швара датшагъи абаза цІаста йыжвдыруайа?

VIII. ПынхачІвы.

132 – 135 ан. Атекстква бзита йзапхъауа, йырза-гІахІвахуа тшырбжъитІ.

45 апхъарасахІат

АпхъарасахІат атема: ХъацІара утахъызтын. *Джьгватан Къальи*. Бжъара. *ЧквтІу Микаэль*. Пхам-ща. *ЛагІвычв Джьамльадин*.

АпхъарасахІат амурадква: ауысаква йрыхагІва-зара, ауат рпны хъвыцра хъадата йалу гІалдыркІгІа-ра; ужвыгъи зны ацІас бзиква гІаддыргвалашвахитІ; турасыла апхъара щцалраква рыбагъахра; рчважва-ра, рхъвыцраква тшауацІнарыхра; бзира-гвымхара, ахІбара-айцІбара гІаргвныргІвра.

АпхъарасахІат адгалща: апхъага, ажва баргвква зну карточка, ажважквва, аласхІвараква, ажва цІа-раква.

АпхъарасахІат акІвшаца

I. АпхъарасахІат тшазадгалра.

Абар ужвыгъи хІапхъарасахІат ХІазнакІкІыхын къахвта хІыгІвначІвапІ.

ХІыбызшвала хІчважвара зымгІва АлахІ хайырта хІыквицІаргІатІ мгІва.

II. ПынхачІвы рхъвыхра.

1. ЙагІвсыз асахІат апны швызпхъаз ачІвыйа?

– Джьгватан Къальи йгІвыраква рпны дгІазкв-чважвауа ачІвыйа?

– Щхъа час ззымфуата агІвгІвы дгІазквчважвауа дзачІвыйа?

– Швара датшагъи абаза цІаста йыжвдыруайа?

2. АгІвыраква асабиква гІапхьитІ.

III. АпхъарасахІат атема шІыц адынхалра.

1. Айчважвара.

– Швара швахІбачва йырзышвчпума чІахІ? Швап-ха гІажвг.

– ХъацІара ззырхІвауа шпагІашвгвнгІвуа?

Апхъарта апынгъи йгІауырба ауаштІ хъацІара: бзита арыпхъагІвчва урыздыргІвуа, удерсква удыр-

уа, ухІаль пшдзата, ахІбачва йгІауархІвуа уылаукІта бзита уапхьарквын – ауи хъацІара дупІ. Ауаса уым-дзыргІвызтын уыхъыз «ПхамцапІ». УахъчІва хІызп-хъуш ауысаква згІвыз ауысагІвчва йгІадырбаз ауат ракІвпІ.

2. Ауыса «ХъацІара утахъызтын» арыпхъагІв дгІапхьитІ.

– АуысагІв «АхІба йажва гІвба йуымчпузтын» ззихІвауа ачІвыйа?

– Ауи хъацІарата йпхъадзауа ачІвыйа?

3. АгІвыра асабиква гІапхьитІ.

– Ауыса хъвыцра хъадата йалу ачІвыйа?

4. Ажважв «Пха зкву насып йымапІ» ззырхІвауа шпагІашвгвынгІвуа?

(АхІбара-айцІбара здыруа, йдзыргІвуа, зцІасква назмыркъвуата йназырдзауа ауагІагъи хвы йзыр-чпитІ, бзи дырбитІ. Ауи бзита дбжьапІ, гвымхара гычпум, йынасыпгъи йазхІитІ.)

5. Акврыбагъяхра апхъара.

– ЙцІыхъвадзахауа апщсатыркІ ужвыгъи зны швгІапхъа. Ауат гвыбзыгъарата йрылу гІалшвкІгІа.

IV. Тшпсцара дакъикъа.

Ауандыр ачарх хъынхІвитІ:

«Гъри-цІри! Гъри-цІри!»

ЙацІасуа атшларджъгъи цитІ.

ЦІахъ, цІахъ! ЦІахъ, цІахъ!

Муда дцитІ сасра, гъри, цІри!

Дахъуа агъвра цІахъ, цІахъ, цІахъ!

V. АпхъарасахІат атема шІыц адынхалра нар-дзахра.

1. ЧквтІу Михаэль йуыса «Бжьара» арыпхъагІв дгІапхьитІ.

2. Ажвар нхара.

ЦІай сараджъакІ – цІай маджъандзакІ.

3. Ауыса асабиква къазула йгІапхьитІ.

– Ауыса апны асаби дшпагІарбу?

– ХІваджъа йчпарныс йгІайхъвыцыз ачІвыйа?

4. Акврыбагъяхра апхъара.

– Афырква ртурасы йтагылата йгІапхьитІ.

– ХІваджъа асаби ацІыкв пйымтшыскІва дзи-закыз ачІвыйа?

– Ауи гвыбзыгъарата йхІваз гІалшвкІгІа.

5. АласхІвара ддырдыритІ.

ЧІварта змам – чварта гъницІум,

Чва зымхыз – чва гъаквицІум.

Чвала тшумчпан ГІараби,

Чва гъухъайбушым заджвгъи.

6. Ахъвмарца – хъатаршыгаква рыдынхалра.

джъу –  – н лым –   – гъыз  – гІвра

джъумаран лымхІа тенгъыз тшыгІвра

7. ЛагІвычв Джъамльадин йуыса «Пхамца» арып-хъагІв дгІапхьитІ.

8. Ажвар нхара.

Джъумаран – рхъа швырпІ, урышвла «суслик».

9. Ауыса асабиква гІапхьитІ.

– АгІвгІвы асабиква дызларайбжьауа ачІвыйа?

– Ауи ГІида дшпайыквчважвауа? ЙгІалшвкІгІата швгІапхъа.

10. Ауыса тамамта, логика щтІыхраква гІалыркІ-гІауа йгІапхьитІ.

11. Акврыбагъяхра апхъара.

– АуысагІв ауагІаква тшызларзынайырхауа ажва-ква гІалшвкІгІата швгІапхъа.

VI. АпхъарасахІат атема шІыц рыбагъяхра.

Ауысаква зны-зын йгІарыпхъахитІ.

– АуысагІвчва руысаква злапшу ачІвыйа?

– Ауат рпны амагІын хъада гІалшвкІгІа. ШвгІакв-чважва.

VII. ЦІхъважва.

– Ауысаква швгвапхама? Йызлашвгвапхайа?

– Швхъа ахъазла гвыбзыгъарата йгІалшвкІгІайа?
Ауат швыззырбжъаз ачІвыйа?

– АпхъарасахІат апны рыцІа йшвгвапхайа?

VIII. ПынхачІвы.

136 – 139 ан. Ауыса «ХъацІара утахъызтын» збарла йддырдыритІ. Ауысаква йырквнагауа ажважв гІарауитІ.

46 апхъарасахІат

АпхъарасахІат атема: МартІ агІба. *ТхІайцІыхв Бемырза*. Уычв, са сычкІвын. *ХІачвыкъва Аминат*.

АпхъарасахІат амурадква: ауысаква йрыхаргІвазара, аныхІвамш амагІны гІаргвныргІвра; ан лыхв шнадмыркъвуаш, чІахІ шылзырчпуш йанакІвызлакІгъи йазыбжъара, рапхъаща агъьчІвра, рапхъара щцалраква рыбагъахра, абызшва бзи йдырбара.

АпхъарасахІат адгалща: апхъага, ажва баргвква зну ажваква, рчважвара тшауацІнарыхрала цхъра-гІага материал: кытча, ажважв, ласхІвара, асурат-ква.

АпхъарасахІат акІвшаща

I. АпхъарасахІат тшазадгалра.

(ЙагІвсыз асахІат апны йддырдырыз атшазрыхІазырга гІархІвитІ)

II. ПынхачІвы рхъвыхра.

1. АзцІгІараква джъауап рыртитІ.

– Швпны швызпхъаз агІвыраква згІвыда?

– Ауат злапшу ачІвыйа?

– Ауат рпны гвыбзыгъарата швзынйайа?

2. Ауысаква йгІарыпхъитІ.

3. Ауыса «ХъацІара утахъызтын» збарла йгІархІвитІ.

III. АпхъарасахІат атема шІыц адынхалра.

1. Айчважвара.

– МартІ агІба амгІан мшыяа?

– Ари аныхІвамш ззынарху дзачІвыйа?

– Швара ауи тшшпазшврыхІазыруа?

2. Суратла нхара.

– Асурат апны йыжвбауа ачІвыйа?

– Асабиква ан йлызрыхІазыруа ачІвыйа?

– Ауат рнашкква шпаъу?

3. ТхІайцІыхв Бемырза йуыса «МартІ агІба» арыпхъагІв дгІапхъитІ.

4. Ажвар нхара.

ЧІвец – амца анбылуа йгІалшвтуа акІкІара хвыц. **Йгъбергълым** – йгънахвам, йгъалыргам.

5. Ауыса асабиква гІапхъитІ.

– АуысагІв аныхІвамшла дзайхІвахІвуа дзачІвыйа?

– Ауи кІасы зхъата йаъу зымгІва пхарата йгвы йрызту шпагІайырба?

IV. Тшпещара дакъыкъа.

V. АпхъарасахІат атема шІыц адынхалра нар-дзахра.

1. Ажважвква рыдынхалра:

– АпхІвыс анасып лыцІгІайитІ.

– Ан лацкІыс нбжъагІв цІабыргы дгъаъам.

– Ан лыхъазла агІари йанакІвызлакІгъи дсабипІ.

2. Ауыса «Уычв, са сычкІвын» арыпхъагІв дгІапхъитІ.

3. Ауыса асабиква ргвыла йгІапхъитІ.

– Ауыса гІазквчважвауа дзачІвыйа?

– Ан лсаби бзибарата йызлыму злагІалырбауайа?

4. Ауыса къазула йгІапхъитІ.

– Ан лсаби йзылтахъу ачІвыйа?

5. Аребусква рыдынхалра.

6. Кытча йаситІ.

– ЩапІы гъацІам, напІы гъамам, ашвхъышвква атІитІ. (*Пша*)

- ШапIы гьацIам, йашIамсуа йыгIовитI. (*ДзыгIв*).
- 7. Ауыса асабиква къазула йгIапхьитI.
- 8. Хъвы-хъвы збарла йддырдыритI.

VI. АпхъарасахIат атема шIыц рыбагъяхра.

- 1. Акврыбагъяхра апхъара.
- Ауысаква зны-зын йгIапхъахитI.

2. АласхIвара ддырдыритI.

КIвакIви МыкIви КIвыца дрыцта
Йапхъанысуа акIвар йцатI.

VII. ЦIхъважва.

- АпхъарасахIат апны шIыцрата йыжвдырIа?
- ЗымгIва рацкIыс йшвгвапхайа?
- Ауысаква лахIварата йгIашвыларцIайа?
- Швынхаща хвы аквшвцIа.

VIII. ПынхачIвы.

143 – 145 ан. Ауыса «Уычв, са сычкIвын» збарла
йддырдыритI, макъым рзатуазтын йартитI.

47 апхъарасахIат

АпхъарасахIат атема: ХъацIара. *ТхIайцIыхв Бемырза.*

АпхъарасахIат амурадква: ауыса йахаргIвазара;
Юрий Гагарин хъацIарата йчпаз, ауи йгIатгараква
йахаргIвазара; рапхъаща агъьчIвра, р-Псадгъыл бзи
йдырбара; рчважвара тшауацIнарыхра.

АпхъарасахIат адгалца: апхъага, акосмонавтква
рсуратква, ахъатаршыгаква, аласхIвараква, ажва
баргвква зну карточка.

АпхъарасахIат акIвшаца

I. АпхъарасахIат тшазадгалра.

Апхъага бгъьыц-бгъьыцта йахъхIыркшапI,
ЙхIхъаштылхыз гIахIгвалахIыршвахпI тынчта,

АхачIвква шIыц-шIыц йгIзапI-йхIшвапI –
АзцIгIараквагьи бзи-бзи джъауап рзгIахIаупI.

Тлабыча Мира

II. ПынхачIвы рхъвыхра.

1. АзцIгIараква джъауап рырититI.

– ЙагIвсыз асахIат апны зыршIыйара хIадын-
халIа?

– Ауат ауысагIвчва йалкIгIата ргIвыраква рпны
йгIазквчважвауа ачIвыйа?

– Ауысаква хъатахъвыцрата йгIашвыларцIайа?

2. АуысакI збарла йгIархIовитI.

III. АпхъарасахIат атема шIыц адынхалра.

1. Айчважвара акIвыршара.

Суратла йынхитI.

– Асурат апны йыжвбауада?

– Арат акосмонавтква ртдзахъызкв жвдырума?
ЙгIашвхIва.

– Йапхъахауата арат рыуа ауапчыхв йалалда?

Юрий Гагарин Смоленск область йаланакуа акыт
хвыц Клушино апны дйытI.

Асквш 1941 сентябрь азакI апхъарта дыцIалтI,
ауаса акыт анамыщаква йыркIын йапхъара шIчIватI.
Акыт ангIадырхвитх жвсквша днадзахъата апхъарта
дацапахтI. Апхъарта дангIалга Саратов индустриаль-
на техникум дыцIалтI. Ауаъа йхысквша апхъара ам-
щтахъ аэроклуб дцатI йгьи йапхъара диплом къап-
щыла дгIалгатI. Йаргьи акосмонавт кандидатква
дрыларцIатI йгьи зымгIва драгъьта тшгIайырбатI.
Апрель а 12 асквш 1961 агIан йапхъахауата Юрий
Гагарин ауапчыхв далалтI. Адгъыл дакъикъа 108
дгIакIвшан дгIачIвахтI. Йаргьи «Совет Союз а-Фыр»
хъыз гIайквнадыргатI. Ауи ншицтара сквшышв-
бжакI айхIа цIитI. Ужвы амш апрель ажвыгIв сквш-
гIадза йдыртлапIитI. Ауи акосмонавтика йамшта йыр-
пхъадзитI.

2. Атема рахIвра.

– УахъчІва хІызпхьуш ауысагъи Юрий Гагарин йзынархапІ.

3. Ауыса арыпхьагІв дгІапхьитІ.

4. Ажвар нхара.

ШыйачІва – ащажь айачІва. Датшагъи апланета ахьыз «Венера» гІанакІитІ.

5. Ауыса асабиква гвѳла йапхьитІ.

– Арадиуа хабарта йгІанагуаз ачІвыйа?

– Юрий Гагарин хъацІарата йчпаз ачІвыйа?

6. Асабиква ауыса къазула йапхьитІ.

– Акосмонавт йгІацапахра йазпшуазда?

– Йшпажвбауа, йара Юрий Гагарин дгвжважвуз-ма й-Псадгъыл дазгІацапахырныс?

IV. Тшпсцара дакъикъа.

Атен гІважъыгъра чкІвын «Доп-доп!»

Акъвадама йгІакІапатІ.

Йахъвшван араса ссаква

Йсакъуа йхъаххылхтІ ацІлахъыкв.

V. АпхъарасахІат атема шІыц адынхалра нар-дзахра.

1. АлкІгІара апхъара.

– Акосмонавт йшйызпшуаз йъагІаквчважвауа асатырква йгІарыпхьитІ.

– Ауи дангІацапахра йгвы ззпхъапшуа злагІарбу ажвакв швгІарыпхъа.

2. Ахъатаршыгаква (Викторина)

– Йапхъахауата ауапчыхв йалалыз ала ахьыз?

– ФачІвыта атюбик йтата акосмонавткв йгІадрьсабапуа? (Паста)

– Ауи апланета Планета Къапщы – хІва йапхьитІ. (Марс)

– Йапхъахауа акосмонавт йыхъыз. (Юрий Гагарин)

– ЙгІвыджъхауа акосмонавт йтдзахъыз. (Титов)

– Йапхъахауа апхІвыс-космонавт. (Валентина Терешкова)

– Акосмонавт йчгІвыча. (Скафандр)

3. Тамамта апхъаца адынхалра.

– Ауыса арифма, абыжъгаца швырхъвых.

– Алогика щтІыхраква гІалшвкІгІумца швгІапхъа.

VI. АпхъарасахІат атема шІыц рыбагъахра.

1. Акврыбагъахра апхъара.

– Швара аджвырагІв йшвтахъума швкосмонавт-харныс?

2. АласхІвара ддырдыритІ.

– ЙхІтахъыпІ ауапчыхв хІала

ХІадгъыл ду гІамыгІдара.

3. Ауыса хъвы-хъвы збарла йддырдыритІ.

VII. ЦІхъважва.

– Ауыса швгвапхама? Йызлашвгвапхайа?

– Йшвтахъума Юрий Гагарин швйапшхата хъа-цІаракІ швчпарныс?

– Ари апхъарасахІат апны йшвгвапхайа?

– Швынхара хвы аквшвцІа.

VIII. ПынхачІвы.

146 ан. Ауыса збарла йддырдыритІ, сурат азыр-чпитІ.

**Абаза ажвала апхьарасахлатква
ркалендарь-тематика план
(4 акласс – сахлат 34)**

№ п/п	Атемаква	аса-хлат-ква	Ажвар
	Пхны		
1	Апхын асуратква. <i>Къвапсыргъан В.</i>	1	Амшын, уардабыгъ
2	ХІкыт апхынла. <i>КІааче А.</i>	1	ЙгІалабыджтІ
3	Квашуа. <i>Дагъжвей М.</i>	1	Пкъаш, чырпІи
4	ЙгІахъагылитІ амыз хІкыт. <i>Мыхц Къ.</i>	1	Ачкъвылтырква, батыр
	Адгъыл хІара йхІ-ПсадгъыллІ		
5	БжъандахІв. Квашуа. ХІврапщдза. <i>Шхай К.</i>	1	БжъандахІв
6	АшварахчІвгІваква. <i>Апса Ф.</i>	1	ГІазаб
	Акъырльуква. <i>Къвапсыргъан В.</i>	1	
	Уыса ззырхІвауа ачІвыйа?		
7	Адзын. Апсахъва. Аква гІакІачІвитІ. <i>Мыхц Къ.</i>	1	Джъугъалъа, хІатыкъ,
8	Тыдзталхъа. <i>ЧезыкІа Ш.</i>	1	кІасамс
9	Ашвырква рпхыз. <i>ЧезыкІа Ш.</i>	1	Гырраса
10	АуагІа ршІалахІвара АчІвын рыцхІи амза джъащахъви. <i>ТІыге В.</i>	1	ГІвадыгъ, факъра
11	АхгІвайщчва ахІ дшыржъаз. <i>ТІыге В.</i>	1	Чварна

12	Марйан ащтанчІв акъви йшгІатылцаз. <i>ТІыге В.</i>	1	АхІ Зальым мурад йкІытІ.
13	ЙгІахв. <i>Меремкъвыль В.</i>	1	
14	Ауарби апсачвакІ- гІви. <i>Меремкъвыль В.</i>	1	Зкърар йайжъаз
15	Акъвыши ашитани. <i>Меремкъвыль В.</i>	1	Домбей, тахІвана
16	Хан Джъамбакъ йтшы. «Абазашта адзыхъква» йгІалхпІ.	1	
17	Хъапщ гІвара. <i>Быда Р.</i>	1	Дари
18	Ажъаква рпыккква ауаса йзаъайа? <i>Быда Р.</i>	1	Къамыш
19	КІатІащ. <i>Тобыль Т.</i>	1	Гъата
20	ХІыбызшва ашвын- дыкъвара. АласхІва- раква. <i>ПІаз С.</i>	1	
21	Агъын цІискава. <i>ЧкъвІу М.</i>	1	ХъамкІыхла
	ЙгІаситІ хъамкІыхла, йгІаситІ. <i>Мыхц Къ.</i>		
22	Агъны ахъазла хъвыцра. <i>Мыхц Къ.</i>	1	ЧІарачІа
	Абна швыркви Асквш шІыци. <i>Апса Ф.</i>		Сипша
	Агвыргъахъв мшы. <i>ХІачвыкъва А.</i>		
	ГІамта пщдза. <i>ХІачвыкъва А.</i>		
23	Агъныла. <i>ЧезыкІа Ш.</i>	1	Сипса, йчвыркъаачвырысуа
	Асы гІаситІ. <i>Тлабыча М.</i>		
	АсылгІва нагІвгІа- гІвитІ. <i>ЛагІвыче Джъ.</i>		
	Псадгъыл		
24	ДгІахІылцІырмищтІ хІыхъыз дута йзыргуш? <i>КІааче А.</i>	1	Къальам
	ГІахІвахра ззырхІвауа ачІвыйа?		

25	ХІабазапІ хІара. <i>ТІыгв В.</i>	1	УрышвихъымгІва йырсай-запІ, акъабля, алагъла,
26	С-Дарыкъвакт. <i>ХІачвыкъва А.</i>	1	аквырджъква, аурымква, щацІа, пчарыхІ
	<i>Йынджыгъ апсыхІва. Тлабыча М.</i>	1	РахІмат, баракъат, пІатІу, апагъа, сайра, хъвыжъ.
	<i>АлбыргІан. Цекъва П.</i>		Бабыгв, батагІа
	<i>СчІвылахъв ъану. Джъгватан Къ.</i>	1	
27	ХІыбызшва ашвындыкъвара. <i>Щбзыхва Л.</i>		Налькъвыт-нальмас, гвахъва, къвыпІчІква, шІнаха, хвышхва
	<i>Сыбызшва. Щбзыхва Л.</i>		
28	Акъылы анасыпи. Кълыч Рауф йбзихара. <i>Аджъбакъ ХІ.</i>	1	Абдаз, дин, гвалымцІых, уау, къалагІвыр, кътап
29	Дамыгъа. <i>ТхІайцІыхв Б.</i>	1	Джыпха, дамыгъа, кІваджып
30	Кытча. Къым. ЙагІума? <i>ЧкетІу М.</i>		КъылымчІапщ
31	Адзын. АгІвсатыркІква. <i>Йуан ГІ.</i>	1	
32	Сан. <i>Батал Къ.</i> Мма. <i>Джъгватан Къ.</i>	1	Хъдзы, уыста йсызбыр-шатІаз
	<i>ХІан. ХІачвыкъва А.</i>	1	
33	ХъацІара. <i>ТхІайцІыхв Б.</i>	1	ШыйачІва
34	АйгІайра. <i>ХІачвыкъва А.</i>	1	ЙбыжкІыз агъа
	<i>Ани апи. МыцІ Къ.</i>	1	
35	Агваран швырду. <i>Цекъва П.</i>	1	ЧІвыуапхъа, хийа
	<i>Амара расхатІ. Джъгватан Къ.</i>	1	

АцхърагІага апны чыдата йгІанатуа ажвасахІаткІ ркалендарь-тематика план (10 с.)

№ п/п	Атемаква	АсахІат-ква	Ажвар
1.	БгІай – баз! <i>Муратыкъва Н.</i>	1	Ачв йырчІвыуитІ
2.	Къвзана. <i>Батал Къ.</i>	1	Йшалам чакъ
3.	Мцырби. <i>ХІачвыкъва А.</i>	1	ШІала цІис
	Гвагва луатра. <i>ХІачвыкъва А.</i>		гІайкІитІ.
4.	ЙыздыритІ. <i>Муратыкъва Н.</i>	1	Ашвыджъ
5.	ЛыгажвкІ дгІамгІвайситІ. <i>Къмыш А.</i>		Лабала йзумца
6.	Къазар. <i>Щбзыхва Л.</i>	1	йчІвырхъа
7.	Атаца лырчважваца. <i>ЧезыкІа Ш.</i>	1	Къазар, башы
	Абаза пхІвыспа. <i>ХІачвыкъва А.</i>	1	Ъадаб-намыс, цІас
8.	АуагІа ршІалахІвара шгІащаквхаз. Щхъа цІас. Абаза гІвна. Асасчва ррайгвара. <i>Джъгватан Къ.</i>	1	Уарджакъ, рахчына, ЙгъармуумызтІ дауара, да уыламызтын, алым, гІва, гъсайырым, мчымхъара, кІарышвта, джъаз, гІвадза, пигвал
9.	ХъацІара утахъызтын. <i>Джъгватан Къ.</i> Бжъара. <i>ЧкетІу М.</i> Пхамца. <i>ЛагІвычв Джъ.</i>		ЦІай сараджъакІ, джъумаран ЧІвец, йбергъльым.
10.	МартІ агІба. <i>ТхІайцІыхв Б.</i> Уычв, са сычкІвын. <i>ХІачвыкъва А.</i>		

Ацлахъызква

АлчІвы – ольха
Гъбаса – кедр
Гъбаца – граб
ДжъчІвы – дуб
ЖачІвы – ясень
Льаці – вязь
МзагІв – ель
Псахъва – ива
Псыгъ – тополь
ТшачІвы – липа
Тобыльціла – пробковое дерево
Хъаца – бук
Хъыціла – каштан
ЦыхІ – береза
ЧамхІа – клен
Швокъвыд – черемуха
ШвчІвы – чинара.

Акыб швырка

Мыгърычвкъа – барбарис
Мыгърайква – ежевика
Мышвмажва – рябина
Зары – кизил
КІарма – калина
Къазмых – облепиха
Сана – смородина
Чархына – малина
Швхрыб – крыжовник
ХІамшвкІвытІ – боярышник.

Анхага ъамапсымаква

Бель – лопата
БельгвагІва – совковая лопата
ГврахІа (кІвагъа) – топор
ГврахІатІыгв – обух
ДжъахІва – молоток
Лом – лом
Псыргла – наковальня
Дзадзы – шило
Тарнауыч – грабли
Тшага – тляпка
Хан – пила, ножовка
ХъвынчІвы – вилы
ЧІвымыгъгІалхга – гвоздодер

Ауандыр, аджъанах, акІватан йырпщылу ажваква

Арыхъга – дышло
БаргІанч – полуобод
Бкъвыл – ступица
Гвы – полоз
Гвйдза – спица
Гвышв – платформа
Дамапс – ремень (которым
*связывают нижние концы двух заноз,
запрягая волов*)
Драбина – драбина
Дзамбыр – ось
Къыж – борозда
Къыжгал – плужный нож
КІватан – плуг
КІватанчарх – колесо плуга
КІватанщхъва – поручни плуга
Къаба – лемех
Псынч – ярмо
Пыза – предплужник
Чарх – колесо
ЧвхІвчІвы – заноза

Чвхъвша – ярлычка
Шамкъа – кожаная бечева

Ачгвычахъызква (АпхъанчIви уагIаква йынкъвыргуз)

Амсы – бурки (обувь теплого вида)
Асы – рубашка, сорочка
Башлыкъ – башлык
Бляфа – тонкий кружевной платок
Гванчрыкъв – мужская обувь из сыромятной кожи
КIасчвамгIа – чувяки из сукна
Къатыр – обувь без задника
Къапталъ – мужская национальная одежда в виде кафтана
КIвымжвы – черкеска, мужская национальная одежда
Сахтан чрыкъв – хромовые сапоги
Льудан – тонкий шелковый платок
Майыст – легкие сафьяновые сапожки
Мъа – пояс, хъапщ мъа – женский пояс из золота
Уабчвахъылпа – войлочная шляпа
Уабчвамс – войлочные бурки
Уабчвамси кIалоши – войлочные бурки с калошами.
УапIа – бурка
ХIазыр – газыри
Хъамы – тулуп (или шуба)
Хъарпхъа – платок, надеваемый под шаль
ХIвынчIвра – нагрудник (украшение из золота) в национальном женском костюме)
ЦIахъцIацIас – нижняя рубашка
ЦIахъцIацIайква – кальсоны
ЧIашвахъылпа – каракулевая шапка
Ъахвтан – платье

Аласи ачви рырхарджъра йапщылу ажваквa

Аса – гребень
АхIа – нити основа
ГърычвхIва – кузнечные меха

Гъаша – бурдюк
Дадырхъа – пряслице (деревянная подставка, к которой привязывается кудель при прядении)
Дадыргъвы – веретено
Дадырхва – ручка веретена
Къцкъага – плетень, решетка для выбивания шерсти
КIвымжвсыга – ткацкий станок
ЛаскIвыга – чесалка для шерсти
МшIгъажъы – вал, навой
Псатша – ремизы
РгIадага – легкие прутья, которыми выбивают шерсть
РкъвчIра – заквашивание кожи
Сахтан – храм (кожа)
Харчыч – клубок шерсти
Харгвыр – спицы для вязания
Хвата – челнок (швейной машины)
Хвата ларта – челночное гнездо
ХIаты – мешок из кожаной шкуры, бурдюк
ХIвхIвара – снять мездру (жировые остатки)
Хъвара – уваливание сукна
ЦIхIвара – обработка шкуры после закваски
Щацыква – челнок (в ткацком станке)
ЧухIа – сукно
ЧIвара – кресло ткацкого станка
Шарбал – доматканное сукно из грубой шерсти
ШIщы – катушка (в ткацком станке)
Швокъвадз – кожемялка

Алакъырдыраквa

Адагв йшвальауат гIван йгъгIаргуам.
АквтIуква умырхъыччан.
Амшв чан раса гвыкI гIацхатI.
Амшвгъи ачыр амапщзапI.
Атажв дышчIваз ажъа гIалкIытI.
Ауи йапш аквтIуквагъи дгърылам.
Аъаза дгIардын ачв ала кIылихтI.
Данажвы дайфандхатI.
Зыхъыз гауа зхъата аъам.
Зыхъыз зхъаштылхыз йынахIа.
Йъайымгвапхауа апны ддагвпI.

ЙызласхвгІазла йыстйыхитІ.
Лпластинка гІаквырцІатІ.
Мамырса щарда зфаз атобаквагы мамырсазшва йбитІ.
УлымхІа чвамза тадыргылма?
Упыцква гІайыма?
Ушвузтын схъылпа ухъацІа.
ХІваджъа йбашмакъта тшгІагІвнайжътІ.

Йапшым ажважквa

Дунай йыквпІ бзагы псгы.
Ажбы мбгІарныс джъкІа аквырпситІ, аджъыкІа бгІа-
рыквын йазырхахуайа?
Аква пщырхІала йукІуашта йгІаквитІ.
Аква напІыла йукІуашта йгІаквитІ.
Ала быжъпсыкІ ахъапІ.
Ала гвыбзыгъа гътачарым
Али ацгви йрапшпІ.
АлымхІа ацкІыс агвы аргваныпІ.
Амара рщапІшваргвыцІаква гІанаршнацІыкІъара
йыггІагылуам.
Амца ацкІысгы амца зрычвуа адзы лшара амапІ.
Амца йфауа дгІадзатІ.
Амцабыз гІайшІыкъытІ.
АмцхІваща гІайылицатІ.
Апхъа йгылу дхІбаракъпІ.
АтхаджъыгІва хъала далапІ.
Атшы йасуагы апхІвыс йлысуагы закІы гъагІвыр-
гум.
Ауи цІа шкІвокІва цІа квайчІва йылазтынгы са дыз-
дыритІ.
АхІвансхІван узыкъачІвахума?
АчымазагІв дгІанхан зцІгІара йызцаз дпсытІ.
АшІадзы гІайрыгІвитІ.
Дадым йла лажвкІ гІанадын йгІайхтІ.
ЙгІазгуа хІалъальта схъата хІарамта.
Йылбаз лыла азгІакІылцІитІ.
Йынкъвумгас апщырхІа йанакІвызлакІгы йкІазкІа-
зитІ.
Йыпхтра дафитІ.
Йычву амшв гІаумыршІыхан, афыр хъацІа думыр-
гвыжвкІын.

Къвады уыквырцІама?
ЛакІи лакІи ачвачыпхацитІ.
ЛаршгІвыта акыт дакцацІапІ.
Лашв ймауа лабгапІ.
Пахъ ргІвзы щтахъ рбычв.
Рыла дкІылырбгІитІ.
Рычви рпхызи йгъалам.
Рыцта гъхъымбалстІ
Токъаль зму зымгІва йымапІ.
Тшбзи зму дама йшІапІ.
ТшхъакІ аъара гІасйырбан сыла азна гъгІасимтхтІ.
УанамайгІваджъхра йсымам саутІ.
Уара уапш агагІвы адгъыл йачакъхъатІ.
Уа-уа-у схІварыквын сцІрума, йызбаз схІвахырквын
сбзынкъвгагІвхума?
Ухъапшлырквын – жвгІванд, угІалбгІапшрыквын –
чІвыла.
Хъащтахъта дырчпатІ.
ХІаль пшдзата йаъу зымгІвагы ащчвапІ.
ХІпны йгІайуа дкІважвахитІ.
ХІогы чыхъгы гыгвынгІвуам.
ХІшырбарыз хІырбадзатІ.
ХІыжв гІван йхъатІ.
ХІва хІвынчІвы йылахума?
ХІвынап гъгІалдмыркІытІ, ауи акІвмызтын йыл-
дымрычпа гъаъам.
Чуантача – тшкІараха!
ШІацІахъв хъагылра гъхІауам.

Ажва пчарыхІква

Абага зхъырцІауа ачва акІвпІ.
Абага йайшварацитІ, абагагы шварацитІ.
Абагадза апыцъанадзауа гъыыхуам.
Абджъардата айсра джвыквумцІан.
Абзира йамайгвгъауа дгъаъам.
АбхІагІвы дхъвыдахитІ.
АбыгІв йадзхъу ажбы хъагІапІ.
Абыз зхІвауа дбзынкъвгагІвхитІ.
Агвжважвара гІвацагІара гІалцІитІ.
Агвы амажвуата амахъа-щакъаква ажвитІ.

Агвы бзи йабауа алагы йамапшдзапІ.
 Агвы йазымхІвауа ажвакв йырхІвитІ.
 Агвы йгІацтІнамхуа алагы йгыІацІалуам.
 Агвы йту ажвчІв йгІатнацитІ.
 Агвыгъара къару гІаунатитІ.
 АгвыжвкІра гІвщра гІалцІитІ.
 Агвымха гІвзас думчпан.
 Агвымха гІвзас дучпарыквын атшпынхІва угъацІ-
 цІрым.
 Агвымха йпІай ахыа йхыицитІ.
 Агвымха уйыцызтын угвымхахитІ.
 Агвымха уйыцызтын йчва гІаухъыситІ.
 Агвымхара хъара уымцауатагы йуауаштІ.
 Агвып рыла зырпшуа агвып дырпсапІ.
 АгврышхІвачпагІв йхъагы йгъазхъайцІахуам.
 Агвы йахъвауа пшдзапІ.
 АгвыжвкІыгІв ласы дхъдзахитІ.
 Агвыцкъа йлакта цкъапІ.
 Агъа дышуаурыз ныбжъагІв дуауында.
 Агъныла ахІвра рашвачІв къагІума?
 Агъныла чва уымхын, апхынла утшбыг щтІауымцІан.
 Агъычра йащцаз йнапІы гызыкІуам.
 Агъычра хайыр гъацІцІуам.
 Агъычри амцІІвари хъара угъыргарым.
 Агъычрах къдзыра гъацІам.
 Агъыччагы йырчвгъычхитІ.
 АгІапсара змыршышыз атынчра гыйлайхІвушым.
 АгІапын жвгІвакв кІынхІарапІ.
 АгІапын йкІауымпсаз адзын йыгъуаухрым.
 АгІапын йлауымцІаз адзын йыгъуаухрым.
 АгІапын йычваз адзын дчІвухитІ.
 АгІапын паса йлауцІаз адзын паса йгІаупылхпІ.
 АгІв бзи агвымхара гъйайгІайрым.
 АгІв гвымха уйнымйақІва агІв бзи дгъудыруашым.
 АгІвы йлактала йгвы йту гъудырым.
 АгІвы йтахъыра цІхъва гъамам.
 АгІвылас йхІваз дазайгІваджъхитІ.
 АгІвылас ласы дхъдзахитІ.
 АгІвычІвгІвыс гвымха фгІвыла дъазапІ.
 АгІвычІвгІвыс дгвыжвкІырквын быжъпсыкІ гІайхъа-
 литІ. АгІвычІвгІвыс думыршвауата дрыдзыргІв.
 АгІвычІвгІвыс дшаъу йдырхра атахъыпІ.

АгІвычІвгІвыс йыцІба йдырхра атахъыпІ.
 АгІвычІвгІвыс зынгы дгъацакІуам, дшаъаз апшта
 дцахитІ акІвмызтын.
 АгІвычІвгІвыс йгІвыра ахча ацкІыс йтлапІапІ.
 АгІвычІвгІвыс йгІвыра ъанадзауа йщагащаква йгІау-
 дырбитІ. АгІвычІвгІвыс йхъа йазгІайымгуа тшпынхІвакІ-
 гыи гыйызгІайуам. АгІвычІвгІвыс йхъа шибауа гъакІвым,
 ауагІа дшырбауа акІвпІ.
 АгІвычІвгІвыс йчва щарда тадзитІ.
 АгІвычІвгІвыс йгІвыра удырра утахъызтын — мгІва
 уйыцквыл. АгІвычІвгІвыс йыладз удзышхъв гъухъна-
 къум.
 АгІвычІвгІвыс йыму хвы гъазичпум, йымам дазпситІ.
 АгІвычІвгІвыс йымхІвуш анихІвара йазхъацІара ыд-
 зитІ.
 АгІвычІвгІвыс ухъа дгІаквухра атахъыпІ.
 АгІвычІвгІвыс хаха дажвакъакъыгІвхитІ.
 АгІвычІвгІвыс хыа думыршвйын.
 Адунай агагІвы йгІартынхатІ.
 Адунай апны ахъагвыгІвбара ацкІыс къангъашагІв
 гвымха гъаъам.
 Адунай ахъаз хвагата дыквпІ.
 Адунай аджвы йхъазы йгъихъарымчпатІ.
 Адунай птшыгІа надзама?
 Адунай хабарла йчвыпІ.
 Адунай чархта йхъынхІвитІ.

Апхъарала 4 акласс апны рдырра йаквыргІапсу аргылчІвква

ДакъикъакІ апны ажвата йапхъара атахъыпІ					
АРГЫЛ- ЧІВКВА	«5»	«4»	«3»	«2»	«1»
I асквшбжа	45 – 50	40 – 45	30 – 35	25 – 30	рыцІа ймачІу
II асквшбжа	50 – 55	45 – 50	40 – 45	35 – 40	рыцІа ймачІу

АХЪАКВА

АПХЪАЖВА	3
4 АҚЛАСС АПХЪАРАСАХІАТҚВА РТЕМАҚВАЛА	
ЙАУАЦЫХУ АПЛАНҚВА	
1 апхъарасахІат. Апхын асуратква.	
	Къвапсыргъан Валентина 12
2 апхъарасахІат. ХІкыт апхынла. КъІачв Аддыльгъари	15
3 апхъарасахІат. Квашуа. Дагвжвей МухІадин	19
4 апхъарасахІат. ЙГІахъагылитІ амыз хІкыт. Мыхц Къарим..	22
5 апхъарасахІат. БжъандахІв. Квашуа. ХІврапшдза.	
	Шхай Катйа..... 25
6 апхъарасахІат. АшварахчІвгІваква. Апса ФатІимат.	
	Акъырлуква. Къвапсыргъан Валентина.. 29
7 апхъарасахІат. Уыса ззырхІвауа ачІвыйа? Адзын. Апсахъва.	
	Аква гІакІачІвитІ. Мыхц Къарим..... 33
8 апхъарасахІат. Тыдзталхъа. ЧвзыкІа ШахІымби	37
9 апхъарасахІат. Ашвырква рпхыз. ЧвзыкІа ШахІымби... 41	
10 апхъарасахІат. АуагІа ршІалахІвара. АчкІвын рыцхІи	
	амза джъацахъви. Тыгв Владимир
	йанйыргІалхтІ 44
11 апхъарасахІат. АхгІвайщчва ахІ дшыржъаз. Тыгв	
	Владимир йанйыргІалхтІ 48
12 апхъарасахІат. Марйан ащтанчІв акъви йшгІатылцаз.	
	Тыгв Владимир йанйыргІалхтІ.. 50
13 апхъарасахІат. «ЙГІахв!» Меремкъвыль Владимир	
	йанйыргІалхтІ 53
14 апхъарасахІат. Ауарби апслачвакІгІви. Меремкъвыль	
	Владимир йанйыргІалхтІ 56
15 апхъарасахІат. Акъвыши ашитани. Меремкъвыль	
	Владимир йанйыргІалхтІ 58
16 апхъарасахІат. Хан Джъамбакъ йтшы. АзкІкІра	
	«Абазашта адзыхъква» йгІалхпІ 61
17 апхъарасахІат. Хъапщ гІвара. Быда Рубин	63
18 апхъарасахІат. Ажъаква рпыкква ауаса йзаъайа? Быда	
	Рубин..... 66
19 апхъарасахІат. КІатІащ. Тобыль Толыстан.	69
20 апхъарасахІат. ХІыбызшва ашвындыкъвара. Шаз	
	Сергей. Акытчаква 72
21 апхъарасахІат. АгъынцІискава. ЧквтІу Микаэль.....	75

22 апхъарасахІат. ЙгІаситІ, хъамкІыхла йгІаситІ.	
	Агъны ахъазла хъвыпра. Мыхц Къарим ... 78
23 апхъарасахІат. Агвыргъахъв мшы. Памта пшдза.	
	ХІачвыкъва Аминат 80
24 апхъарасахІат. Агъныла. ЧвзыкІа ШахІымби.	
	Асы гІаситІ. Тлабыча Мира. АсылгІва
	нагІвгІагІвитІ. ЛагІвычв Джъамльадин.... 84
25 апхъарасахІат. Абна швыркви Асквш шІыци. Апса	
	ФатІимат 89
26 апхъарасахІат. ДгІахІылцІырмищтІ хІыхъыз дута	
	йзыргуш? «Аджынква йадрпхъаз»
	агІахІвахра йгІалхпІ. КъІачв Аддыльгъари ... 92
27 апхъарасахІат. ХІабазапІ хІара. Тыгв Владимир.....	94
28 апхъарасахІат. С-Дарыкъвакт. ХІачвыкъва Аминат.	
	Йынджыгъ псыхІва. Тлабыча Мира.
	АлбыргІан. Цекъва Пасарби. СчІвылахъв
	ъану. Джъгватан Къали 97
29 апхъарасахІат. ХІыбызшва ашвындыкъвара. Сыбызшва.	
	Щбзыхва Лариса. 102
30 апхъарасахІат. Акъылы анасыпи. Къылыч Рауф	
	йбзихара. Аджбакъ ХІаджысмель 105
31 апхъарасахІат. Дамыгъа. ТхІайцІыхв Бемырза	109
32 апхъарасахІат. Кътча. Къым. ЙагІума? ЧквтІу Микаэль ..	112
33 апхъарасахІат. Адзын. АгІвсатыркІква. Йуан ГІалиса... 115	
34 апхъарасахІат. Сан. Батал Къасей. Мма. Джъгватан	
	Къали. ХІан. ХІачвыкъва Аминат 119
35 апхъарасахІат. АйгІайра. ХІачвыкъва Аминат.	
	Ани апи. Мыхц Къарим. 122
36 апхъарасахІат. Агваран швырду. Цекъва Пасарби.	
	Амара расхатІ. Джъгватан Къали..... 126
37 апхъарасахІат. БгІай баз! Мурытыкъва Николай	130
38 апхъарасахІат. Къвзана. Батал Къасей	133
39 апхъарасахІат. Мцырби. Гвагва луатра.	
	ХІачвыкъва Аминат 135
40 апхъарасахІат. ЙыздыритІ. Муратыкъва Николай	138
41 апхъарасахІат. ЛыгажвкІ дгІамгІвайситІ. Къмыш Амин .	141
42 апхъарасахІат. Къазар. Щбзыхва Лариса	143
43 апхъарасахІат. Атаца лырчважваца.	
	ЧвзыкІа ШахІымби. Абаза пхІвыспа.
	ХІачвыкъва Аминат 146
44 апхъарасахІат. АуагІа ршІалахІвара шгІащаквхаз.	
	Щхъа цІас. Абаза гІвна. Асасчва
	ррайгвара. Джъгватан Къальи 149

45	апхъарасахIат. ХъацIара утахъызтын. Джъгватан Къалы. Бжьара. ЧквIу Микаэль. Пхамца. ЛагIвычв Джъамльадин	153
46	апхъарасахIат. МартI агIба. ТхIайцIыхв Бемырза. Уычв, са ссабичкIвын. ХIачвыкъва Аминат	156
47	апхъарасахIат. ХъацIара. ТхIайцIыхв Бемырза	158
	Абаза ажвала апхъарасахIатквa ркалендарь-тематика план...	162
	АцхърагIага апны чIыдата йгIанатуа ажвасахIаткI ркалендарь-тематика план (10 с.)	165
	АцIлахъызквa	166
	Акыб швырквa	166
	Анхага тамапсымаквa	167
	Ауандыр, аджьанах, акIватан йырпщылу ажваквa	167
	АчгIвычахъызквa	168
	Аласи ачви рырхарджъра йапщылу ажваквa	168
	Алакъырдыраквa.....	169
	Йапшым ажважквa	170
	Ажва пчарыхIквa	171

Хачукова Аминат

**МЕТОДИЧЕСКОЕ ПОСОБИЕ
К УЧЕБНИКУ «РОДНАЯ РЕЧЬ»
4 КЛАСС**

*На абазинском языке
Первое издание*

**Редактор Смыр Л.Х.
Корректор Шовгенова Ф.Р.
Технический редактор Балаева Т.А.**

Подписано в печать 12.12.16. Формат 60х90/16. Бумага офсетная.
Гарнитура Школьная. Печать офсетная. Усл. печ. л. 11.
Уч. изд. л. 7,88. Тираж 50 экз. Заказ № 0182.

Государственный заказчик РГБУ ДПО «Карачаево-Черкесский
Республиканский институт повышения квалификации работников
образования». 369000, г. Черкесск, ул. Фабричная, 139.

ООО «Полиграф-ЮГ». 385000, г. Майкоп, ул. Пионерская, 268.
Телефон для справок: 8(8772) 52-23-92.
E-mail: guripp2@yandex.ru.